

**DE METRORUM ANAPAESTICORUM
APUD POETAS GRAECOS
USU ATQUE CONFORMATIONE
QUAESTIONES SELECTAE.**

**DISSERTATIO INAUGURALIS
QUAM AD SUMMOS IN PHILOSOPHIA HONORES
AB AMPLISSIMO PHILOSOPHORUM ORDINE
ACADEMIAE WILHELMAE ARGENTINENSIS
RITE IMPETRANDOS**

SCRIPSIT

AUGUSTUS RAABE
ARGENTORATENSIS.

**TYPIS EXPRESSIT
M. DU MONT SCHAUBERG
ARGENTORATUM
MCMXII**

Dissertatio ab amplissimo philosophorum ordine probata
die XXV mensis Junii a. 1910.

MATRI CARISSIMAE

SORORI FIDISSIMAE

D. D. D.

Anapaestica carmina quamquam ab Aeschylī aetate usque ad Synesii tempora nobis servata sunt, tamen quod de ceteris fere omnibus metris, idem de anapaestis iure conqueri licet: nimirum usus metri, qualis per fugientes Graeci Romanive aevi aetates obtinuerit, tantum abest ut sponte nobis perspiciatur, ut opinionibus contenti esse cogamur, nisi forte nova fragmenta temporibus progredientibus invenientur. Nam et ea, quae grammatici Graeci et Latini de anapaestis praecipiant, saepe non modo non lucem, sed etiam obscuritatem rebus afferunt. Accedit, quod ex aetate Alexandrina nihil exstat, quo certum quicquam de illorum temporum usu iudicari possit. Cui rei testimonio est, quod fragmenti illius Berolinensis anapaestici¹⁾ natura adhuc non plane perspecta est. Praeter tragoedias Graecas saecula prima quattuor Christiani aevi multa monumenta et Graeca et Latina nobis servaverunt, quorum origo atque natura adhuc ignota est. Grammaticorum praecepta varia quo modo inter se cohaereant atque in artis formam ac rationem redigenda sint exquirere haud quisquam ausus est²⁾, quamquam alia ratione recentiorum poetarum studia intellegere non possumus. Nihil dico de anapaestorum qualis ante Aeschylum fuerit usu perspicendo; quae res quamquam omnium maxime necessaria est, tamen absolvi non potest, dum novam fragmentorum Graecorum lyricorum collectionem et recensionem exspectamus.

Quae cum ita sint, hoc quidem opusculo satis habebimus, anapaestorum usum eorum poetarum Graecorum tractare, qui ab aetate Aeschylea usque ad Synesii tempora fuerunt; neque vero eos Romanos praeteribimus, qui carminibus anapaesticis Graecos imitati esse videntur; e quibus Plautum paucis tantummodo verbis attingemus. Sed et grammaticorum studia

¹⁾ Berl. Klass.-Texte, vol. V 2, fgm. 9775, pagg. 131—139.

²⁾ Vix enim Hensei de Juba artigrapho librum (Acta societatis philol. Lipsiens. IV (1875), pag. 1 sqq.) commemoret quisquam, qui mihi quidem nullius pretii videtur esse.

respicienda erunt, ut pernoscatur, et quid docendo ad poetarum antiquorum versus cognoscendos conferant, et quo modo recentiorum poetarum et metricorum studia inter se cohaereant. Itaque primum quidem de tragicorum anapaestis agemus, deinde doctrinam metricam, quam aetate Alexandrina ex carminum veterum observatione profectam esse scimus, tractabimus, tum poetarum recentiorum in usum inquiremus, denique scriptorum metricorum praecepta quo modo quibusque de causis paulatim mutata sint demonstrabimus.

Caput I.

De anapaestorum usu, qualis in tragoediarum Graecarum canticis occurrit.

Anapaestorum tragicorum omnium notissimi sunt ei, qui in parodis adhibebantur. Quos, cum iam satis ab aliis tractati sint, nisi res exiget, non attingam. Non minus in usu erant anapaesti illi, qui *θηρητικοὶ* vocantur, neque desunt, qui de eis scripserint, quamquam quo modo hae formae paulatim excultae et mutatae sint adhuc nemo satis demonstravit¹⁾. Sed ne hac quidem de re hoc opusculo disputemus, cum eae formae, quae tam insequentibus temporibus quam imperii Romani aetate adhibebantur, aliunde sumptae sint. Quarum fontem viri docti ea de causa non perspexisse mihi videntur, quod parodorum tragicorum et *πνιγῶν* quae dicuntur comicorum anapaesti omnium oculos veluti nebula occaecabant. Latet autem vera recentiorum formarum radix in canticis tragicis, de quorum usu anapaestorum nonnulla quidem observata sunt, neque vero aut omnia dicta aut certa ratione tractata. Itaque hoc capite qualis usus anapaestorum in partibus lyricis tragoediarum Graecarum fuerit demonstrabo²⁾. Qua in re multa quidem nota dicam; tamen totius rei gratia et haec commemorare mihi liceat.

¹⁾ Paucis verbis hanc rem attigit Kaibel in Electrae Sophocleae editione pagg. 82—83.

²⁾ Editiones adhibui has: Aeschyli Weilianam (1903), Sophoclis Dindorfianam* (1896), Euripidis Murrayanam. Quibus locis aliorum lectiones probavi, hoc notavi. Nonnunquam Schroederi editio canticorum Euripideorum (1910) iudicium meum mutavit. Saepius huius viri digressionem meae digressioni addidi.

Ac primum quidem de paroemiaco quid sciamus complectar. Paroemiacum versum popularem vetustissimum esse constat³⁾. Quem membris ionicis eisquē formis, quae in carminibus ionicis admittebantur, inserebant poetae tragici, quorum princeps iam Aeschylus. Qui systema ionicum paroemiaco claudit Pers. 696:

σέβομαι μὲν προσιδέσθαι,	2i(onici)
695 σέβομαι δ' ἀντία λέξαι	2i
σέθεν ἀρχαίῳ περὶ τάρβει.	paroem(iacus)

Neque vero in his carminibus paroemiacus clausulae munere illo fungitur, quod obtinet in systematibus anapaesticis parodorum. Itaque et in medio cantico positus est Pers. 974:

ἰὼ ἰὼ μοι,	reiz(ianum)
τὰς ὠγυγίους κατιδόντες	paroem.
975 στυγνὰς Ἀθάνας	reiz.
πάντες ἐνὶ πιτύλῳ	dochm(ius)
ἐὴ ἐὴ, τλάμονες ἀσ-	dim(eter) chor(iambicus)
παίρουσι χέρσῳ.	reiz.

V. 976. dimeter choriambicus est, quem et Euripides in tragoediis postremae aetatis saepissime adhibuit⁴⁾ et apud Sophoclem nonnullis locis invenimus. Dochmius ab his formis non alienus est. Vv. 973, 975, 976^b autem reiziani sunt, qui in Euripidis carminibus choriambicis formam habent () _ _ _ _ _⁵⁾.

Facere non possum, quin et in ceteris locis, quos afferam, versus eos, qui paroemiacis formisque anapaesticis finitimi sunt, describam; neque enim alia ratione intellegemus omnibus anapaestorum compositionibus, quaecumque sunt, eundem usum innatum fuisse.

Sophocles paroemiaci usus plura exempla praebet.

Oed. 189—196:

Ἄρεά τε τὸν μαλερόν, ὃς	2i ⁶⁾
-------------------------	------------------

³⁾ Cf. Usener, Altgriechischer Versbau, pag. 44 sq.

⁴⁾ Cf. Wilamowitz, Choriambische Dimeter, Sitzber. d. Berl. Akad. 1902, pagg. 865—896.

⁵⁾ Aliam formam Sophocles adhibuit El. 1061:

ἀφ' ὧν τε βλάστωσιν ἀφ' ὧν τ'	dim. chor.
1060 ὄνασιν εἴρωσι, τὰδ' οὐκ	dim. chor.
ἐπ' ἴσας τελοῦμεν;	reiz.

⁶⁾ i littera et iambicum metrum signo et ionicum, ut Wilamowitz (cf. Kaibel, Electra pag. 176, ad vv. 472 sqq.).

190	νῦν ἄχαλκος ἀσπίδων	2i
	φλέγει με περιβόατον, ἀντιάζω	3i
	παλίσσουτον δράμημα νωτίσαι πάτρας	3i
	ἄπουρον, εἴτ' ἐς μέγαν	2i
	θάλαμον Ἀμφιτρίτας	ithyph(allicus)
195	εἴτ' ἐς τὸν ἀπόξενον ὄρμων	paroem.
	Θρήκιον κλύδωνα.	ithyph.

Trimeter iambicus catalecticus (191) saepius in his carminibus nobis occurret. Idem de ithyphallico (194; 196) dicendum est, qui inter formas ionicas quin idem valeat quod duo metra ionica nemo dubitabit.

Phil. 1130—1137 :

1130	ἡ που ἐλαινὸν ὄρῳς, φρένας εἴ τινας	4 dact(yli)
	ἔχεις, τὸν Ἡράκλειον	2i _{SA} ⁷⁾
	ἄρθμιον ὦδέ σοι	2 dact.
	οὐκέτι χρῆσόμενον τὸ μεθύστερον	4 dact.
	ἀλλ' ἔνθεν μετ' ἀγκάλα	2i
1135	πολυμηχάνου ἀνδρὸς ἐρέσσει,	paroem. _H
	ὄριων μὲν αἰσχροῦς ἀπάτας	dim. chor.
	στυγνὸν δὲ φῶτ' ἐχθοδοπὸν,	dim. chor.

Formae dactylicae a carminibus ionicis alienae non sunt, quod alii loci quos afferam docebunt. Post paroemiacum *synaphia* omissa est.

Clausulae munere, ut Pers. 696, paroemiacus fungitur Oed. Col. 1248 :

	ἄται κλονέουσιν αἰεὶ ζυνοῦσαι	dim. chor. + i _H
1245	αἶ μὲν ἀπ' αἰλίου δυσμᾶν,	glyc(oneus)
	αἶ δ' ἀνατέλλοντος,	2i _{SA}
	αἶ δ' ἀνὰ μέσσαν ἀκτίν',	2i
	αἶ δ' ἐννυχιάν ἀπὸ ριπᾶν.	paroem.

Glyconeum in canticis ionicis pro dimetro ionico habitum esse constat⁸⁾. V. 1246/7 dimetri choriambici sunt, in quibus choriambus priorem locum obtinet.

Paroemiaci lyrici usum et haec exempla demonstrant Euripidea :

⁷⁾ _{SA} significat syllabam ancipitem, hiatum littera_H.

⁸⁾ Cf. Wilamowitz, Timotheus Perser pag. 31; praeterea Soph. Phil. 1124 = 1147 et Eur. Iph. Taur. 1096 = 1113.

Alc. 86—94:

κλύει τις ἢ στεναγμὸν ἢ	2i
χειρῶν κτύπον κατὰ στέγας	2i
ἢ γόον ὡς πέπραγμένων;	2i
οὐ μὰν οὐδέ τις ἀμφιπόλων στα-	4 dact.
90 τίζεται ἀμφὶ πύλας.	3 dact.
εἰ γὰρ μετακύμιος ἄτας,	paroem.
ὦ Παιάν, φανείης.	ithyph. ⁹⁾
οὐ τᾶν φθιμένης γ' ἐσιώπων.	paroem.
νέκυς ἤδη.	i
οὐ δὴ φρουδός γ' ἔξ οἴκων.	paroem.

Sequitur systema anapaesticum. V. 92 ithyphallicum habemus post paroemiacum, ut Soph. Oed. 196 (supra pag. 8). Eandem formarum compositionem (paroem. ithyph.) notavi Hipp. 1109/10:

ἦ μέγα μοι τὰ θεῶν μελεδήμαθ', ὅταν φρένας ἔλθῃ,	hexam.
λύπας παραι-	i
1105 ρεῖ· ζύνεσιν δέ τιν' ἐλπίδι κεύθων	4 dact.
λείπομαι ἐν τε τύχαις θνατῶν καὶ ἐν ἔργμασι	
λεύσσω·	hexam.
ἄλλα γὰρ ἄλλοθεν ἀμείβεται,	2 dact. + i
μετὰ δ' ἴσταται ἀνδράσιν αἰῶν	paroem.
1110 πολυπλάνητος αἰεί.	ithyph.

Hipp. 1119—1125:

1120 οὐκέτι γὰρ καθαρὰν φρέν' ἔχω <τὰ> παρ' ἐλπίδα	
λεύσσω,	hexam.
ἐπεὶ τὸν Ἑλλανίας	2i
φανερώτατον ἀστέρ' Ἀθάνας	paroem.
εἶδομεν εἶδομεν ἐκ πατρὸς ὀργᾶς	4 dact.
1125 ἄλλαν ἐπ' αἶαν ἰέμενον.	2i

Andr. 122—125:

οἱ σὲ καὶ Ἑρμιόναν ἔριδι στυγερᾷ συνέκλησαν	hexam.
τλάμον' ἀμφὶ λέκτρων	ithyph.
διδύμων ἐπίκοινον ἐοῦσαν	paroem.
125 ἀμφὶ παῖδ' Ἀχιλλέως.	ithyph.

Hic quartus locus est, quo paroemiacum sequitur ithyphallicus.

⁹⁾ Schroederi digessio (molossus + bacchius) mihi non probatur.

Ion. 475—480:

475 τέκνων οἷς ἄν καρποτρόφοι	dim. chor.
λάμπωσιν ἐν θαλάμοις	dim. chor.
πατρίοισι νεανίδος ἦβαι	paroem.
διαδέκτορα πλοῦτον	reiz ¹⁰).
ὥς ἔξοντες ἐκ πατέρων	dim. chor.
480 ἑτέροις ἐπὶ τέκνοις.	reiz ¹⁰).

Constat igitur paroemiacum in tragoediarum Graecarum partibus lyricis insertum esse formis ionicis. Cuius radix sine dubio sita est in antiquissimo illo versu populari, cuius variae formae exstant: anacreonteum, Archilochi illud Ἐρασμονίδη Χαρίλαε, quam formam cum ithyphallico coniunctam enoplium vocare solemus¹¹); metrum illud in embaterio Tyrtaei stichice adhibitum, cuius exemplum affert Dio Chrysostomus: ἄγετ', ὦ Σπάρτας εὐάνδρω e. q. s., quo usus est etiam Cratinus teste Hephaestione pag. 27, 3 Consb.: σιγάν νυν ἅπας ἔχε σιγάν e. q. s. Poetae tragici, cum systemata anapaestica formarent, propter anapaestorum similitudinem catalexeos munus ad hunc versum popularem transtulerunt. Quoniam autem cum anapaestis solemniter coniungerentur, paroemiaci ad anapaestorum ipsorum rationem exculti sunt ita, ut vel longarum syllabarum solutionem paterentur. Genuinam naturam in lyricis partibus versus popularis servavit, quippe in quibus non aliter adhiberetur atque aliae formae metricae, nimirum clausulae locum non teneret. Itaque ne licentia quidem illa longas syllabas in duas breves dissolvendi in lyrico paroemiaco occurrit; puri plerumque anapaesti decurrunt, spondeus nisi primo pede non fertur exceptis Pers. 696 (supra pag. 7) et Alc. 94 (supra pag. 9).

Praeter paroemiacum membra vere anapaestica temporibus progredientibus in tragoediarum partes lyricas recepta sunt, quae qua ratione adhibitae et unde sumptae sint iam investigemus.

Dochmios cum iambis aliisque formis ionicis coniunctos iam Aeschylus praebet satis multos. Quorum loco, cum totidem χρόνους haberent, metra anapaestica ponere tragicos poetas sibi

¹⁰) Schroeder: ∪∪ pherecr(ateus). Sed cf. supra pag. 7 et annot. 5.

¹¹) Cf. Wilamowitz, Heracles² II, pag. 27 sq. Huius formae auctoritate ducti poetae tragici saepius ithyphallicum componebant cum lyrico paroemiaco; cf. supra pag. 8 sq.

permisisse docuit Wilamowitzius¹²⁾. Quod non plane ita se habere tum intellegemus, cum lyricorum anapaestorum radices, quae aliae sunt aliis formis, cognoverimus. Tres sunt lyricorum anapaestorum formae: monometri, dimetri, compositiones anapaesto-iambicae.

Ac primum quidem de monometris agamus. Qui non dochmiorum loco ponebantur, sed suam auctoritatem inter cetera metra obtinebant. Radix enim eorum in carminibus threneticis sita est, in quibus et anapaesti semper legitimi fuerant, neque dochmii, ut in canticis magna cum animi concitatione pronuntiat, inusitati. Quod ita esse apparet ex Aeschyli Persarum amoebaeo, quo Xerxes et chorus exercitum clade Salaminia extinctum queruntur anapaestis illis, quibus membra ionica admixta sunt; sub finem autem dochmii accedunt; versus enim postremos cod. M¹³⁾ ita exhibet:

1075 ΞΕ. ἡῖ ἡῖ τρισκάμοισιν 2 an(apaestica metra)
ἡῖ ἡῖ βάρισιν ὀλόμενοι. an + dochm.

XO. πέμψω τοί σε δυσθρόοις γόοις. dochm. + i.

Hanc metrorum anapaesticorum dochmiorumque compositionem primus ex θρήνοις in alia cantica transtulit Aeschylus ipse Prom. 687—695¹⁴⁾:

ἔα ἔα, ἄπεχε, φεῦ · 2 cr(etici)
οὔποτ' οὔπώποτ' ἡῖχουν ξένους 3 cr.
μολεῖσθαι λόγους ἐς ἀκοὰν ἐμάν, 2 dochm.
690 οὐδ' ὦδε δυσθέατα καὶ δύσοιστα, 3 i
πήματα, λύματα, δείματα κέντρῳ 2 an
ψύχειν ψυχὰν ἀμφήκει ἐμάν. 2 an
ἰὼ [ἰὼ] μοῖρα μοῖρα 2 i
695 πέφρικ' εἰσιδοῦσα πράξιν ἰοῦς. 2 i

Res de qua agit chorus non est laeta; Prometheus ipse v. 696 dicit στενάζειν Oceani filias; res igitur ipsa poetae quasi praecipiebat, quibus metris uteretur. Eadem de causa anapaestos Aeschylus admisit in choro illo Agam. 1001—1017 = 1018—1034¹⁵⁾:

¹²⁾ Heracles² II, pag. 191 (ad vv. 880—84) et pag. 218 (ad vv. 1016—21); Nachr. v. d. Gött. Ges. d. Wiss. 1896—1897, pag. 214.

¹³⁾ Weil pag. XXXI. Cf. etiam Schroeder, Aeschyli cantica, pag. 37.

¹⁴⁾ Secutus sum Schroederi lectionem in Aeschyli canticis pag. 45.

¹⁵⁾ Contextus corruptus est et in stropa et in antistropa. V. 1019 πρόπαρ cod. Flor., προπάρθ' Farnes. sine dubio Byzantinus quidam

τὸ δ' ἐπὶ γὰν ἅπαζ πεσὸν ∪ ∪ _ ∪ | _ ∪ ∪ } (vide annot. 15).
θανάσιμον πρόπαρ ἀνδρὸς ∪ ∪ _ ∪ | _ _ = pherecr.

1020 μέλαν αἷμα τίς ἄν an
πάλιν ἀγκαλέσαιτ' ἐπαείδων; paroem.
οὐδὲ τὸν ὀρθοδαῆ _ ∪ _ | ∪ _ = 2i
τῶν φθιμένων ἀνάγειν _ ∪ _ | ∪ _ = 2i
Ζεὺς ἀπέπαυσεν ἐπ' ἀβλαβείᾳ. decasyll. alc.

Hoc loco paroemiacus, qui anapaesticum metrum sequitur, ut in systematibus sententiam claudit. Dochmii, nisi contextu corrupto latent, defuisse videntur; quod, si Aeschylus anapaestos pro dochmiis adhibuisset, fieri non potuisset.

Sophocles uno loco, quem pag. 16 tractabimus, excepto monometros anapaesticos in canticis non usurpavit; saepe eis utitur Euripides. Cuius in primo exemplo dochmii plane desunt. Med. 148 enim suscipit chorus anapaestos lugubres Medae sortem suam querentis:

ἄιες· ὦ Ζεῦ καὶ γὰ καὶ φῶς· 2 an
ἀχὰν οἶαν ἅ δύστανος 2 an
150 μέλπει νύμφα; an

Quis est quin sentiat threnorum imitationem? Sequuntur enoplii, non dochmii.

Anapaestos cum dochmiis coniunctos habemus Hec. 1056—1084 in θρήνῳ Polymestoris, qui totus ex his formis compositus est¹⁶):

ὦμοι ἐγῶ, πᾶ βῶ, πᾶ στῶ, πᾶ κέλσω; 2 dochm.
τετράποδος βάσιν θηρὸς ὀρεστέρου 2 dochm.
τιθέμενος ἐπίχειρα κατ' ἵχνος; ποίαν 2 dochm.
1060 ἦ ταύταν ἦ τάνδ' ἐξαλλάξω, τὰς 2 dochm.
ἀνδροφόνους μάρψαι dochm.
χρήζων Ἰλιάδας, αἶ με διώλεσαν; 2 dochm.
τάλαιnai κόραι τάλαιnai Φρυγῶν, 2 dochm.
1065 ὦ κατάρatoi, an
ποῖ καὶ με φυγᾶ πτώσσουσι μυχῶν; 2 an

coniecit, ut anapaesti fierent. Strophae vv. 1001—3 ita lego: μάλα γέ τοι <τὸ> τὰς ὑγιέ- | ας πολλὰς ἀκόρεστον | τέρμα· νόσος γὰρ | e. q. s. — <τὸ> add. Bothe. ὑγιείας corr. Wilam. in Agamemnonis editione.

¹⁶) V. 1068 ἀκέσαι' ἀκέσαιο τυφλὸν Ἄλιε codd. et Murr. (et Schroeder: an + dochm.). In apparatu critico Murr. tentavit ἀκέσαι' ἀκέσαιο. Sequor Weillii coniecturam. — V. 1073 θηρῶν τιθέμενος codd. (= 2 an Schroed.); corr. Seidler. — V. 1083 ἐμῶν codd.; μου Hartung.

εἶθε μοι ὀμμάτων αἱματόεν βλέφαρον	2 dochm.
ἀκέσσαιο τυφλὸν ἀκέσσαι, Ἄλιε,	2 dochm.
φέγγος ἐπαλλάξας.	dochm.
ᾶ ᾶ,	
1070 σίγα· κρυπτὰν βάσιν αἰσθάνομαι	2 an
τάνδε γυναικῶν. πᾶ πόδ' ἐπάξας	2 an
σαρκῶν ὀστέων τ' ἐμπλησθῶ,	paroem.
θοῖναν ἀγρίων τιθέμενος θηρῶν,	2 dochm.
ἄρνύμενος λῶβαν	dochm.
1075 λύμας ἀντίποιν' ἐμάς; ὦ τάλας.	2 dochm.
ποῖ πᾶ φέρομαι τέκν' ἔρημα λιπῶν	2 an
Βάκχαις Ἄιδου διαμοιρᾶσαι,	2 an
σφακτά, κυσὶν τε φοινίαν δαῖτ', ἀνή-	2 dochm.
μερον τ' οὐρείαν ἐκβολάν;	dochm. + cr.
1080 πᾶ στῶ, πᾶ κάμψω,	dochm.
ναῦς ὅπως ποντίοις πείσμασιν, λινόκροκον	4 cr.
φᾶρος στέλλων, ἐπὶ τάνδε συθείς	2 an
τέκνων μου φύλαξ	dochm.
ὀλέθριον κοίταν;	dochm.

Horum metrorum anapaesticorum constructio nihil a paradorum anapaestis differt; omnes enim formae paradorum legitimae, quae sunt quinque¹⁷⁾, in lyricis quoque partibus occurrunt, nisi quod forma adonea rarius adhibetur, quam in parodis. Rarissime formae liberiores occurrunt (— ∪ — ∪ Prom. 691, supra pag. 11), quae animi concitationis depingendae causa usurpatae videntur esse, ut saepius in carminibus threneticis (Hec. 59 sqq., Tro. 122 sqq.).

In recentioribus tragoediis Euripidis monometri anapaestici frequentiores inveniuntur. Tum demum Euripides eos interdum dochmiorum loco adhibuisse videtur, ut Herc. 1085:

< ἦ > τάχα φόνον ἕτερον ἐπὶ φόνῳ βαλὼν	2 dochm.
ἀναβακχεύσει ¹⁸⁾ Καδμείων πόλιν.	an + dochm.

¹⁷⁾ Cf. R. Klotz, de numero anapaestico quaestiones metricae, diss. Lips. 1869, qui apud omnes tragicos poetas Graecos in 55 monometris 12 docet esse formae ∪ ∪ — ∪ ∪ —, 15 — ∪ ∪ —, 16 — ∪ ∪ —, 6 ∪ ∪ — —, 4 — — — —, modo 2 — ∪ ∪ — ∪ ∪. Ceteras formas aut locis corruptis exstare, aut nihil valere ad legem ipsam infirmandam (pag. 14).

¹⁸⁾ Ita Wilamowitzius cum codicibus; Nauck mavult dochmium ἀν' αὐ' β.

et Phoen. 109—111:

ἰὼ πότνια παῖ Λατοῦς Ἑκάτα,	dochm. + an
κατάχαλκον ἅπαν πεδῖον ἀστράπτει.	an + dochm.

Neque vero umquam monometer anapaesticus suam auctoritatem obtinere desiit; quod apparet ex his locis, quibus dochmii plane desunt paene omnibus:

Ion. 468—471 (= 488—491):

ἵκετεύσατε δ', ὦ κόραι,	glyc. ¹⁹⁾
τὸ παλαιὸν Ἑρεχθέως	glyc.
470 γένος εὐτεκνίας χρονίου καθαροῖς	2 an
μαντεύμασι κῦρσαι.	reiz.

Hel. 1132—1136 (= 1117—1121):

· ἀλίμενα δ' ὄρεα Μάλεα χειμάτων πνοῶ	3i
ὄτ' ἔσυτο πατρίδος ἀποπρό, βαρβάρου στολᾶς	3i
γέρας, οὐ γέρας ἄλλ' ἔριν,	glyc.
1135 Δαναῶν νεφέλαν ἐπὶ ναυσὶν ἄγων,	2 an
εἶδωλον ἱερὸν Ἥρας.	2i

Hel. 1151—1154 (= 1137—1140):

ἄφρονες ὅσοι τὰς ἀρετὰς πολέμῳ	2 an
λόγχαισί τ' ἀλκαίου δορὸς	2i
κτάσθε, πόνους ἀμαθῶς θνα-	2i
τῶν καταπαυόμενοι.	2i

Phoen. 1296—1299:

φεῦ δᾶ φεῦ δᾶ, δίδυμοι θῆρες,	2 an
φόνιαι ψυχαὶ δορὶ παλλόμεναι	2 an
πέσσεα πέσσεα δαί' αὐ-	2i
τίχ' αἰμάζετον.	dochm.

Or. 1395—1408:

1395 αἴλινον αἴλινον ἀρχὰν θανάτου	2 an
βάρβαροι λέγουσιν, αἰαῖ,	2 tr(ochaei)
Ἀσιάδι φωνᾶ, βασιλέων	2i
ὅταν αἷμα χυθῇ κατὰ γᾶν ξίφεσιν	2 an
σιδαρέοισιν Ἄϊδα.	2i
1400 ἦλθον ἐς δόμους, ἴν' αὖθ' ἔ-	2 tr.
καστά σοι λέγω,λέοντες	2 tr.
Ἕλλανες δύο διδύμῳ.	2i
τῷ μὲν ὁ στρατηλάτας πατὴρ ἐκλήζεθ',	3 tr.

¹⁹⁾ De hac glyconeï forma cf. Wilamowitz, Berl. Sitzber. d. Ak. d. Wiss. 1902, pag. 870.

ὁ δὲ παῖς Στροφίου, κατόμητις ἀνὴρ,	2 an
οἶος Ὀδυσσεύς, σιγᾷ δόλιος,	2 an
1405 πιστὸς δὲ φίλοις, θρασὺς εἰς ἀλκάν,	2 an
ἔυνετὸς πολέμου, φόνιός τε δράκων.	2 an
ἔρροι τᾷς ἡσύχου	2i
προνοίας κακοῦργος ὦν.	2i

Mentione digni sunt etiam versus Or. 1426—1430, in quibus monometros anapaesticos paroemiaci sequuntur more illo adhibiti, quo inde ab Aeschylea aetate in canticis ionicis eos adhibitos esse vidimus, nimirum clausulae locum non tenentes:

Φρυγίοις ἔτυχον Φρυγίοισι νόμοις	2 an
παρὰ βόστρυχον αὔραν αὔραν	paroem.
Ἑλένας Ἑλένας εὐπᾶγι κύκλω	2 an
περίνῃ πρὸ παρηίδος ἄσσω	paroem.
1430 βαρβάροις νόμοισιν ²⁰).	ithyph.

Hoc igitur loco Euripides non systematum usum imitatus est, sed duas formas in ionicis carminibus iam dudum usitatas composuit.

Or. 1482—1489:

δὴ τότε διαπρεπεῖς τότε ἐγένοντο Φρύγες,	2 dochm.
ὅσον Ἄρεως ἀλκάν	dochm.
1485 ἥσσονες Ἑλλάδος ἐγενόμεθ' αἰχμᾶς,	2 an
ὃ μὲν οἰχόμενος φυγᾶς, ὃ δὲ νέκυς ὦν,	2 an
ὃ δὲ τραῦμα φέρων, ὃ δὲ λισσόμενος,	2 an
θανάτου προβολάν·	an
ὑπὸ σκότον δ' ἐφεύγομεν·	2i
νεκροὶ δ' ἐπιπτον, οἱ δ' ἔμελλον, οἱ δ' ἔκειντ'.	3i

Or. 1495—1498²¹):

1495 ἐγένετο διαπρὸ δωμάτων ἄφαντος,	3i _{SA}
ὦ Ζεῦ καὶ γὰ καὶ φῶς καὶ νύξ,	2 an
ἦτοι φαρμάκοισιν ἦ	2i
μάγων τέχναις ἦ θεῶν κλοπαῖς.	2i

Constat igitur a tragicis poetis, praecipue ab Euripide in recentioribus tragoediis, monometros anapaesticos in partibus

²⁰) Hunc versum equidem non glossema puto, ut Wilamowitzius; sequitur enim paroemiacum; cf. supra annot. 11. Ithyphallicum post anapaestos vide etiam Or. 1456.

²¹) Praetuli digressionem Nauckianam; cf. etiam Nachr. d. Gött. Ges. 1896, pag. 219.

lyricis aliis metris insertos esse, qui paroemiaco non concludebantur. Si paroemiacus aderat, non clausula erat, sed, ut alii versus populares in cantica recepti, qualibet sententiae sede ferebatur.

Iam transeamus ad dimetrum anapaesticum, quem formis ionicis permixtum verborumque fine (i. e. τελεία λέξει) a membris quae circumstant seclusum invenimus, nusquam apud Aeschylum, perraro apud Sophoclem, saepe apud Euripidem. Hic versus a noto illo anapaestorum usu eo differt, quod diaeresin inter bina metra omittit. Tamen dimetrum anapaesticum idem quod duos monometros valuisse inde apparet, quod saepius dimetro strophae respondent in antistropha duo monometri. Ita res se habet Soph. Oed. 466—472 = 476—482, qui est alter locus eorum, quibus hic poeta dimetros anapaesticos adhibuit; eodem sola monometrorum exempla Sophoclea exstant:

466—472:	476—482:	
ὥρα νιν ἀελλάδων	φοιτᾷ γὰρ ὑπ'	glyc.
	ἀγρίαν	cf. annot. 19)
ἵππων σθεναρώτερον	ῥ' ὕλαν ἀνά τ' ἄντρα καὶ	glyc.
φυγᾷ πόδα νωμᾶν·	πέτρας ἰσόταυρος,	reiz.
ἔνοπλος γὰρ ἐπ' αὐτὸν	μέλεος μελέω ποδὶ	
ἐπενθρώσκει	χηρεύων,	2 an
470 πυρὶ καὶ στεροπαῖς ὁ Διὸς	480 τὰ μεσόμφαλα γᾶς	
γενέτας,	ἀπονοσφίζων	2 an
δειναὶ δ' ἅμ' ἔπονται	μαντεῖα: τὰ δ' αἰ	reiz.
κῆρες ἀναπλάκῃτοι.	ζῶντα περιποτᾶται.	2 i

Alterum locum, quo dimetrum admisit Sophocles, inveni Trach. 953—961 (= 962—970):

εἴθ' ἀνεμόεσσά τις	glyc.
γένοιτ' ἔπουρος ἐστιῶτις αὔρα,	3 i _H
955 ἣτις μ' ἀποικίσκειεν ἐκ τόπων, ὅπως	3 i
τὸν Δῖον ἄλκιμον γόνον	2 i
μὴ ταρβαλέα θάνοιμι	2 i
μοῦνον εἰσιδοῦσ' ἄφαρ·	2 i _{SA}
ἐπεὶ ἐν δυσάπαλλάκτοις ὁδύναις	2 an
960 χωρεῖν πρὸ δόμων λέγουσιν ἄσπετόν τι	enopl.
θαῦμα.	(cf. annot. 11)

Multa exempla Euripides praebet, quorum in vetustissimo, ut in cantico illo Oedipodis Sophoclei, alteri dimetro antistrophae (v. 306) respondent duo monometri v. 298:

Andr. 293—300²²⁾:

εἶθε δ' ὑπὲρ κεφαλάν ἔβα-
 λεν κακὸν
 ἃ τεκοῦσά νιν Πάριν,
 295 πρὶν Ἰδαῖον κατοικίσαι λέ-
 πάς,
 ὅτε νιν παρὰ θεσπεσίῳ
 δάφνῃ
 βόασε Κασάνδρα κτανεῖν,
 μέγαν Πριάμου πόλεως
 λώβαν.
 τίν' οὐκ ἐπῆλθε, ποῖον οὐκ
 ἐλίσσετο
 300 δαμογερόντων βρέφος φο-
 νεύειν;

301—308:

οὔτ' ἂν ἐπ' Ἰλιάσι
 ζυγὸν ἤλυθε 4 dact.
 δούλιον, σύ τ' ἂν, γύναι, 2i
 τυράννων ἔσχεσ' ἂν δό-
 μων ἔδρας· 3i
 παρέλυσε δ' ἂν Ἑλ-
 λάδος ἀλγαινοὺς 2 an
 305 † μόχθους, οὓς ἀμφὶ
 Τροίαν† 2i
 δεκέτεις ἀλάληντο νέοι
 λόγχαις· 2 an
 λέχη τ' ἔρημ' ἂν οὔποτ'
 ἐξελείπετο 3i_{SA}
 καὶ τεκέων ὀρφανοὶ
 γέροντες. 3i

Saepissime dimetro utitur Euripides in recentioribus tragoediis:

Ion. 505—509:

505 θηρσί τε φοινίαν δαῖτα, πικρῶν γάμων 2 dochm.
 ὕβριν· οὔτ' ἐπὶ κερκίσιν οὔτε λόγοις 2 an
 φάτιν αἶον εὐτυχίας μετέχειν 2 an
 θεόθεν τέκνα θνατοῖς. reiz.

Ion. 1439—1442:

ὦ τέκνον, ὦ φῶς μητρὶ κρεῖσσον ἡλίου — 3i
 1440 συγγνώσεται γὰρ ὁ θεός — ἐν χεροῖν σ' ἔχω, 3i
 ἄελπτον εὐρημ', ὃν κατὰ γᾶς ἐνέρων iambelegus
 χθόνιον μετὰ Περσεφόνας τ' ἐδόκειν 2 an
 ναίειν. i

Iph. Taur. 845—849:

845 ἰὼ Κυκλωπὶς ἐστία, ἰὼ πατρίς, 3i
 Μυκήνα φίλα, dochm.
 χάριν ἔχω Ζῶας, χάριν ἔχω τροφᾶς, 2 dochm.
 ὅτι μοι συνομαίμονα τόνδε δόμοις 2 an
 ἐξεθρέψω φάος. 2 cr.

Iph. Taur. 875—882²³⁾:

875 τίνα σοι πόρον εὐρομένα πάλιν < αὖ 2 an

²²⁾ Praetuli cum Nauckio lectionem εἶθε δ' ὑ. 293. — 294 Πάριν corruptum; μόρον coni. Hermann. — 305 corruptum; πόνους, δτ' ἀμφὶ Τρωΐαις Hermann.

²³⁾ Lacunam supplevit Bruhn.

	Ξένας σ' > ἀπὸ πόλεως, ἀπὸ φόνου πέμψω	2 dochm.
	πατρίδ' ἐς Ἀργείαν,	dochm.
880	πρὶν ἐπὶ ξίφος αἵματι σῶ πελάσαι;	2 an
	τόδε τόδε σόν,	i _{SA}
	ὦ μελέα ψυχά, χρέος ἀνευρίσκειν.	2 dochm.
Phoen. 1753—1757 ²⁴):		
	Καδμείαν ᾧ.	an
	νεβρίδα στολιδωσαμένα ποτ' ἐγὼ	2 an
1755	Σεμέλας θίασον	an _{SA}
	ἱερὸν ὄρεσιν ἀνεχόρευσα, χάριν ἀχάριτον	3 tr.
	ἐς θεοὺς διδοῦσα;	ithyph.
Eandem formarum anapaesticarum dispositionem (monom. dim. monom.) repperi Or. 1434/5:		
	ἃ δὲ λίνον ἤλακάτα	2i
	δακτύλοις ἔλισσεν,	2i (ithyph.)
	νῆμά θ' ἔτετο πέδῳ	2i
	σκύλων Φρυγίων	an
	ἐπὶ τύμβον ἀγάλματα συστολίσαι	2 an
1435	χρήζουσα λίνῳ,	an
	φάρεα πορφύρεα, δῶρα Κλυταιμήστρα.	2 dochm.
Singularem locum obtinet Phaethontis fragmentum (773 Nauck ²), quod ex stasimo provenit. Cuius stropham alteram e papyro Berolinensi 9771 a Wilamowitzio ²⁵) restitutam describam:		
35	ἄκατοι δ' ἀνάγονται ὑπ' εἰρεσίας	2 an
	ἀνέμων τ' εὐαέσσιν ῥοθίοις.	2 an
	ἀνὰ δ' ἰστία < ναῦται > ἀειράμενοι	2 an _H
	ἀχοῦσιν· < ἄγου, πό > τνι' αὔρα,	paroe. _{<H>}
	< ἡμᾶς σὺν > ἀκύμονι πομπᾷ	paroe.
40	σιγώντων ἀνέμων	dim. chor.
	< ποτὶ τέκνα > τε καὶ φιλίας ἀλόχους.	2 an
	σινδῶν δὲ πρότονον ἐπὶ μέσον πελάζει.	3i

Non modo dimeter anapaesticus ter iteratur, sed etiam paroemiacus bis, id quod, si huius versus originem popularem respicimus, mirum non est, in aliis fabulis Euripideis non occurrit. Non minus singularis hiatus est post v. 37 admissus. Quae tamen novitates me non movent, ut hanc tragoediam ab Euripide adolescente confectam esse putem, quod qua de causa non verisimile mihi videatur infra (pag. 21) demonstrabo.

²⁴) Sequor digressionem Nauckianam et Schroederianam.

²⁵) Berl. Klass.-Texte V 2, pag. 81—2.

Restat, ut dimetrorum anapaesticorum originem investigemus. Sine dubio poetae tragici hac forma carminum threneticorum usum imitati sunt, in quibus bina metra anapaestica in unum membrum ita contrahi licebat, ut diaeresis omitteretur. Huius licentiae testimonia invenimus non quidem in Aeschyli Persis, sed in Hecuba Euripidea, quae fabula post threnum illum Persarum vetustissimum talium carminum exemplum servavit²⁶). His quoque dimetris, quos threneticos vocemus, in antistropha non raro duo monometri respondebant, quod apparet ex cantilena lugubri Troadum²⁷). Hanc igitur licentiam poetae tragici etiam in aliis carminibus, si anapaestos formabant, interdum admittebant, non quidem iam Aeschylus, quippe qui, ut diximus, ne in threnorum quidem anapaestis diaeresin neglexerit.

Neque vero hic usus ita, ut monometrorum lyricorum, ortus est, cum facile ex θρήνοις in alia carmina translatus est; quod intellegas ex hac re gravissima. Cum enim licentia illa longae syllabae dissolvendae ex parodorum anapaestis in lyricarum partium monometros transiret, non transiit in dimetros. Qui praeter spondeos alias formas non recipiebant. Usum igitur dimetrorum lyricorum ex threnis poetae ceperunt, anapaestos formandi rationem aliunde sumpserunt.

Accedit quaestio altera. Neque enim inter Persas et Hecubam threnorum exempla habemus, quibus appareat, quo tempore diaeresis in anapaestis threneticis neglegi coepta sit, neque satis multas tragoedias Sophoclis et Euripidis habemus, ut sciamus, uter prior novo usui dimetrorum lyricorum operam dederit. Quas res tamen omnes ad certum redigi posse existimo, si tertiae formae anapaesticae, quae in partibus lyricis occurrit, naturam et radicem cognoverimus.

Iam igitur formas illas tractemus, quas anapaesto-iambicas supra (pag. 11) vocavimus. Unus monometer anapaesticus cum metro iambico sequenti ita coniungitur, ut unum versum eumque a. membris finitimis per diaeresin seiunctum formet²⁸). Qua in compositione metrum anapaesticum nullam formam admittit nisi ∞ _ ∞ _; metrum iambicum plerumque purum est; duobus

²⁶) Velut v. 156 δειλαία δειλαίου γήρως et 162 ποίαν ἢ ταύταν ἢ κείναν.

²⁷) V. 170 ἐμβακχεύουσιν Κασάνδραν = 192 ποῦ πᾶ γαίᾳ δουλεύουσιν γράδς. 174 = 195. 198 = 215.

²⁸) Cf. iam Wilamowitzium in Herculis editione priore (1889), vol. II, pag. 234 (ad v. 1016).

locis cretici formam praebet. Horum versuum exempla neque apud Aeschylum inveniuntur neque apud Sophoclem²⁹⁾; Euripides in recentioribus demum fabulis eos adhibere coepit.

Ac primum quidem ea exempla afferam, quae puros iambos habent:

Ion. 1445—1449³⁰⁾:

1445. ἰώ· ἰώ, λαμπράς αἰθέρος ἀμπυχαί,	2 dochm.
τίν' αὐδάν άύσω,	2 bacch.
βοάσω; πόθεν μοι	2 bacch.
συνέκυρσ' ἀδόκητος ἡδονά;	an + i
πόθεν ἐλάβομεν χαράν;	2 cr.

Vv. 1446/7 baccheos, non iambos esse opinor, cum diaeresis post singula metra de industria servata esse videatur. Hoc metrum in anapaesto-iambicorum vicinitate saepius nobis occurret.

Ion. 1464—1467:

δῶμ' ἐστιοῦται, γὰ δ' ἔχει τυράννους·	3 i
1465 ἀνηβᾷ δ' Ἑρεχθεύς,	2 bacch.
δ τε γηγενέτας	an
δόμος οὐκέτι νύκτα δέρκεται,	an + i _H
αελίου δ' ἀναβλέπει λαμπάσιν.	2 dochm.

V. 1466 post formam anapaesto-iambicam synaphia neglecta est; quam licentiam etiam aliis locis repperi. Dimetro de quo agimus v. 1466 monometer anapaesticus antecedit; dimetrum anapaesticum poeta praemisit Ion. 1507³¹⁾:

μεθίσταται δὲ πνεύματα·	2 i _{SA}
μενέτω· τὰ πάροιθεν ἄλις κακά· νῦν	2 an
δὲ γένοιτό τις οὔρος ἐκ κακῶν,	an + i
ὦ παῖ.	sp(ondeus)

El. 585—589:

585 ἔμολες, ἔμολες, ὦ χρόνιος ἄμέρα,	2 dochm.
κατέλαμψας, ἔδειξας ἐμφανή·	an + i
πόλει πυρσόν, δς παλαιᾷ φυγᾷ	2 dochm.

²⁹⁾ Trach. 497 sqq. num formas anapaesto-iambicas habeamus, adhuc diiudicare non audeo, cum admixta sint membra dactylo-epitritica, quae ab anapaestis lyricis abhorrere credas. Tamen has formas tam diversas non plane alienas fuisse alii loci docere videntur, ut Hipp. 161—169 et Ion. 1501—9. Qua de re alio loco fusius disputandum erit.

³⁰⁾ Secutus sum digessionem Wilamowitzii Nachr. d. Gött. Ges. 1896, pag. 217.

³¹⁾ Laudo Wilamowitzii digessionem l. c. pag. 218. Cf. etiam Schroeder, Euripidis cantica, pag. 79.

πατρίων ἀπὸ δωμαίων τάλας
ἀλαίνων ἔβα.

an + i
dochm.

**Dimetrum anapaesto-iambicum etiam in Phaethontis fragmento
inveni (781, 65—67 Nauck²):**

65 ἰὼ μοί μοι, κακὰ φανήσεται·

an + dochm.

βασίλεια τάλαινα παῖς τ' ἔσω

$$a_n + i$$

κρυφαῖος. νέκυσ.

dochm.

Qua de causa Phaethontem non ab Euripide adolescente confectum esse existimo, cum forma anapaesto-iambica in vetustioribus fabulis huius poetae non occurrat.

Nonnullis locis metrum iambicum, quod anapaestos sequitur, formam habet $\cup\cup\cup-$:

Hel. 636—643:

ὦ·φιλτάτη πρόσοψις, οὐκ ἐμέμφθην·

3i

ἔχω τὰ τῆς Διὸς τε λέκτρα Λήδας θ',

3i

ἀν ὑπὸ λαμπάδων κόροι λεύκιπποι

2 dochm.

640 ζυνομαίμονες ὤλβισαν ὤλβισαν

$$a_n + i$$

τὸ πρόσθεν, ἐκ δόμων δὲ νοσφίσας σ' ἐμοῦ

3i

πρὸς ἄλλαν ἐλαύνει

2 bacch.

θεὸς συμφορὰν τᾷσδε κρείσσω.

3i (bacch.)

Omnes formae metricae satis notae sunt; trimetri iambici catalectici, bacchei, dochmii in his carminibus semper occurrerunt. Itaque de v. 640 natura anapaesto-iambica nulla dubitatio est ³²). Dimeter anapaesticus, ut Ion. 1508, antecedit formae anapaesto-iambicae Phoen. 163 :

ἀνεμώκεος εἶθε δρόμον νεφέλας

2 an

·ποσὶν ἐξανύσαιμι δι' αἰθέρος

$$a_n + i$$

165 πρὸς ἑμὸν ὁμογενέτορα, περὶ δ' ὠλένας

2 dochm.

δέρα φιλτάτα βάλοιμ' <ἐν> χρόνῳ . . .

2 dochm.

Tertium huius formae exemplum inveni inter fragmenta adespota (130 Nauck²)³³):

³²⁾ Plane refellenda est Schroederi digressio vv. 639—41 (Euripidis cantica pag. 111), qui ut dochmios efficeret, λεύκιπποι mutavit in λευκόπῳλοι:

ἄν ὑπὸ λαμπάδων

dochm.

κόροι λευκόπωλοι ξυνομαίμονες

2 dochm.sA

ὤλβισαν ὤλβισαν

dochm.

τὸ πρόσθεν, ἐκ δόμων δ' ἐνόσφισαν θεοί. [σ' ὁμοῦ] 3i.

3i

πρός άλλαν . . .

• •

³³⁾ V. 1 πότνια σοφία cod., corr. Hermann. — V. 2 χρυσίου φαννάν cod., corr. L. Dindorf. — V. 3 δαίμων διδοίη cod., correxi. — V. 6 προσέβαλε cod., corr. Hermann.

πότνι' <ῶ> σοφία, σύ μοι ἄνδανε·	an + i _{SAH}
ὄλβου δ' ἐμοὶ μὴ χρυσέου φαεννὰν	3i
ἀκτῖνα, δαίμον, δίδου	2i
σοφίας πάρος, ἥ τυραννίδα·	an + i _{SA}
5 Διὸς ἀπωτάτω	dochm.
κεῖται, καλὸς θησαυρὸς ὅτῃ προσέβα.	iambelegus

Duo illi loci, quibus metrum iambicum cretici formam habet, hi sunt:

Andr. 276—280:

ἦλθ' ὁ Μαίᾱς τε καὶ Διὸς τόκος,	3i
τρίπῳλον ἄρμα δαιμόνων	2i
ἄγων τὸ καλλιζυγές,	2i _{SA}
ἔριδι στυγερᾷ	an
κεκορυθμένον εὐμορφίας	an + i
280 σταθμοὺς ἐπὶ βούτα...	reiz.

Hel. 644—645:

τὸ κακὸν δ' ἀγαθὸν	an
σέ τε κάμῃ συνάγαγε πόσιν	an + i
645 χρόνιον, ἀλλ' ὅμως ὀναίμαν τύχας.	2 dochm.

Hoc loco cretici prior syllaba longa in duas breves dissoluta est, ita ut quarti paeonis formam habeamus.

Dimetrorum anapaesto-iambicorum radicem in nonnullis Pindari fragmentis invenisse mihi videor, quae e Schroederi editione novissima (1908) collegi:

fgm. 105:

σύνες ὃ τοι λέγω,	dochm.
Ζαθέων ἱερῶν ὁμώνυμε	an + i _{SA}
πάτερ, κτίστορ Αἴτνας·	2i
νομάδεσσι γὰρ ἐν Σκύθαις ἀλάται στρατῶν,	an + 2i
ὃς ἀμαξοφόρητον οἶκον οὐ πέπαται·	an + 2i

fgm. 107^a:

Πελασγὸν ἵππον ἥ κύνα	2i _{SAH}
Ἀμυκλαίαν ἀγωνίῳ	2i _H
ἐλελιζόμενος	an
ποδὶ μίμεο καμπύλον μέλος διώκων,	an + 2i
οἷ' ἀνὰ Δῶτιον ἀνεμόεν πεδί-	4 dact.
ον πέτεται θάνατον κεροέσσα	4 dact. _H
εὐρέμεν ματεῖσ' ἐλάφῳ.	dim. chor.

fgm. 140^a, 36—41:

μνάσθηθ' ὅτι τοι Ζαθέας Πάρου ἐν	2 an
γυάλοις ἔσσατο ἄνακτι	2i
βωμὸν πατρί τε Κρονίῳ	dim. chor.
τιμᾶεντι πέραν ἰσθμὸν διαβαίς,	2 an
40 ὅτε Λαομέδοντι πεπρωμένοι'	an + i
ἦρχετο μόροιο κάρυξ.	2i

Neque vero acrius intuentem fugiet, quibus rebus Euripidis ratio anapaestos cum iambis componendi differat a Pindaro. In eis enim formis anapaesto-iambicis, quas Pindarus praebebat, aut diaeresis inter anapaesticum metrum et iambicum admissa est (105, 2. 4), aut cum metro iambico membra quae sequuntur et re metrica et sensu artissime cohaerent (105, 5. 107^a, 4. 140^a, 40), ita ut dimetri anapaesto-iambici compositio vix sentiat. Euripides autem neque in forma anapaesto-iambica diaeresin umquam admisit, et membra quae circumstabant a dimetro anapaesto-iambico tanta diligentia seclusit, ut novam formam quasi stichicam constitueret.

Hunc usum dimetrorum anapaesto-iambicorum stichicum Euripides non eodem tempore instituit, quo, Pindari exemplum sequens, iambos cum anapaestis connectere coepit. Quam compositionem notavi iam Heracl. 781—783:

ἀνεμόεντι δ' ἐπ' ὄχθῳ	2i _H
ὀλολύγματα παννυχίοις ὑπὸ παρ-	2 an
θένων ἰαχεῖ ποδῶν κρότοισιν.	i + ityph.

Hoc loco complura metra iambica cum anapaestis connexa sunt, ut apud Pindarum fgm. 105, 4—5 et fgm. 107^a, 4, neque monometer anapaesticus iambis antecedit, sed dimeter. Eodem modo res se habet Andr. 860—865:

860 ἢ δούλα δούλας γόνασι προσπέσω;	2 dochm.
Φθιάδος ἐκ γᾶς	an
κυανόπτερος ὄρνις εἴθ' εἶην,	2 an
ἢ πευκάεν	an
σκάφος, ᾧ διὰ Κυανέας ἐπέρασεν ἄκτας	2 an + i
865 πρωτόπλοος πλάτα.	dochm.

Qua in tragoedia primum dimetri anapaestici exemplum Euripideum supra notavimus (v. 296 = 304, pag. 17). Primis igitur temporibus iambica metra cum dimetris anapaesticis Euripides copulabat. Hic usus tertium occurrit Herc. 1016—1020, ubi purum metrum iambicum sequitur dimetrum anapaesticum:

ὁ φόνος ἦν ὃν Ἀργολίς ἔχει πέτρα	2 dochm.
τότε μὲν περισσάμωτος καὶ ἄπιστος Ἑλλάδι	2 an + i _{SA}
τῶν Δαναοῦ παίδων· τάδε δ' ὑπερέβαλε, παρ-	2 dochm.
1020 ἔδραμε τὰ τότε κακά.	dochm.

Ex hac compositione dimetros anapaesto-iambicos evasisse inde apparet, quod synaphia post metrum iambicum corrupta est, quam licentiam post dimetrum illum saepius admissam vidimus. Idem etiam hac re comprobatur. Dimeter enim anapaesticus iambis antecedit solis illis tribus locis, quos modo attuli; qui omnes in vetustioribus fabulis exstant; recentioris aetatis tragoediae, quarum prima est Ion, dimetrum anapaesto-iambicum praebent. Quae forma quod iam Andr. 279 (supra pag. 22) occurrit mireris; sed antecedit monometer anapaesticus, quem compositioni anapaesto-iambicae praemissum iam apud Pindarum invenimus (fgm. 107^a, 3). Monometer antecedit etiam Ion. 1466 (pag. 20) et Hel. 644 (pag. 22)³⁴).

Ita res se habet de dimetris anapaesto-iambicis. Dimetros anapaesticos utrum Sophocles invenerit an Euripides, adhuc dubitabamus (cf. supra pag. 19). Nunc huius quoque formae usum ab Euripide institutum esse haec res demonstrabit. Pindarum, quod scimus, Euripides primis temporibus ea re sequebatur, quod iambos cum anapaestis coniungebat. Anapaesticum membrum, quod iambis praecedebat, dimeter ille anapaesticus erat, quem eodem tempore Euripides adhibere coepit. Huius dimetri singulos pedes anapaesticos aut puros formabat aut spondeos substituebat; dactylicam formam nunquam admittebat. Hac quoque re exemplum sequebatur Pindari, quippe qui nunquam longam anapaesti syllabam in duas breves dissolvisset. Itaque, cum Euripides primus usum Pindaricum in carminibus suis imitatus sit, dimetros quoque anapaesticos ab Euripide inventos esse verisimile est, quippe in quibus formandis Pindari auctoritas non nihil valuerit³⁵).

³⁴) Metrum anapaesticum duobus locis antecedit dimetro anapaesto-spondeio, quam compositionem Euripides ipse invenisse videtur (Herc. 1206. Phoen. 184). Dimetrum anapaesticum spondeus sequitur Hel. 687, monometer, dochmiis antecedentibus, Phoen. 105.

³⁵) De origine dimetrorum anapaesticorum aliud iudicium fortasse is facit, qui Stesichoreae Geryoneidis hoc fragmentum legit (fgm. 5 Hiller⁴-Crusius 1907):

σκούφιον δὲ λαβὼν δέπας ἔμμετρον ὡς τριλᾶγυνον an + paroem.
π' ἐπισχόμενος, τό βᾶ οἱ παρέθηκε Φόλος κερᾶσας. an + 2 an.

Hoc enim loco dimeter ille, quem ab Euripide primo formatum esse modo

Adhibuit igitur Euripides in recentiorum fabularum canticis monometros anapaesticos, paroemiacos, dimetros anapaesticos et anapaesto-iambicos. Has formas omnes praecipue eis locis collocavit, quibus magna cum animi concitatione aliquid recitabatur. Talibus locis monometros, quippe qui ex threneticis carminibus sumpti essent, iam ab Aeschilo usurpatos esse supra vidimus (pag. 11). Saepissime dochmii cum formis anapaesticis compositi sunt; idem enim ῥθος, ut Graeca voce utar, dochmiis erat et anapaestis. Non igitur anapaesticae formae lyricae dochmiorum loco adhibebantur, perpauca locis exceptis, quibus singularia metra anapaestica inter dochmios occurrunt, velut Herc. 1085 (pag. 13).

Quod ita esse Aristophanes³⁶⁾ demonstrat, qui nonnullis locis rationem cantica componendi Euripideam per ludibrium imitatur. Sine dubio animo eius, cum scribebat Nub. 1161—1170, locus ille Hec. 171 sqq.³⁷⁾ obversabatur; sed metrorum compositione Polymestoris cantilenam imitatus est, quam supra (pag. 12) descripsimus:

Στρ. . . . πρόβολος ἐμός, σωτήρ δόμοις, ἐχθροῖς βλάβη,	3i
λυσανίας πατρῶων μεγάλων κακῶν.	2 dochm.
ὄν κάλεσον τρέχων ἐνδοθεν ὡς ἐμέ.	2 dochm.
1165 ὦ τέκνον, ὦ παῖ, ἔξελθ' οἴκων,	2 an
ἄιε σου πατρός. — Σωκρ. ὅδ' ἐκεῖνος ἀνὴρ.	2 an
Στρ. ὦ φίλος, ὦ φίλος.	an
Σωκρ. ἄπιθι λαβὼν τὸν υἱόν [σου].	2i
Στρ. ἰὼ ἰὼ, τέκνον· ἰὼ ἰοῦ ἰοῦ.	2 dochm.

diximus, iam occurrere videtur. Wilamowitzius quidem has formas dactylicas esse putat, cum Geryoneis ex dactylo-epitritis composita sit (cf. comment. ad Hipp. 161—169, pag. 195); sed iam supra (pag. 20, annot. 29) Soph. Trach. 497 sqq. attuli, ubi anapaesto-iambi formis dactylo-epitriticis inserti videntur esse. Itaque haud scio, an dimetri anapaestici et formae anapaesto-iambicae e carminibus dactylo-epitriticis progressa sint. Neque vero hoc opusculo de ea re disputandum est. Undecumque dimetri anapaestici prodierunt, sive e compositionibus dactylo-epitriticis sive ex Euripidis officina, servatur Euripidi ea laus, quod dimetros anapaesticos, ut anapaesto-iambicos, ipse primus et sensu et arte metrica ita a membris quae circumstabant seiunxit, ut quasi στίχοι fierent.

³⁶⁾ Aristophanis locos quos attuli e canticorum editione Schroederiana (1909) sumpsit.

³⁷⁾ ἄγῃσαι τῇ γηραΐᾳ | πρὸς τάνδ' αὐλάν· ὦ τέκνον, ὦ παῖ | δυστανοτάτας ματέρος, ἔξελθ' | ἔξελθ' οἴκων ἄιε ματέρος | αὐδὸν . . .

Thesm. 1015 sqq. Aristophanes Mnesilochum Andromedae Euripideae monodiam decantantem inducit. V. 1040 singularem monometrum anapaesticum dochmiis immiscuit, ut Euripides Herc. 1085 (pag. 13):

ἀπὸ δὲ συγγόνων τάλαν' ἄνομα πάθεα	2 dochm.
1040 φῶτ' ἄντομένα, πολυδάκρυτον Ἄι-	an + dochm.
δα γόνον φλέγουσα,	ithyph.

Reliquorum locorum, quibus formas Euripideas Aristophanes adhibuit, altero dochmii plane desunt (Av. 1313—1322):

Χορ. ταχὺ δὴ πολυάνορα τάνδε πόλιν	2 an
καλεῖ τις ἀνθρώπων·	2i
1315 τύχα μόνον προσείη.	2i
κατέχουσι δ' ἐρῶντες ἐμᾶς πόλεως.	2 an
Πει. θάπτον φέρειν κελεύω.	2i
Χορ. τί γὰρ οὐκ ἐνι ταύτῃ	reiz
καλὸν ἀνδρὶ μετοικεῖν;	reiz
1320 Σοφία, Πόθος, ἀμβρόσιαι Χάριτες,	2 an
τό τε τῆς ἀγανόφρονος Ἡσυχίας	2 an
εὐήμερον πρόσωπον.	2i

Altero loco (Ran. 1331 sqq.), quo Aeschylum Euripidis monodias per ludibrium imitantem facit, permulti anapaesti occurrunt, unus dochmius; cf. 1331 sqq.:

ὦ Νυκτὸς κελαινοφαῆς	dim. chor.
ὄρφνα, τίνα μοι	an
δύστανον ὄνειρον πέμπεις ἐξ	2 an
ἀφανοῦς Ἀῖδα πρόμολον, ψυχὰν	2 an
ἄψυχον ἔχοντα μελαίνας	paroem.
1335 Νυκτὸς παῖδα	an ³⁸⁾
φρικώδη δεινὰν ὄψιν,	paroem.
μελανονεκυέμονα,	dochm.
φόνια φόνια δερκόμενον	dim. chor.
μεγάλους ὄνυχας ἔχοντα;	2 i

et 1349 sqq.:

κλωστήρα ποιοῦσ', ὅπως	2i
1350 κνεφαῖος εἰς ἀγορὰν	dim. chor.

³⁸⁾ Vv. 1335/6 Schroëderi digressionem non laudo, qui ita versus disposuit:

Νυκτὸς παῖδα φρικώδη δεινὰν ὄ-	2 dochm.
ψιν μελανονεκυέμονα,	glyc. SA
φόνια ...	

φέρουσ' ἀποδοίμαν.	reiz.
ὁ δ' ἀνέπτατ' ἀνέπτατ' ἐς αἰθέρα	an + i _{SA} ³⁹⁾
κουφοτάταις πτερύγων ἀκμαῖς,	glyc.
ἐμοὶ δ' ἄχε' ἄχεα κατέλιπε,	2i
δάκρυα δάκρυά τ' ἀπ' ὀμμάτων,	2i
1355 ἔβαλον ἔβαλον ἃ τλάμων.	2i

Hi Ranarum versus satis demonstrant Euripidem ab aequalibus suis inventorem existimatum esse formarum anapaesticarum; quas sive ipse invenit sive aliunde sumpsit, primus stichico cuidam usui ita appropinquavit, ut quasi versus populares efficeret.

Ex eis quae Euripidem sequuntur temporibus praeter per pauca eaque minima fragmenta nihil nobis servatum est, unde novi quicquam de anapaestorum usu percipiatur. Tamen etiam fragmenta afferam, ut videas, quo modo Euripidis formae, quas observavimus, a posterioribus poetis adhibitae sint.

Ac primum quidem fragmentum illud Telestis hymenaei describam, quod Athenaeus nobis tradit XIV 637a (corr. Wilam. in Timothei Persarum editione pag. 30, 1):

ἄλλος δ' ἄλλαν κλαγγὰν ἰεῖς	2 an
κερατόφωνον ἐρέθιζε μαγάδιν,	3 paeon.
ἐν πενταράβῳ χορδὰν ἀριθμῶ	2 an
χέρα καμψιδίαυλον ἀναστρωφῶν	2 an
τάχος

Notae sunt formae anapaesticae vv. 1. 3. 4⁴⁰⁾; v. 2 e tribus paeonibus constat. Paeon metrum anapaesticum sequens e tragoedia notus est (Hel. 644, pag. 22); Alexandrinis temporibus paeon inter anapaestos usitatissimus videtur fuisse. Habemus metrorum compositionem Telestis fragmento simillimam in postremis versibus Ovi quod vocatur Simiae (ed. Wilam. in Bucol. Graec. ed. Ox. pagg. 148/9):

κᾶτ' ὤκα βοᾶς ἀκοὰν μεθέπων ὄγ' ἄφαρ λάσιον
νιφοβόλων ἀν' ὀρέων ἔσσυται ἄγκος· 3 an + 2 paeon + adon.

³⁹⁾ Leo ('Die plantin. Cantica u. d. hellenist. Lyrik', Abhdlgn. d. Gött. Ges. d. Wiss., phil.-hist. Kl., N. F. I 7 (1897), pag. 81 sq.) verba ὁ δ' ἀνέπτατ' πτερύγων tria metra anapaestica esse putat, tum quinque metra iambica ponit, quae sequatur dochmius (ἔβαλον ἃ τλάμων). Quae digressio mihi non probatur ea de causa, quod nusquam apud Euripidem tria metra anapaestica diaeresi non intercedente repperi.

⁴⁰⁾ Monometros anapaesticos notavi etiam Tim. Pers. 99—100; v. 101 paroemiacum habemus; sequuntur dimetri choriambici. Anapaestica metra etiam fgm. 25 Wilam. exstant.

20 ταῖς δὴ δαίμων κλυτὸς ἴσα θεοῖς <βάδισιν> δονέων
ποσὶ πολὺπλοκα μεθίει μέτρα μολπᾶς.

Terni monometri antecedunt binis paeonibus, quos sequitur adoneus.

Haec fragmenta anapaesticarum formarum usum quasi stichicum, quem ab Euripide institutum esse supra diximus (pag. 27), minus manifestum praebent; maiore diligentia Euripidis exemplum secutus est auctor cantilenae illius, quam „Puellae quaerimoniam“ inscriptam Wilamowitzius tractavit⁴¹⁾. Incipit a puris anapaestis eadem ratione dispositis, qua Phoen. 1753/5 et Or. 1434/5 (pag. 18):

ἐξ ἀμφοτέρων	an
γέγον' αἶρεσις· ἐζευγίσμεθα· τῆς	2 an
φιλίας Κύπρις ἔστ'	an
ἀνάδοχος· ὀδύνη μ' ἔχει,	2i

Quater dimetri anapaesto-cretici occurrunt, quos in omnibus fabulis Euripideis modo bis repperimus:

7 ἀκαταστασίης εὐρέτης.
8 χῶ τὴν φιλίαν ἐκτικῶς . . .
15 συνοδηγὸν ἔχω τὸ πολὺ πῦρ . . .
49 σὺ δὲ χρωτίζεσθ' ἀποτρέχεις.

Sed notatu dignum est, quod et spondei pro anapaestis imponuntur, et anapaesticum metrum a cretico per diaeresin seiunctum est, quod Euripides summa diligentia vitavit.

Alia fragmenta anapaestorum usum Alexandrinum demonstrantia non supersunt⁴²⁾. Euripidis usum excultum neque

⁴¹⁾ Nachr. d. Gött. Ges. d. Wiss. 1896, 209—233. Cantilenam edidit Crusius, Herondas⁴, pagg. 117/20.

⁴²⁾ Haec omnia dudum erant perscripta, cum novissima Wilamowitzii dissertatio in publicum prodiit, quae est de fragmento carminis Callimachei in Arsinoae mortem compositi (Sitzgsber. d. Berl. Akad. d. Wiss. XXIX (1912), pagg. 524—544). Hoc fragmentum et aliis de causis et ea re notatu dignum est, quod usum nobis illustrat eius metri, quod adhuc nisi metricorum scriptorum mentione non noveramus, dico Archebuleum, quod Hephaestio cap. VIII e quattuor anapaestis constare docet, quos baccheus sequatur. Exemplum affert v. 1 carminis Callimachei: ἀγέτω θεός, οὐ γὰρ ἐγὼ δίχα τῷδ' αἰδέειν. Sed a spondeo quoque et ab iambo versum incipere licet, quas licentias Hephaestio comprobat his exemplis: νύμφα, σὺ μὲν ἀστερίαν ὑπ' ἄμαξαν ἤδη, et Φιλωτέρα· ἄρτι γὰρ οἱ Σικελὰ μὲν Ἔννα, qui sunt vv. 6 et 43 novi fragmenti. Hos versus a Callimacho omnino aliter digestos esse diaeresis docet, quam post pedem tertium

multum mutatum esse cum fragmenta nos docent modo allata tum comoediae Plautinae, quarum partes lyricae finem huius artis Graecae significant⁴³).

Per serioiorem Alexandrinorum aetatem sola systemata parodorum viguisse videntur. Quae quantum a parodis tragicis discrepauerint, ex fragmento illo Berolinensi cognoscas⁴⁴). Systemata, quae quidem in contextu corrupto cognosci possunt, longissima videntur fuisse; unus enim paroemiacus exstat, et is magnae comprehensionis non in fine, sed in media sententia (a 9)⁴⁵). Ne id quidem parvi momenti est, quod dactylus nisi in priore pede monometri non admittitur. Synaphia summo studio servata est.

semper servatam esse fragmentum Callimacheum testatur. (Praeterea persaepe in medio pede altero diaeresis adest; quam notavi vv. 1. 43—44. 48—55. 58. 64—68. 75, ita ut prior pars versus dividatur in duos ionicos per diaeresin seiunctos: $\overline{\cup}\cup\cup|\cup\cup\cup$.) Constat igitur Archebuleum e duabus partibus, quarum posterior est reizianum formae $\cup\cup\cup\cup$; prior habet formam $\overline{\cup}\cup\cup\cup\cup$, quam prosodiacam vocare liceat (cf. Heph. C 48, 2—7 et fgm. Bob. GL VI 625, 1—6). Prosodiacus quoque, ut reizianum, forma popularis videtur fuisse, quae in tragoediarum partibus lyricis nonnunquam occurrit; cf. Soph. Ant. 354—7 = 365—7, ubi omnes tres prosodiaci formae exstant: καὶ φθέγμα καὶ ἀνεμόεν | φρόνημα καὶ ἀστυνόμους | ἄγορὰς ἐδιδάξατο καὶ | δυσαύλων ... Videtur igitur Callimachus, ut in carmine illo, quod inscribitur παννυχίς, dimetrum iambicum cum ithyphallico coniunctum stichice adhibuit (cf. Wilam. l. c. pag. 540 sq.), ita in nostra cantilena alias duas formas populares composuisse et κατὰ στίχον usurpasse (obversabatur fortasse animo eius Eur. Heraclid. 356 sq. = 365 sq.: μεγαληγορίαῖσι δ' ἐμὰς | φρένας οὐ φοβήσεις = καὶ ἐμὰς χθονὸς ἀντομένους | ἔξνος ὦν βιαίως). Recentiores demum scriptores metrici, quippe qui veram formarum radicem non iam intellegerent neque diaeresin respicerent, falsam versus digessionem instituerunt. — Callimachus, ut Wilamowitzius (l. c. pag. 541 sq.) docet, 'inventor' est etiam metri quod Cyrenaicum vocat anonymus Oxyrhynchius (Pap. Oxy. vol. II, n. 220, col. XI), quod habet formam $\cup\cup\cup\cup\cup\cup$. Quam poeta sine dubio ex Euripide sumpsit; est enim dimeter anapaesto-iambicus, quem in canticis Euripideis saepe observavimus. Non igitur 'invenit' Callimachus hoc metrum, sed primus stichice adhibuit. Sed recentiores quoque poetas a scriptoribus metricis ut 'inventores' formarum quarundam celebratos esse, cum revera ex antiquissimo thesauro auctorum lyricorum et scaenicorum sumerent, cap. V intellegemus.

⁴³) Cf. Leo, Abhdlgn. d. kgl. Ges. d. Wiss. z. Gött., N. F. I 7 (1897), pag. 61 sqq.

⁴⁴) Cf. praefat., annot. 1.

⁴⁵) Neque vero ea neglegenda sunt, quae Wilamowitzius pag. 139 de hac re annotavit. Vide etiam W. Schubart, Papyri Graecae Berolinenses (1911), pag. XII—XIII (n. 11 b). Cf. nos cap. II, annot. 6.

Ampliora monumenta anapaestica ex Senecae aetate supersunt. Quorum artem metricam priusquam tractamus, de anapaestis observationes explicemus grammaticorum illorum, quos Alexandrinis temporibus leges metricas ex usu tragico derivavisse notum est.

Caput II.

De Alexandrinorum et Stoicorum praeceptis metricis ad anapaestos pertinentibus¹⁾.

Viri docti Alexandrini et Stoici, quos aetate Alexandrina rei metricae studuisse constat²⁾, num ipsi de arte metrica libros composuerint, dubium est. Alexandrinis praecipue res metrica nihil erat, nisi pars interpretationis, ita ut, si quid video, observationes metricas explanationibus suis, quibus verba poetarum illustrarent, immiscere satis haberent. Aliter fortasse res se habuit de Stoicis, qui de re metrica philosophari, ut ita dicam, malebant, quam leges distinctiores constituere. Neque vero Alexandrinae aetatis studiorum metricorum monumenta ipsa nobis servata sunt; quid? ne eos quidem libros habemus, quibus primis principatus Romani temporibus doctrina metricorum Alexandrinorum integra demonstrata est; supersunt huius disciplinae nonnulla enchiridia recentiorum temporum, quae vetera eaque bona novis rebus eisque deterioribus permiscuerunt. Quod attinet ad Stoicam doctrinam, libri metrici qui exstant aut mutilati sunt aut Alexandrinis praeceptis permixti. E rerum tam variarum acervo nos hoc capite ea sola colligamus, quae Alexandrini ipsi et Stoici de anapaestis docuisse videntur. Quae quo modo temporibus labentibus mutata et depravata sint novisse non parvi est momenti posteaque tractabitur, cum monumenta anapaestica ipsa inspexerimus; neque enim antea novas leges, quae primis Christiani aevi temporibus de anapaestis constitutae sunt, plane cognoscere possumus.

Ac primum quidem de Alexandrinorum studiis ad anapaestos pertinentibus disputemus. Quos de anapaestis lyricis,

¹⁾ Metricorum scriptorum praecepta ex his libris collegi: Hephaestio ed. Consbruch 1906 (= ... C) et Grammatici Latini ed. H. Keil, vol. I et vol. VI (= ... GL I ... et ... GL VI ...).

²⁾ Leo, Die beiden metrischen Systeme d. Altertums, Herm. XXIV (1889), 280—301.

quos Euripides in canticis adhibuit, nihil proprii docuisse inde apparet, quod dactylicam formam anapaestorum legitimam ubique agnoscunt. Quod hi loci demonstrant: Heph. 24, 13—15 C: τὸ δὲ ἀναπαιστικὸν κατὰ πᾶσαν χώραν δέχεται σπονδεῖον, ἀναπαιστον, σπανίως δὲ καὶ προκελευματικόν, παρὰ δὲ τοῖς δραματοποιοῖς καὶ δάκτυλον. Mar. Victor. GL VI 75, 10—12: *recipit autem id metrum pedes quattuor spatio temporum pares, syllabarum numero dispares, spondeum, qui est anapaesti collectio, dactylum, proceleumaticum et eundem anapaestum.*

Hunc dactylum nisi in priore monometri pede collocare non licere docebant Alexandrini; quod testatur Diom. GL I 504, 32—35: *sed dactylum nunquam recipit nisi in dextris pedibus, vel quemque ex illis aliis³⁾; in sinistris vero quem libet ex tribus, pro ut res exegerit, extra dactylum, spondeum tribrachyn anapaestum⁴⁾.* Hic quidem testis Stoicus est; sed Stoici doctrinam ab Alexandrinis sumpserunt, quod ex scholio Hephaestioneo apparet 131, 13—24 C: ζητεῖται πῶς τὸ ἀναπαιστικὸν ἐδέξατο τὸν ἀντίπαλον δάκτυλον καίτοι τὸν ἀναπαιστον μὴ δεξαμένου τοῦ δακτυλικοῦ. φαμέν οὖν, ὡς τὸ μὲν ἐστὶ καθαρὸν καὶ μόνου ἀνεχόμενον σπονδείου ἰσοχρόνου τε καὶ ὁμοίως ἀρχομένου, τὸ δὲ ἀναπαιστικὸν εἰσεδέξατο καὶ τὸν προκελευσματικόν· ἔστιν οὖν ἐν αὐτῷ καὶ ὁ δάκτυλος ἢ σπονδεῖος ὧν διαλελυμένος ἢ προκελευσματικὸς συνηρημένος. ἄλλως τε, κατὰ διποδίαν βαινόμενος διὰ τὴν μῆξιν τόπον ἔσχε † μαθεῖν, ὅτι ἐν ἡρώῳ δακτύλῳ ἐπαγόμενος ἀνάπαιστος χαυνότητα ποιεῖ διὰ τὸ ἀλλεπάλληλον τῶν βραχειῶν, ἐν μέντοι ἀναπαιστικῷ ὁ δάκτυλος κεκρυμμένην τὴν σύνταξιν ποιεῖται τῆς μίξεως. Verba inde ab ἄλλως τε, quantum quidem contextus corruptus cognosci sinit, ita interpretanda sunt: In hexametro heroico si anapaestus dactylis immisceretur, diversorum metrorum breves syllabae sibi occurrentes aures obtunderent; in anapaesticis autem versibus, cum κατὰ διποδίαν digerantur, dactyli cum anapaestis compositio non sentitur, cum dactylus quasi lateat dipodia. — Hoc nullo modo fieri potest, si monometri pedem posteriorem dactylus obtinet, insequitur

³⁾ I. e. praeter dactylum in dextro pede etiam spondeum, tribrachyn, anapaestum recipit metrum anapaesticum.

⁴⁾ Verbo 'dexter' Stoicos pedem priorem, verbo 'sinister' posteriorem significasse fragmentum Berolinense demonstrat, quod Stoicam doctrinam praebet. (Berl. Klass. Fgm., vol. V 2, pagg. 140—142, ubi vide Wilamowitzium disputantem).

alterum metrum anapaesticum; sed necesse est dactylum priorem locum obtinere. Constat igitur iam Alexandrinos docuisse dactylicam formam anapaesti nisi in priore pede metri anapaestici non esse admittendam.

Hac lege, quam de dactylo constitutam fuisse vidimus, apparet anapaestos ab Alexandrinis κατὰ μέτρον digestos fuisse. Quod litteris testatum habemus schol. Heph. 275, 15 C: τὸ δὲ ἀναπαιστικὸν κατὰ διποδίαν βαλνταί. Qui usus qua de causa receptus sit fusius explicatur Mar. Victor. GL VI 76, 22—27 (cf. schol. Heph. 132, 3—16 C): *Scio quaesitum, cur dactylicum singulis pedibus, anapaesticum per syzygian scandatur, cum inter se omnifariam congruant. persuasum est nullum metrum hexametro posse esse maius; igitur cum anapaesticus versus et septem et octo pedum reperiatur, placuisse maioribus eum per syzygias caedi, non alias quam si dactylicus supergrederetur hexametrum, utique per syzygias scanderetur.*

Legem de diaeresi ab Alexandrinis non neglectam fuisse intellegitur e Mar. Victor. GL VI 77, 2—6: *anapaesticon melos binis pedibus amat sensum includere, ut est apud Accium «incline, parva / praedite patria, / nomine celebri / claroque potens / pectore, Achivis / classibus auctor.»*

Iam videamus, quid de systematibus quae G. Hermann vocavit⁵⁾ anapaesticis docti viri Alexandrini docuerint. Qui omnes compositiones metricas, quae per synaphiam continebantur, appellabant periodos. Tales periodi si plus triginta tempora habebant, ὑπέμετρα vocabantur, si minus, μέτρα. Quod ita constitutum erat hac de causa. Carmina stichice composita ita describebantur, ut singuli στίχοι singulos versus obtinerent. Στίχων longissima est forma tetrametri anapaestici catalectica, cui nomen est Aristophaneum. Hic versus e triginta temporibus constat. Carmina polymetra aliaque, quae non stichice composita erant, κατὰ περιόδους describebantur; nova periodus novum versum incipiebat. Sed cum horum carminum periodi saepissime plus triginta tempora continerent, eodem versu tota periodus scribi non poterat; superabat enim στίχου sive metri longissimi amplitudinem; appellabatur igitur ὑπέμετρον. E talibus hypermetris unum erat ὑπέμετρον ἀναπαιστικὸν parodorum, quod

⁵⁾ Vide Rossbach-Westphal, *Theorie der musischen Künste der Hellenen*, III 1 (1887), pag. 184. Quo libro ea, quae de parodorum anapaestis dicturi sumus, optime illustrata sunt.

Hephaestio vocat σύστημα ἐξ ὁμοίων κατὰ περιορισμοὺς ἀνίσους; cf. 70, § C. : κατὰ περιορισμοὺς δὲ ἀνίσους ἐστίν, ὅπόσα ἐξ ὁμοίων συνεστῶτα ἔχει κατὰληξιν ἢ βραχυκαταληξίαν μεταξύ, οὐ μέντοι ἴσοις μεγέθεσι ταύτην ἐπιζευγμένην αἰεὶ· οἷα μάλιστα φιλεῖ γίνεσθαι ἐν τοῖς παρόδοις τῶν χορῶν. Hypermetra autem, ut metra, e membris quibusdam composita esse scriptores metrici docebant, quae κῶλα vocabant. Haec cola plus sedecim tempora nunquam habebant; metrum enim ex duobus colis subsistere nec provehi longius Mar. Victor. docet GL VI 83, 4; longissimum autem metrum tetrametri anapaestici forma catalectica est, quae triginta tempora continet. Singula metra anapaestica ex octonis temporibus constant; bina igitur metra κῶλον appellabantur in hypermetris anapaesticis. Minus tria cola hypermetrum continere non poterat; δίκωλον enim metrum est Aristophaneum. Hypermetra autem parodorum anapaestica περίοδοι vocabantur τρίκωλοι, τετράκωλοι, πεντάκωλοι⁶⁾. Apparet igitur hypermetra anapaestica iam Alexandrinis nihil aliud visa esse, nisi Aristophaneum ad quamlibet longitudinem productum; itaque quod de synaphia in hypermetris observanda nihil dixerunt neminem offendit; neque enim metron neque hypermetron, quippe quae periodi essent, synaphia neglecta fieri poterant. Tamen de synaphia pauca legimus apud Terentianum Maurum, ubi de ionico metro disputat (GL VI 370, vv. 1512/7): *metron autem non versibus istud numero aut pedum coartant, sed continuo carmine quia pedes gemelli*⁷⁾ *urgent brevibus tot numero iugando longas, idcirco vocari voluerunt* συνάφειαν. *anapaestica fiunt itidem per συνάφειαν.* Ad

⁶⁾ Interdum etiam singula metra anapaestica κῶλα formabant, cum numerus monometrorum impar paroemiaco antecederet. Nos systemata anapaestica ita typis describere solemus, ut singula cola singulos versus obtineant. Alexandrini editores καθ' ὑπέρμετρα, ut ita dicam, parodorum anapaestos disponebant; ea cola, quibus periodus longitudinem versus superabat, proximo versu scribebantur; ἀπόθεσις tum fiebat, cum catalexis finem periodi indicabat (cf. Rossbach-Westphal, pag. 185). Papyri illius Berolinensis, quam saepius commemoravimus (cap. I, annot. 1 et 41/2), scribam ne catalexis quidem commovit, ut ἀπόθεσιν faceret; qui periodi finem duobus punctis (:) significare satis habuit (col. I 9). Sed etiam post metra acatalectica, dummodo sententiae finis adesset, hanc interpunctionem adhibuit (col. I 6). Cum hac re consentit, quod Mar. Victor. exemplum Accianum, quod supra (pag. 32) attuli, periodum vocat, quamquam caret paroemiaco.

⁷⁾ Putat enim ionicum ex dibrachy et spondeo compositum esse; cf. Rossbach-Westphal, pag. 183, annot. 1.

synaphiae legem etiam vox illa pertinere videtur στάσιμα, qua Mar. Victor. 76, 28 et 77, 10 Accii periodum illam vocat, quam descripsi pag. 32⁸⁾. His rebus satis apparet systematum quae nos dicimus anapaesticorum naturam Alexandrinis non ignotam fuisse.

Accedamus ad formas catalecticas, quas esse sex Hephaestio docet 24, 15—19 C: εἰσὶ δὲ αὐτοῦ ἀποθέσεις ἕξ κατὰ συζυγίαν διαιρουμένου· ὑπερκατάληκτος εἰς δισύλλαβον, ὑπερκατάληκτος εἰς συλλαβὴν, ἀκατάληκτος, καταληκτικὴ εἰς δισύλλαβον, καταληκτικὴ εἰς συλλαβὴν, βραχυκατάληκτος. Tamen mihi dubium non est, quin Alexandrini viri docti, si ipsi has formas omnes enumeraverunt, eam solam fusius tractaverint, quam καταληκτικὴν εἰς συλλαβὴν Hephaestio appellavit, quippe quam solam a poetis lyricis tragicisque passim adhibitam invenerint. Quae opinio confirmatur ea re, quod Hephaestio et Marius Victorinus, qui soli doctrinam Alexandrinam integriorem servaverunt, nulla alia exempla afferunt, nisi paroemiaci et Aristophanei et trimetri catalectici, quem Hephaestio a Simia Rhodio stichice usurpatum (26, 14—16 C)⁹⁾, Marius Victorinus ab Alcmane primo adhibitum esse dicit (GL VI 77, 14—31). Quod attinet ad reliquas formas quinque, non facile diiudicari potest, utrum Alexandrini formas quasdam lyricas, quae anapaestorum similitudinem praebebant, pro anapaesticis versibus catalecticis habuerint, an eas tantum formas, quae catalecticae formari possent, enumeraverint. Non facile docti viri Alexandrini errorem committebant in formis

⁸⁾ Vide quo modo Westphal στάσιμα vocem interpretatus sit pag. 183, annot. 3.

⁹⁾ Exemplo Graeco, quod codices exhibent, si anapaestice digerere studemus, desunt aut duae syllabae breves aut una longa:

.. ἰστίᾱ ἀγνᾶ, ἀπ' εὐξείνων μέσα τοίχων

— — — — —

Sunt qui contextum mutaverint, ut restituerent trimetrum anapaesticum catalecticum; pro εὐξείνων legitur εὐξείνων, Bergk pro ἀπ' coniecit σ' ἀτ'. Neque vero, si verbum aliquod, velut κατέχουσα, in versu proximo exstitisse supponimus, sensus quicquam desiderat, neque ulla coniectura opus est, si dactylice versum digerimus: — — — — —. Habemus pentametrum dactylicum catalecticum, ex quo Simiam Rhodium carmina confecisse Hephaestio testatur 21, 10—12, exemplo nisus hoc: χαῖρε, ἄναξ, ἔταρε Ζαθέας μάκαρ ἥβας. Mihi quidem versus quem legimus 26, 16 ex carmine dactylico depromptus videtur esse, neque vero ab Hephaestione ipso, ut qui de anapaesticis versibus ageret, sed a scriba aliquo, qui, cum exemplum formae anapaesticae desideraret, falso, sive quod rem de qua agitur negligens nomini tantummodo Simiae rationem habebat, sive quia dactylos pro anapaestis habebat, alienum versum adscripsit.

metricis diiudicandis; quod apparet ex Heph. 35, 10—11 C, ubi Telesilleum non versus anapaestici formam catalecticam iudicaverunt, sed ionicum a maiore esse recte intellexerunt. Ubi vero erraverint opinari possumus, si fragmentum Bobiense quod vocatur respicimus (GL VI 624, 27—625, 6): *dimetrum brachycatalectum*: »super ardua fertur equis«. ab hoc metri genere distat versus, qui prosodiacus nominatur et est varius, quod in principio non anapaestum, sed iambum pedem aut spondium accipiat et duobus sequentibus anapaestis terminetur, ut est iambo: »quis inter aves melicas« et spondio: »cantu *«. Ex mea sententia Alexandrini eas formas lyricas, quae aliquam anapaestorum similitudinem praebant et ab anapaesto incipiebant, inter anapaesticos versus catalecticos enumerabant. Habebant igitur pro dimetro hypercatalecto in syllabam versum velut Eur. Ion. 480: ἐτέροις ἐπὶ τέκνοις, sed pro forma ionica Eur. Andr. 280: σταθμούς ἐπὶ βούτα; pro dimetro in bisyllabum hypercatalecto Eur. Ion. 468: ἰκετεύσατε δ', ὦ κόραι, sed pro forma ionica Telesilleum; pro dimetro brachycatalecto Eur. Iph. Taur. 1265: τὰ τ' ἔπειθ' ὄσ' ἔμελλε τυχεῖν, pro prosodico velut αὐτὰ δέ σὺ Καλλιόπα (48, 7 C); pro dimetro catalectico in bisyllabum Eur. Phoen. 163: ποσὶν ἔξανύσαιμι δι' αἰθέρος. Quas formas neque dactylum umquam praebere neque diaereseos lege digeri sine dubio Alexandrinos non fugiebat; sed cum formae rarissime adhiberentur, has discrepantias non magni momenti putavisse videntur, ut qui et paroemiacum pro forma catalectica dimetri anapaestici haberent, quamquam diaeresi saepissime carebat.

Quae cum ita sint, Alexandrinos dimetrum illum anapaesticum, quem in canticis Euripideis observavimus, quamquam et diaeresi carebat neque ferebat dactylum, non a parodorum dimetro differre putavisse credas. Tamen eos non nihil de hac forma dixisse duo loci mihi persuadent, Mar. Victor. GL VI 76, 28—77, 13 et Dionys. Halic. de comp. verb. 70, 17—71, 17 (ed. Us.-Raderm.), quorum ille haec docet: *Hoc loco dicam, cur, cum sint duae periodi seu stasima, ut quidam vocant, pari inter se coniugatione copulata, alterum vocetur anapaesticon, alterum dactylicon, cum aequae in utraque cadant mixti dactylus et anapaestus. causa talis, quod anapaesticon melos binis pedibus amat sensum includere, ut apud Accium:*

*incline, parva praedite patria
nōmine celebri claroque potens
pectore, Achivis classibus auctor.*

quae periodos circa sex versatur dipodias. contra Pacuvius novare propositum volens noluit intra binos pedes, ut superius, finire sensum, sed secundum Euripidem dactylicum metrum, quod appellatur, induxit, ut nominis mutatio diversitatem daret, huius modi stasimo seu periodo usus:

*agite, ite, <e>volvite, rapite coma,
tractate per aspera saxa et humum,
<di>scindite vestes ocius <nunc>¹⁰⁾.*

Euripides aliquid novum invenisse a Mario perhibetur, cum non iam sensum singulis metris terminarit; id quidem optime cum eo consentit, quod de anapaesticis dimetris lyricis observavimus; non congruit, quod haec forma dactylos anapaestis immixtos admittere dicitur. Non apparet praeterea, qua de causa systema dactylicum vocatum sit; neque enim quisquam rationem a Victorino allatam veram putabit. Lucem mihi afferre videtur Dionysius, qui haec dicit: ὁ δὲ προλαμβάνων τὰς δύο βραχείας ἀνάπαιστος μὲν καλεῖται, σεμνότητα δ' ἔχει πολλήν· καὶ ἔνθα δεῖ μέγεθος τι περιτιθέναι τοῖς πράγμασιν ἢ πάθος, ἐπιτήδειός ἐστι παραλαμβάνεσθαι· τούτου τὸ σχῆμα τοιόνδε· »βαρὺ μοι κεφαλᾶς ἐπίκρανον ἔχειν«. ὁ δὲ ἀπὸ τῆς μακρᾶς ἀρχόμενος, λήγων δὲ εἰς τὰς βραχείας δάκτυλος μὲν καλεῖται . . . (10) οἱ μέντοι ῥυθμικοὶ τούτου τοῦ ποδὸς τὴν μακρὰν βραχυτέραν εἶναι φασὶ τῆς τελείας, οὐκ ἔχοντες δ' εἰπεῖν ὅσω, καλοῦσιν αὐτὴν ἄλογον. ἕτερός ἐστιν ἀντίστροφον ἔχων τούτῳ ῥυθμόν, ὃς ἀπὸ τῶν βραχειῶν ἀρξάμενος ἐπὶ τὴν ἄλογον τελευτᾷ· τοῦτον χωρίσαντες ἀπὸ τῶν ἀναπαιστων κυκλικὸν καλοῦσι παράδειγμα αὐτοῦ φέροντες τοιόνδε· »κέχυται πόλις ὑψίπυλος κατὰ γᾶν«. Tenemus dimetrum illum diaeresi carentem. Quem ea re a parodorum dimetro differre Dionysius docet, quod longa syllaba brevior sit, quam duae breves; idem de metro dactylico rhythmici docuisse dicuntur¹¹⁾. Quid verisimilius est, quam hac de causa periodum illam dimetrorum diaeresi carentium dactylicam esse appellatam? Sed haec doctrina

¹⁰⁾ <e>volvite coni. — V. 3. corr. H. Keil.

¹¹⁾ Haec ἀλογία num non modo ad epici hexametri dactylos pertineat, sed etiam ad eas formas dactylicas, quae in canticis adhibebantur, difficillimum est ad diiudicandum. Rossbach-Westphal, Theorie der musischen Künste der Hellenen, III 1 (1887), pagg. 13–26 syllabas ἀλόγους ad dactylos qui canebantur pertinere negat. Quam sententiam equidem, lyrici dimetri anapaestici exemplo nixus, non iam veram putare possum, cum hic dimeter in partibus tragoediarum, quae pronuntiabantur, non occurrat.

apud rhythmicos scriptores orta est, non apud metricos Alexandrinos. Restat igitur hoc loco Dionysii observatio quaedam singularis rhythmorum, quae arte musica vigente instituebatur, ubi primum cantica illa non iam cantata sunt, nihil valebat. Docti viri Alexandrini omni observatione rhythmorum reiecta arti metricae operam dederunt; qua re factum est, ut, qua ratione systema illud dactylicum appellatum esset, non iam intellegerent. Qui cum nihil iam viderent, nisi diaeresin deesse, ea de causa appellationem ortam esse putabant. Restat, ut quaeramus, qua re factum sit, ut Victorinus dactylicam anapaesti formam non modo in anapaestico, sed etiam in dactylico quod vocatur systemate adhiberi dicat, cum Euripides praeter spondeos et ipsos anapaestos alias formas non admiserit. Mea quidem sententia ita res se habet: Docti viri Alexandrini nihil curabant, utrum dactylus adesset necne, quod iam de formis illis vidimus, quas catalecticas vocabant (pag. 35). Poetae autem Latini, qui formarum varietatem a Graecis susceperunt, sed multo liberius singula metra variabant, quam Graeci ipsi, quod de Plauto omnes sciunt, dactylos ubique ferebant, et in anapaestis parodorum et in partibus lyricis. Quo factum est, ut metricus scriptor Latinus, Latino exemplo nixus, in utroque systemate anapaestos et dactylos mixtos esse doceret.

Iam ad Stoicos transeamus. Quos non novas leges rei metricae constituisse inde apparet, quod in omnibus rebus, quas de anapaestis docuerunt, Alexandrinos secuti sunt. Idem enim de dactylo, idem de digessione κατὰ μέτρον praecripserunt; quod ex eis, quae supra disseruimus, intellegitur. Sed ea re ab Alexandrinis differebant, quod versuum originem philosophica quadam ratione intellegere studebant. Itaque omnes versus anapaesticos, quos Alexandrini catalecticos vocabant, ex heroo versu derivabant. Vide Mar. Victor. GL VI 123, 5—13, ubi de paroemiaco agitur: *E tribus autem anapaestis coniunctis ultima his syllaba catalectica¹²⁾ accedente . . . formabitur epodos ex anapaestico non absone metro heroo respondens, nec immerito: nam retracta heroo penthemimere tome pars eius residua hanc epodum dabit, velut 'vos o Calliope', dehinc 'precor adspirate canenti'. id*

¹²⁾ Hic terminus Alexandrinus a Stoicis scriptoribus metricis saepius usurpatur, quamquam ab ipsorum disciplina abhorret; cf. Leo, Ein metrisches Fragm. aus Oxyrhynchos, Nachr. d. Gött. Ges. d. Wiss., phil.-hist. Kl. 1899, pag. 504.

erit [in] anapaestico par ac simile, »mea tibia dicere versus«. Quod si coniungas, facit »vos o Calliope mea tibia dicere versus«. — Ps.-Censor. GL VI 617, 2 sqq.: aristophanius fit ex heroico: »arma virumque cano Troiae qui primus ab oris«, »nunc arma virumque cano Troiae nunc qui nunc primus ab oris«. Cf. de eodem versu Mar. Victor. GL VI 125, 6—9. De Archebuleo, quam formam logaoedicam Alexandrini appellabant (Heph. 28, 9 sqq. C), Caesius Bassus agit GL VI 256, 11—15: origo eius herous hexametrus est; exemplum »tibi nascitur omne pecus, tibi crescit herba«, quem facies heroum hexametrum adiectis duabus syllabis sic: »nam tibi nascitur omne pecus, tibi crescit et herba«. Ea igitur re Stoici metrici ab Alexandrinis differebant, quod formas catalecticas alia ratione interpretabantur. Neque enim e versibus integris ortas eas putabant, sed esse ex hexametro aut adiectione aut detractatione derivatas. Tamen hos versus e singulis pedibus constare non negabant, quod cognoscimus ex Diomede GL I 512, 36 sqq., qui duos paroemiacos affert: »agite o pelagi cursores, cupidam in patriam portate«, de quibus haec dicit: sunt hic bini anapaesti aut qui recipi solent¹³⁾, in imo autem aut bacchius est, qui constat ex duabus longis et brevi, aut molossus, qui constat ex tribus longis. Summi momenti ea sunt, quae sequuntur: alienum autem pedem metra nisi recipiant, modus non facile finitur et magis rythmus est quam metron. et Varro dicit inter rythmum, qui Latine numerus vocatur, et metrum hoc interesse quod inter materiam et regulam. Id igitur Stoicis necesse videbatur, anapaestica metra, ut cetera omnia, alieno pede concludi, qui non anapaestus esset. Talium pedum Diomedes ipse duos commemorat, bacchium et molossum; tertium Victorinus affert GL VI 75, 16—18: nonnulli in ultima huius¹⁴⁾ sede ionicum minorem recipiunt ea ratione, qua in fine metrum omne varie claudatur¹⁵⁾. Hoc igitur modo Stoici paroemiacum digerebant:

$$\overline{\cup} \overline{\cup} | \overline{\cup} - \overline{\cup} = \text{an} + \text{an} + \begin{cases} \text{bacch.} \\ \text{mol.} \\ \text{ion. min.} \end{cases}$$

Qua re apparet paroemiacum quoque a Stoicis pro versu ex variis metris composito habitum esse. Et haec erat lex gra-

¹³⁾ I. e. praeter anapaestos etiam spondei, in dextris pedibus etiam dactyli recipiuntur; cf. annot. 3 (Diom. GL I 504, 32—35).

¹⁴⁾ Scil. metri anapaestici.

¹⁵⁾ Victorini auctor Graecus, ut omnes Stoici posteriores, etiam tetrasyllabicos pedes agnovit.

vissima Stoicorum, omnes modos alieno metro finiendos esse; cf. etiam Caes. Bass. GL VI 264, 19—22 (de paeonico metro): *clauditur autem cretico, qui et ipse [constat] eiusdem generis et temporum totidem quod ille, una parciior syllaba est, ne, si fluat eodem numero, rhythmos, non metrum fiat. huius exemplum: »egregia percoluit ingenia musice«*. Qua lege non ab Alexandrinis differebant, qui carmina lyrica catalectice concludenda esse ex usu Graeco cognoverant.

Haec sunt, quae Alexandrinis temporibus metrici scriptores Alexandrini et Stoici de anapaestis docuisse videntur. Quae, ut vidimus, praecipue ad parodorum usum spectant, neglegunt anapaestos, quos lyricos appellavimus. Leges, quas Alexandrini constituerunt, cum eis consentiunt, quae viri docti nostrorum temporum ex anapaestorum observatione dudum cognoverunt. Dactylum nisi in dextro pede, ut Stoicorum verbis utar, non ferri scriptores metrici optimo iure docebant, cum sinistro apud Aeschylum, Sophoclem, Euripidem perraro occurrat ¹⁶⁾. Euripides, qui dactylum saepius posteriore monometri loco adhibet, semper animorum perturbationem significandi gratia id facit, non modo in canticis, sed etiam in systematibus velut Hecubae et Medae. Fragmentum autem Berolinense, quod est monumentum aetatis Alexandrinae, legem illam a scriptoribus metricis constitutam diligentissime sequitur.

Caput III.

De formis anapaesticis, quas poetae Graeci imperii Romani aetate adhibuerunt.

Primis Christiani aevi saeculis anapaestorum usus plane commutatus est. Quod poetae Stoicam rei metricae doctrinam sequentes effecerunt, qui, ut semper novas formas metricas componere studebant, ita anapaestos nova quadam ratione usurpare conati sunt. Itaque quid Stoici scriptores metrici recentioribus temporibus de anapaestis docuerint primum nobis esse cognoscendum dixerit quis, tum de carminibus anapaesticis agendum, cum capitibus antecedentibus poetarum studia priora tractaverimus, quippe a quibus docti viri aetatis Alexandrinae disciplinam metricam duxerint. Quod nullo modo fieri potest; ea enim, quae Stoici recentiores de anapaestis docuerunt, perraro ad eum usum spectant, qui imperii Romani aetate vulgaris erat,

¹⁶⁾ Cf. cap. I, annot. 17.

ita ut, priusquam poetarum studia cognovimus, scriptorum metricorum verba intellegere non possimus. Quae cum ita sint, primum cognoscamus, quas formas anapaesticas imperii Romani aetate poetae Graeci adhibuerint. Sed cum, ut fit etiam in doctrina metrica tractanda, res nobis non aperta fiat, nisi Romanorum studiis ascitis, Graecorum carminum tractationi etiam de eis, quae Romani procreaverunt, disputationem addemus.

Ea monumenta, quae anapaesticas formas a Graecis poetis adhibitas exhibent, in duas partes discedunt. Quarum altera tales formas praebet, quales in partibus lyricis tragoediarum praecipue Euripidearum cap. I observavimus. In ceteris monumentis eas compositiones deprehendimus, quas e veteribus exemplis poetae non sumpserunt, sed ipsi novas construxerunt.

Ac primum quidem eas formas tractemus, quas Euripidi poetae recentiores debent. Quas aut stichice adhibebant, aut κατὰ συνάφειαν, ut Terentiani voce utar (cf. pag. 33). Stichice eae formae usurpabantur, quas anapaesto-iambicas vocavi cap. I (υ_υ_υ_υ_υ_, υ_υ_υ_υ_υ_), et paroemiacus; κατὰ συνάφειαν acatalectae formae anapaestorum lyricorum componebantur, dico monometros (υ_υ_υ_υ_) et dimetros Euripideos (υ_υ_υ_υ_υ_υ_υ_υ_).

Iam de eis monumentis agamus, quae stichicum usum anapaestorum praebent. Dimetrum anapaesto-iambicum formae υ_υ_υ_υ_υ_υ_, quem docti viri Alexandrini anapaesticum dimetrum in bisyllabum catalecticum appellabant (cf. pag. 35), una cum paroemiaco stichice adhibitum reperimus in Luciani Tragodopodagra 87—111, quorum describam hos¹⁾:

- τὰν μὲν Κυπρίαν Ἀφροδίταν
σταγόνων προπεσοῦσαν ἀπ' αἰθέρος
ἀνεθρέψατο κόσμιον ἄρμογὰν
90 ἁλίοις ἐνὶ κύμασι Νηρεύς.
τὰν δ' Ὀκεανοῦ παρὰ παραίς
Ζηνὸς παράκοιτιν Ὀλυμπίου
λευκώλενον εὐρέσι κόλποις
Ἦραν ἐπιθήνατο Τηθύς.
95 κορυφαῖσι δὲ κρατὸς ἐν ἀφθίτου
ἐλόχευσε κόρας ἄτρομον φυὰν
Κρονίδας, μέγ' ἄριστος Ὀλυμπίων,
τὰν ἐγρεκύδοιμον Ἀθάναν.

¹⁾ Luciani quae feruntur Podagra et Ocypus praefatus et commentatus est J. Zimmermann 1909. De versibus nostris disputat pagg. 27—28.

Quae formae κατὰ στίχον usurpatae in fine versuum syllabam ancipitem hiatumque admittunt. Eisdem formis Mesomedes hymnos in Solem et in Nemesis composuit²⁾, unde in deorum hymnis illis temporibus hoc metrum usurpatissimum fuisse apparet. Neque enim Luciani canticum aliud est, atque hymnus παρατραγωδιστί in Podagrae laudem compositus. Hunc usum τοῦ παρατραγωδεῖν iam apud Aristophanem occurrere nemo nescit; qui comicus gravibus illis anapaestis threneticis utitur, cum sacrorum caerimoniam imitatur (Av. 1058 sqq., cf. et Ran. 372 sqq.).

Sed versus anapaesto-iambici, quos apud Lucianum et Mesomedem cum peroemiacis coniunctos deprehendimus, eisdem temporibus etiam soli, paroemiacorum comitatu liberati inveniuntur. E carmine in hunc modum composito fragmentum mihi quidem videntur esse versus illi, qui sequuntur quindecim priores hymni in Nemesis Mesomedis:

Νέμεσιν θεὸν ἄδομεν ἀφθίταν
νίκην τανυσίπτερον ὀμβρίμαν,
νημερτέα καὶ πάρεδρον Δίκαν,
ἃ τὰν μεγαλανορίαν βροτῶν
νεμεσῶσα φέρεις κατὰ ταρτάρου³⁾.

In prioribus enim versibus non plures quam terni dimetri intercedebant binis paroemiacis, in his quinque dimetri paroemiacis deficientibus decurrunt. Itaque hos versus ex alio quodam carmine descriptos esse puto, quod solis dimetris incedebat. Quam opinionem duplici argumento fulcire licet. Ipsa sententia enim versuum exordio quam maxime apta videtur esse; contra is qui antecedit v. 15, idem est atque v. 1; atqui in Philostrati hymno (infra pag. 46) et primus et ultimus versus Thetidis invocatione eadem obtinentur; eadem ergo ratione Mesomedes suum carmen circumscripsisse videtur, ita ut versui 16, quem primum versum alferius carminis diximus, antecedit ultimus prioris, qui est v. 15. Accedit, quod canticum solis dimetris incedens nobis ipsius Mesomedis nomine traditum est in Anthol. Pal. XIV 63. Est aenigma illud de Sphingis figura⁴⁾:

²⁾ Musici scriptores Graeci rec. C. Janus (1895), pagg. 462—473.

³⁾ Codd. νεμεσεωσαφαιρεις καὶ ταρταρου; corr. Bellermann. Ad φαιρεις = φέρεις cf. P. Fay. fgm. II, col. III, v. 6 ἀφειγμαῖνοι et v. 12 δαὶ παῖτραν.

⁴⁾ Qui praecedunt in codicibus duo versus B. Keil segregavit ut frustula alius cuiusdam griphi; sententia enim eadem, versus diversi:

πτερόεσσα μὲν ἦν τὰ πρόσω γυνά,
τὰ δὲ μέσσα βρέμουσα λείαινα θήρ,
τὰ δ' ὀπισθεν ἐλίσσόμενος δράκων.
οὔθ' ὄλκός ἀπέτρεχεν, οὐ γυνά,
5 οὔτ' ὄρνις ὄλον δέμας, οὔτε θήρ,
κούρα⁵⁾ γὰρ ἐφαίνεται' ἄνευ ποδῶν,
κέφαλὰν δ' οὐκ ἔσχε βρέμουσα θήρ.
φύσιν εἶχεν ἄτακτα κεκραμέναν,
ἀτέλεστα τέλεια μεμιγμέναν.

Dimetri anapaesto-iambici paroemiaticis carentes etiam in fragmento illo occurrunt, quod nuper publicatum est inter papyros Fayum in urbe inventos⁶⁾:

λοξὴν δ' ἀτράπου τρίβο[ν ἐρπύσας,
τόπον ἦλθε τὸν οὐ[τ]ί[ς ἀφίκετο,

5 πολλοὶ δὲ κύνες περὶ τοὺς νεκροὺς
θοίνης χάριν ἦσαν ἀφιγμένοι.

10 κ[α]ἰ δὴ χθόνα δυστράπ[ε]λον φθάσας
ἀ[σ]χήμονας ἦλθε παρ ἠόνας,
ἔνθεν δὲ πέτρα[ν] καθ[ί]σας ὅτε
κάλαμον μὲν ἔδησε νεκρᾷ τριχί,
δέλεαρ δὲ λαβὼν καὶ ψωμίσ[α]ς

15 ἄγκιστρον ἀνῆκε βαθεῖ βυθ[ῷ].

Iam de dimetris anapaesto-iambicis quod adhuc mentione

ἐρπουσα, πετωμένα, βεβῶσα κούρα. — — — — —
νόθον ἴχνος ἀραμένα, δρομαῖα λείαινα. — — — — — vel — — — — —
Prior versus ionici; non secus alter: primum membrum ut fit in his compositionibus decurtatum; choriambum sequitur dimeter aut anaclasi immutatus (si δρομαῖα legis) aut in priore pede in antispastum deformatus (si δρομαῖα legis). Iam igitur tacere licet de correctionibus, quibus editores priores versus ad insequentium normam redigere studebant.

⁵⁾ κόρη cod. cum Bergkio in κούρα mutavi totius carminis usu cogente.

⁶⁾ De hoc carmine disseruit Wilamowitzius in Gött. gel. Anz. 1901, pag. 34 sq. Tales versus et in papyro Heidelbergensi inedito exstare dicuntur; cf. Crusius, Sitzgsber. d. bayr. Akad. d. Wiss. 1904, pag. 358; H. Weil, Journal des Savants 1901, pag. 26.

⁷⁾ Num huic cantico paroemiaci omnino defuerint, equidem diiudicare non audeo. V. 39 ἄλλω τινὶ προσπελάσασα paroemiaticum esse negari non potest. Hac re Swoboda Wiener Studd. 1905, pag. 301 opinionem confirmavit, fragmento nostro alteram partem hymni Naassenorum servatam esse. Sed cf. quae nos de Naassenorum hymni arte metrica diximus infra pag. 47 sq. et pag. 51 sq.

dignum videtur complectar. Non novae sunt formae; dimetrum iam in tragoedia Graeca paucis locis invenimus; paroemiacus ab hoc versuum genere nunquam alienus erat. Hae igitur formae secundo saeculo p. Chr. n. κατὰ στίχον adhibebantur⁸⁾. Non igitur 'cholanapaesti' hae formae appellandae sunt, quo nomine utitur Kaibelius, Wilamowitzii exemplum sequens, in Mus. Rhen. 34 (1879), pag. 211; neque enim 'ad ipsum podagricorum usum' inventae sunt, sed ex usu tragico sumptae praecipueque in deorum hymnis adhibitae. Sed Wilamowitzium ab errore suo iam recessisse ea demonstrant, quae scripsit Berl. Klass. Fgm. V 2, pag. 136, annot. 2. Swoboda⁹⁾ et Zimmermann (cf. supra annot. 1), cum nomine 'Hinkanapaeste' utuntur, priorem Wilamowitzii se doctrinam sequi testantur.

Anapaesto-iambicus dimeter Euripideus dactylicam formam anapaesti non recipiebat. Cui legi se obstringentes cum usum tragicum servarent poetae recentiores, alia re veterem severitatem paulo relaxaverunt. Cum enim dimeter anapaesto-iambicus componeretur cum paroemiaticis, anapaestorum constructio ea re liberior facta est, quod duas syllabas breves in versus initio in unam longam contrahere licebat, quod in tragoediae anapaestis non occurrit, paroemiaco semper concessum erat. Rarissime ceteri pedes anapaestici spondeum admittunt; quem in altero pede invenimus in aenigmatis illius v. 9 κεφαλὰν δ' οὐκ ἔσχε βρέμουσα θήρ, in tertio pede P. Fay. v. 14 δέλεαρ δὲ λαβὼν καὶ ψωμίσας et v. 22 πελεκιζομένων σταυρουμένων. Fiebat igitur huius formae usus temporibus progredientibus liberior, cum spondei in omnibus pedibus pro anapaestis admitterentur; neque vero umquam primus dimetri pes desiit esse spondei locus praecipuus.

Praeter paroemiacum et dimetrum anapaesto-iambicum recentioribus temporibus etiam dimeter anapaesto-paeonicus stichice adhibebatur. Quem semel apud Euripidem, bis in cantilena illa

⁸⁾ Idem iam Callimachum de dimetro anapaesto-iambico formae — — — — — fecisse supra vidimus (cap. I, annot. 42). Facile credas poetas recentiores eo consilio alteram formam anapaesto-iambicam adhibuisse, ut Callimachi exemplum sequerentur. Quod ita esse ea re verisimilius fit, quod alii quoque poetarum Callimacheorum imitatores Hadriani aetate exstiterunt; infra (pag. 44) afferam Besantinum quendam, qui carmine suo quod 'Ara' inscribitur sine dubio Simiacorum carminum polymetriam imitabatur.

⁹⁾ Wien. Studd. 1905, pag. 301.

Alexandrina invenimus (cf. cap. I, pag. 28). Κατὰ στίχον usurpatum eum habemus in carmine Niloplotarum quod vocatur (P. Oxy. III, s. n. 425)¹⁰):

ναῦται βυθοκυματοδρόμοι
 ἀλίῳν Τρίτωνες ὕδατων,
 καὶ Νειλῶται γλυκυδρόμοι,
 τὰ γελῶντα πλέοντες ὕδατα —
 ὅ τὴν σύγκρισιν εἶπατε, φίλοι,
 πελάγους καὶ Νείλου γονίμου.

Dimetros κατὰ στίχον adhibitos esse hiatu v. 1 et syllaba ancipiti v. 4 admissis apparet. V. 6, qui totam comprehensionem terminat, pro paeone positus est choriambus. Anapaestorum constructio ea re liberior est quam apud Euripidem, quod pro anapaestis etiam spondei admittuntur. Hanc licentiam iam aetate Alexandrina viguisse supra vidimus (cf. pag. 28).

Iam transeamus ad acatalectarum formarum tractationem. Euripides, ut intelleximus cap. I, in partibus lyricis fabularum suarum adhibuit monometros anapaesticos, qui alienis membris metricis inserebantur neque, ut in parodis, paroemiaco concludebantur, et dimetros quos vocavimus anapaesticos, qui iis rebus a parodorum anapaestis differebant, quod neque inter bina metra diaeresis aderat neque anapaestorum forma dactylica adhibebatur. Secundo saeculo Christiano et tertio ex his formis Euripideis carmina componebantur; formas anapaesticas semper synaphia connectebat.

Monometri saepe inter alienos versus usurpati videntur esse, qua re compositio metrorum simillima fiebat Euripideae. Ita res se habet in 'Ara' quae vocatur Besantini, quod carmen Hadriani temporibus ortum esse constat¹¹). Incipit autem a tribus anacreonteis, sequuntur tetrametri trochaici tres, tres phalaecei, dimetri iambici undecim; hos versus excipiunt anapaestica metra sex:

Υμηττιάδων πολὺ λαροτέρην
 σπονδὴν ἄδην· ἴθι δὴ θαρσέων
 ἐς ἐμὴν Ζεῦξιν, καθαρὸς γὰρ ἐγώ . . . ,

¹⁰) De his versibus breviter disseruit Croenert (Mus. Rhen. 64 (1909), pag. 444 sq.), qui demonstrat hos versus non a nautis decantatos esse, sed in convivio recitados, quibus conviva amicos suos iussisset τὴν σύγκρισιν εἰπεῖν πελάγους καὶ Νείλου γονίμου. Metrum autem non, ut Croenert censet, a versificatore aliquo inventum est, sed ex usu Euripideo decerptum.

¹¹) Ed. Wilamowitz, Bucolici Graeci, pag. 154.

sequuntur tres tetrametri choriambici. In hoc carmine bina metra anapaestica singulos versus efficiunt, quod indicat acrostichon. Versuum enim singulorum primae litterae haec verba efficiunt: Ὀλύμπιε πολλοῖς ἔτεσι θύσειας; versus autem quos descripsi a litteris υ σ ε incipiunt vocis θύσειας. Anapaesti etiam in lapide illo exstant, de quo disputat Wilamowitzius in dissertatione, quae ‘Nordionische Steine’ inscribitur¹²⁾. Hymno enim Ptolemai in urbe invento adiecti sunt hi versus:

Νείλου δὲ ῥοᾶς [δμῶης] μάκαρ αἰδίους
καὶ τᾷδε πόλει θάλος ἀμβρόσιον
πάσῃ τ' ἀγανὸν κλέος Αἰγύπτῳ.
χαῖρέ μοι, ὦ Παιάν, ἐπ' ἐμαῖς εὐφροσι ταῖσδ' ἀοιδαῖς,
χαῖρ', ὦ Πύθι' Ἀπολλων.

V. 4 priapeum est, v. 5 pherecrateus. Secundo igitur saeculo Christiano carmina e variis formis metricis componebantur; in his carminibus etiam metra anapaestica adhibebantur, quae per synaphiam continebantur.

Dimetros anapaesticos Euripideos in quattuor monumentis repperi, quorum duo praeter anapaestos etiam alias formas metricas praebent; semper inter dimetros etiam monometri anapaestici occurrunt. Hunc usum observamus in carmine illo sub finem secundi saeculi composito, cuius reliquias edidit Kaibel Epigr. Gr. n. 1027 c:

πάγ]γλωσσα γένη
μερόπων ἀνεγείρατον ἐκ καμάτων
βαρυαλγέα νοῦσον ἀπωσαμένῳ·
Παιάν δὲ γέγηθεν ἀκειροκόμης
5 νέον ἔρνος ἔχων σέ, Τελεσφόρε, τὸν
περὶ κήρ ἔσ[τη],
καὶ πολλὰκι σεμνὰ θεοῦ Καμάτου . . .

Dimetros anapaesticos sequuntur versus heroï. E dimetris anapaesticis, quos dactyli sequebantur, etiam carmen illud Hippolyti εἰς Ἄρτιν corruptissimum constitisse videtur¹³⁾. In paroemiacum formae anapaesticae exeunt, ut parodorum systema, Luc. Tragod. 191—203:

ἀδαμάντινον ἦθος ἔχουσα κόρα,
πουλυσθενές, ὀβριμόθυμε θεά,

¹²⁾ Abhdlgn. d. Berl. Akad. 1909, pag. 42, annot. 1.

¹³⁾ Lyrici Graeci rec. Bergk III⁴ (1882), pagg. 685—6.

κλύε σὼν ἱερῶν μερόπων ἑνοπάς.
 μέγα σὸν κράτος, ὀλβιόφρον Ποδάγρα,
 195 τὰν καὶ Διὸς ὤκῃ πέφρικε βέλος,
 τρομέει δέ σε κύμαθ' ἄλὸς βυθίας,
 τρομέει βασιλεὺς ἐνέρων Αἴδας,
 ἐπιδεσμοχαρές, κατακλινοβατές,
 κωλυσιδρόμα, βασαναστραγάλα,
 200 σφυροπρησιπύρα, μογισαφεδάφα,
 δοιδυκοφόβα, γονυκαυσαγρύπνα,
 περικονδυλοπωροφίλα¹⁴⁾,
 γονυκαμψεπίκυρτε Ποδάγρα.

Anapaestos etiam hymnus εἰς Θέτιν praebet a Philostrato heroic.
 741 traditus¹⁵⁾:

Θέτι κυανέα, Θέτι Πηλεία,
 μέγαν ἃ τέκες υἱὸν Ἀχιλλέα· τοῦ
 θνατὰ μὲν ὅσον φύσις ἤνεγκεν,
 Τροία λάχε, σᾶς δ' ὅσον ἀθανάτου
 5 γενεᾶς παῖς ἔσπασε, Πόντος ἔχει·
 βαῖνε πρὸς αἰπὺν τόνδε κολωνὸν
 μετ' Ἀχιλλέως ἔμπυρα, βαῖνε γόους
 εὐδακρύτους μέτα Θεσσαλίας,
 Θέτι κυανέα, Θέτι Πηλεία.

Componebant igitur secundo et tertio saeculo Christiano
 poetae Graeci carmina anapaestica, quae continebant dimetros Euri-
 pideos formae $\cup\cup\cup\cup$ et monometros formae $\cup\cup\cup\cup$.
 Hae formae cum omnes per synaphiam connexae fuerint, hyper-
 metra anapaestica eas appellare licet.

Transeamus ad earum formarum tractationem, quas poetae

¹⁴⁾ Hunc versum dimetrum brachycatalectum Alexandrini vocabant;
 cf. cap. II pag. 35; vide etiam infra pag. 49.

¹⁵⁾ Apparatum criticum Bergk praebet Lyr. Gr. III⁴ 687 sq. — V. 2
 τὸν μέγαν ἔτεκες υἱὸν; τὸν seclusi, ἃ addidi. — V. 8 sq. μετ' Ἀχιλλέως
 ἔμπυρα βαινεῦδακρυτος μετὰ Θεσσαλίας codd. Viri docti μετὰ cum Θεσσα-
 λίας coniungentes quid haec verba significarent non intellegebant. Difficul-
 tates praebebat et εὐδακρυτος. Equidem dimetros restituendos esse ratus
 μετὰ non ad Θεσσαλίας redire existimaui, sed ad aliquem accusativum, qui
 indicaret, quo ire Thetis iuberetur. Itaque post βαῖνε supplevi γόους, mutavi
 εὐδακρυτος in εὐδακρύτους, cum hoc adiectivum pro δακρυόεις hoc loco
 adhibitum esse opiner, quod cum γόος composuit Homerus p 8: οὐ γὰρ
 μιν . . . παύσεσθαι ὀίω . . . γόοιό τε δακρυόεντος. Iubetur igitur Thetis
 ire ad Thessalos cum lacrimis mortem Achillis querentes.

recentiores non ex Euripide sumpserunt, sed ipsi novas construxerunt. Omnes tamen novae formae ex Euripidearum imitatione prodierunt.

Dimetri anapaesto-iambici, quibus Lucianum et Mesomedem usos esse vidimus, occurrunt etiam in duobus Diophanti cuiusdam canticis, quae in lapidibus incisa exstant (CIA III 171)¹⁶⁾. Sed differunt versus ea re a dimetris Luciani et Mesomedis, quod saepius metrum anapaesticum a metro iambico per diaeresin seiunctum est. Describam carmen posterius:

τάδε σοι, Διόφαντος, ἐπεύχομαι·
 σῶσόν με, μάκαρ, σθεναρώτατε,
 ἰασάμενος ποδάγραν κακὴν,
 πρὸς σοῦ πατρός, ὧς μεγάλ' εὖχομαι·
 5 οὐ γάρ τις ἐπιχθονίων βροτῶν
 τοιῶνδε πόροι λύσιν ἀλγέων.
 μόνος εἶ σύ, μάκαρ θεῖε, σθένων·
 σὲ γὰρ θεοὶ οἱ πανυπείροχοι¹⁷⁾
 δῶρον μέγα, τὸν φιλελήμονα
 10 θνητοῖς ἔπορον, λύσιν ἀλγέων.

Etiam manifestior est novitas in hymno Naassenorum¹⁸⁾. Cuius pars posterior e dimetris anapaesto-iambicis et paroemiaciis constat, qui uno excepto omnes metrum prius per diaeresin seiungunt:

εἶπεν δ' Ἰησοῦς· ἐσόρ(α), πάτερ,
 ζήτημα κακῶν <τόδ'> ἐπὶ χθόνα
 15 ἀπὸ σῆς πνο<ι>ῆς ἐπιπλάζεται.
 ζητεῖ δὲ φυγεῖν τὸ πικρὸν Χάος,
 κοῦκ οἶδε<ν δ>πως διελεύσεται.
 τούτου με χάριν πέμψον, πάτερ,
 σφραγίδας ἔχων καταβήσομαι.
 20 αἰῶνας ὅλους διοδεύσω,
 μυστήρια πάντα δ' ἀνοίξω,
 μορφὰς δὲ θεῶν ἐπιδείξω.

¹⁶⁾ Cf. Kaibel, Mus. Rhén. 34 (1879), pagg. 210—211. Prius carmen in duos monometros exit: τὸν παιδρότερον χθονὸς εἰαρινᾶς.

¹⁷⁾ Hic versus ab iambo incipit; cf. infra annot. 23.

¹⁸⁾ Hippol. adv. Haeret. V 10, 11—24. Apparatum criticum composuit Usener, Altgriech. Versbau, pagg. 94—95, tum Harnack, Sitzgsber. d. Berl. Akad. 1902, pagg. 542—43; sine apparatu hymnum descripsit Swoboda, Wien. Studd. 1905, pag. 300.

τὰ κεκρυμμένα τῆς ἀγίας ὁδοῦ,
γνώσιν καλέσας, παραδώσω.

Videntur hi poetae non iam dimetros catalecticos, quos vocabant, composuisse, sed monometris anapaesticis quasi aliena membra metrica adiecisse.

Haec nova ratio formas catalecticas formandi sine dubio eo tempore orta est, cum poetae Graeci non iam satis habebant dimetricas formas componere, sed etiam monometrorum compositioni se dederant. Quod apparet e Clementis Alexandrini hymno εἰς Χριστὸν τὸν παιδαγωγόν¹⁹⁾, cuius partem priorem describam:

στόμιον πύλων ἀδαῶν,
πτερόν ὀρνίθων ἀπλανῶν,
οἷα νηῶν ἀτρεκῆς,
ποιμὴν ἀρνῶν βασιλικῶν·
5 τοὺς σοὺς ἀφελεῖς
παῖδας ἄγειρον,
αἰνεῖν ἀγίως
ὑμνεῖν ἀδόλως
ἀκάκοις στόμασιν·
10 παίδων ἡγήτορα Χριστόν.
ἀγίων βασιλεῦ,
λόγε πανδαμάτωρ
ἄλιεῦ μερόπων
τῶν σωζομένων
25 πελάγους κακίας,
ἰχθῦς ἀγνοῦς
κύματος ἐχθροῦ
γλυκερῇ ζωῇ δελεάζων·
ἡγοῦ προβάτων
30 λογικῶν ποιμὴν ἄγι', ἡγοῦ
βασιλεῦ παίδων ἀνεπάφων.

Vv. 11—25 monometros esse iam rhetorica forma verisimile fit, cum singulis metris saepissime singulae Christi appellationes contineantur; sed tota hymni compositio horum versuum naturam certam reddit. Nam versus dimetrici, qui in hoc carmine leguntur, omnes illis temporibus iam dudum in usu erant, nisi quod

¹⁹⁾ Clemens Alexandrinus ed. Staehlin, vol. I (1905), pagg. 291—92; praef. LXXVI 2.

diaeresis aberat: versuum 1—3 formam Lucianus adhibuit Tragod. 202 in carmine anapaestico: περικονδυλοπωροφίλα, quam Alexandrini appellabant brachycatalectam (cf. supra annot. 14). Versuum 4 et 31 formam in Niloplotarum cantilena invenimus, paroemiacos saepissime. Clemens autem, ut monometer a clausula segregaretur, omnium versuum partem priorem a posteriore per diaeresin secludit, v. 10. excepto. Qua observatione adductus, ceteros versus non pro hypermetris habeo, sed pro monometris stichice adhibitis, qui eam solam hypermetrorum similitudinem servaverunt, quod synaphiam praebent; v. 6 in sententiae inciso syllaba anceps admissa est. Hac re Clementis studium facile intellegitur: composuit enim monometros anapaesticos, quibus interdum varia membra metrica adiecit, aut anapaestum aut paeonem aut ionicum minorem²⁰). Cuius rei certissimum testimonium est hymni pars posterior, in quo puri monometri compositi sunt nullis iam alienis membris adiectis; plane enim synaphia omissa est, monometri ut στίχοι incedunt. Hoc genus Synesius imitatus est, qui duos hymnos e monometris anapaesticis composuit²¹.)

Hanc novam formam ad ea, quae Synesius tractavit, aptissimam fuisse nemo negabit. Artificiosae enim constructiones grammaticae non occurrunt, sententiae longae splendidissime decurrentes in supplicationibus illis non adhibentur, qua de causa sententia saepe post unumquemque monometrum paululum quiescit. Quod praecipue eis locis apparet, ubi appellationum ordo longissimus connexus est, velut III 145—173: πατέρων πάντων | πάτερ, αὐτοπάτωρ, | προπάτωρ, ἀπάτωρ, | υἱὲ σεαυτοῦ, | ἐν ἐνὸς πρότερον, | ὄντων σπέρμα, | πάντων κέντρον, | προανούσιε νοῦ, | κόσμων ῥίζα | τῶν ἀρχηγόνων, | ἀμφιφαῆς φῶς, | ἀτρέκεια σοφά, | παρὰ σοφίας ε· q. s.; IV 60—71: μονὰς ὦ μονάδων, | πάτερ ὦ πατέρων, | ἀρχῶν ἀρχά, | παγῶν παγά, | ῥιζῶν ῥίζα, | ἀγαθῶν ἀγαθόν, | ἄστρον ἄστρον, | κόσμων κόσμε, | ἰδεῶν ἰδέα, | βύθιον κάλλος, | κρύφιον σπέρμα, | πάτερ αἰώνων. Quid talibus locis synaphia profuisset?

²⁰) Idem Wilamowitzius docuit in Staehlini editione, pag. LXXVI, annot. 2.

²¹) Quos ediderunt sub numeris III et IV Christ-Paranicas in Anthol. carm. Christian. (1871), pagg. 6—19. Nonnullos locos Wilamowitzius sanavit in disputatione sua de Procli Synesiique hymnis habita Sitzgsber. d. Berl. Akad. 1907, pag. 294. Idem vir doctus hymnum decimum qui vocatur ex eisdem formis constantem a scriba aliquo additum esse demonstravit.

Clemens ipse monometrorum usum, qualem optimum putaret, hymno suo demonstrare in animo habuisse mihi videtur. Qui in priore carminis parte appellationes per monometros synaphia connexos decurrere iussit, periodum longioribus formis clausit, tum in parte posteriore monometris κατὰ στίχον usurpatis, nullas alienas formas adiungens, iterum appellationes profudit: λόγος ἀέναος, | αἰὼν ἄπλετος, | φῶς ἀίδιον, | ἐλέους πηγὴ, | ῥεκτὴρ ἀρετῆς | σεμνὴ βιοτῇ | θεὸν ὑμνοῦντων, | Χριστὲ Ἰησοῦ, (34—41). Qua re docuit formam metricam rei esse accommodandam, neque synaphia utendum, ubi sententiae ipsae omni synaphia, ut ita dicam, carent. Sed et id premere voluit, monometros synaphiam neglegentes non aliter ac solos purosque adhibendos esse, sin autem alienae formae cum eis coniungerentur, synaphiam, nisi forte sensus quiesceret, servandam esse. Quod optimo iure praecepit. Nam formis anapaesto-ionicis omnibus indoles quaedam stichica innata erat, monometri autem usque ad id tempus synaphiam non omiserant, quare stichicam compositionem fugiebant. Praeterea κατὰ στίχον, i. e. synaphia omissa, non quaelibet metra sine ordine permixta componebantur, sed talia, quae inter se similia erant aut illis temporibus similia videbantur. Itaque si monometri anapaestici inter stichicas formas catalecticas adhibebantur, aut, ut formae a stichico usu alienae, per synaphiam connectendae erant, aut catalecticae, ut versus stichice usurpati, reddendae. Neque desunt monometrorum catalecticorum documenta, quod brevi videbimus.

Duae igitur anapaestos componendi rationes novae e formarum Euripidearum imitatione ortae sunt; monometri enim κατὰ στίχον adhibebantur, et metris anapaesticis varia membra metrica (— — —, — — —, — — —, — — —) adiciebantur. Hic novus usus alias novitates ex se procreavit; monometrorum enim usus stichicus catalecticas formas monometricas instituere poetas docuit, et metris anapaesticis, ut membra illa quae modo enumeravi, ita longiores quoque compositiones metricae adici coeptae sunt.

Monometri catalectici in Achillis hymno exstant, quem Philostratus tradit heroic. 747²²):

Ἀχῷ, παρὰ μυρίον ὕδωρ
μεγάλου ναίρισα πέραν πόντου.

²²) Apparatum criticum composuit Bergk Poet. Lyr. Gr. III 688. — V. 2 πλεῦρά codd., πέραν Bergk. — V. 12 μέλαινι imposuit Bergk.

ψάλλει σε λύρα διὰ χειρὸς ἐμᾶς,
 σὺ δὲ θεῖον Ὅμηρον αἰδέ μοι,
 5 κλέος ἀνέρων,
 κλέος ἀμετέρων πόνων,
 δι' ὃν οὐ θάνων,
 δι' ὃν ἐστὶ μοι
 Πάτροκλος, δι' ὃν ἀθανάτοις ἴσος
 10 Αἴας ἐμός,
 δι' ὃν ἅ δορίληπτος αἰδομένα
 <μέλεσιν> σοφοῖς
 κλέος ἦρατο κοῦ πέσε Τροία.

Notissimae sunt formae vv. 1. 13 (paroemiaci), 2. 3. 11 (dimetri anapaestici), 4. 9 (dimetri anapaesto-iambici). Versus 5. 7. 8. 10. 12 formam habent $\cup\text{—}\cup\text{—}$, quae in tragoedia non occurrit. Quam sine dubio poetae recentiores novam sibi invenerunt et monometrum in bisyllabum catalecticum volebant esse. Quod tum demum fieri potuit, postquam Clemens monometros anapaesticos stichice adhibere poetas docuit. Haec igitur forma pro integro monometro inter stichicas formas catalecticas stichice usurpabatur. De forma v. 6 egimus cap. II (pag. 35). Est glyconeia (cf. cap. I, annot. 19); sed iam Alexandrini eam propter anapaestorum similitudinem pro anapaestico dimetro hypercatalecto habebant. Neque tamen poetae in carminibus anapaesticis eam adhibere coeperunt ex mea sententia, priusquam monometrum in bisyllabum catalecticum invenerunt; tum enim facile commoti sunt, ut etiam alios versus, qui ab anapaestis incipiebant et in iambum desinebant, componerent.

Tales versus si dimetrorum longitudinem transgrediebantur, nova illa ratione componebantur, qua Diophantus et Clemens versus catalecticos formabant; monometris enim anapaesticis membra illa metrica in iambum exeuntia adiciebantur. Quod docet hymni illius Naassenorum (cf. annot. 18) pars prior:

Νόμος ἦν γενικός τοῦ παντός ὁ πρῶτ(ισ)τος Νόος,
 ὁ δὲ δεύτερος ἦν τοῦ πρωτοτόκου τὸ χυθὲν Χάος,
 τρίτατον Ψυχὴ δ' ἔλαβ' ἐν<θ> ἐργαζομένη νόμον.
 διὰ τοῦτ' ἐλάφου μορφήν περικειμένη
 5 κοπιᾷ θανάτῳ μελέτημα κρατουμένη.
 ποτὲ βασιλείαν <μὲν> ἔχουσα βλέπει τὸ φῶς,
 ποτὲ δ' εἰς ἔλεον ῥιφθεῖσα μινύρεται.
 ποτὲ μὲν χαίρει, καίνυται,

ποτὲ δὲ κλαίει, κρίνεται,
 10 ποτὲ δὲ θνήσκει, φθίνεται.
 ἀνέξοδος ἢ μελέα κακῶ
 λαβύρινθον ἐσήλθε πλανωμένη²³).

Eandem componendi rationem, quam vv. 13—24 cognovimus (cf. supra pag. 48), etiam vv. 1—7 sequuntur; qui omnes a monometris anapaesticis incipiunt, quibus varia membra metrica adiecta sunt: dimetri anapaesto-iambici vv. 1—3, forma illa glyconea a Philostrato adhibita vv. 4—7, quam ab una longa syllaba incipere Alexandrini, ut cap. II vidimus, vetuerant, at illa aetate, ut in dimetro anapaesto-iambico (cf. pag. 43), concessum erat, unde in v. 4 μορφήν. Hymni poeta sine dubio trimetros in bisyllabum catalecticos (vv. 1—3) et hypercatalectos (vv. 4—7) composuisse sibi videbatur.

Iam ea, quae hoc capite novi cognovimus, complectamur. Exstant saeculorum p. Chr. n. II et III non pauca carmina Graeca, quae formas anapaesticas exhibent. Horum carminum vetustiora anapaesticas compositiones ex Euripidearum fabularum partibus lyricis sumpserunt; eae formae, quas cap. I anapaesto-iambicas appellabamus, praeterea paroemiacus, κατὰ στίχον adhibebantur; κατὰ συνάφειαν componebantur dimetri anapaestici, quos vocavimus Euripideos (— — — —), et monometri anapaestici (— — — —). Hae formae acatalectae ambo in eisdem carminibus usurpabantur et hypermetra quae vocantur anapaestica efficiebant. — Recentiora monumenta eas formas praebent, quae

²³) Contextui restituendo codices corrupti multas difficultates parant, praesertim cum sine dubio non omnes codices adhuc collati sint. V. 7 codices praebent ποτὲ δ' εἰς ἔλαιον ἐρριμμένη κλδει, quae verba Diels correxit dubitanter (vide app. crit. in Sitzgsber. d. Berl. Ak. 1902, pagg. 542—43); cuius coniecturam in contextum recepi. — Vv. 8—10 et metrum claudicat et sententia. Codices enim haec exhibent: ποτὲ δὲ κλαίεται χάρει | ποτὲ δὲ κλαίει κρίνεται | ποτὲ δὲ κρίνεται θνήσκει | ποτὲ δὲ γίνεται ἀνέξοδος e. q. s. Quid poeta dicere voluerit, dubium non est; describuntur enim, ut 6—7, τὰ τῆς ψυχῆς παθήματα. Equidem quae tentavi, in contextum recepi; restitui dimetros anapaesto-creticos, quales apud Euripidem Andr. 279 et temporibus Alexandrinis repperimus puel. quer. 7—8. — V. 11 quod ab iambo incipit me non offendit; eandem enim licentiam Diophantus admisit in versu illo: σὲ γὰρ θεοὶ οἱ πανυπείροχοι (cf. annot. 17); eandem in paroemiaco Mesomedis repperi (εἰς Νέμ. 13): ζυγὸν μετὰ χεῖρα κρατοῦσα. Haec licentia Mesomedis aetate in paroemiaco orta est; postea in dimetrum anapaesto-iambicum transiit; vide infra pag. 53 sq. et annot. 25.

ex Euripidearum formarum imitatione ortae, sed novā quadam ratione formatae sunt. Huius novae rationis praeceptor Clemens Alexandrinus videtur fuisse; hic enim stichicum usum instituit monometrorum acatalectōrum, qui, si formis catalecticis inserebantur, synaphiam servabant, si soli incedebant, synaphiae vinculis liberati erant. Idem poeta, monometrorum compositione commotus, formarum catalecticarum usum ita mutavit, ut non iam dimetros catalecticos formaret, sed monometris integris varia membra metrica (— —, — — —, — —, alii etiam — — —) adiceret. — Haec nova ratio anapaestos adhibendi duas alias novitates ex se procreavit: monometrorum usus stichicus catalecticos monometros (— — —) formare poetas docuit; usus varia membra metrica cum monometris coniungendi poetas commovit, ut longiores formas anapaesticas in iambum exeuntes componerent, quam usque ad id tempus, Euripidis exemplum sequentes, adhibuerant.

Hic est anapaestorum usus, qualem e Graecis documentis usque ad medium circiter saeculum p. Chr. n. tertium cognoscere possumus. Restant pauca fragmenta Graeca, quae tractare hoc loco supersedeo, quippe quorum ars metrica Romanorum demum poetarum studiis cognitis aperta fieri possit. Tum etiam intellegemus, quali ex anapaestorum compositione monometri Clementis prodierint, quod ex earum formarum usu, quas adhuc tractavimus, non apparet.

Unum autem monumentum Graecum idque novissimum iam hoc capite tractare liceat, dico hymnum illum saeculi IV, qui ad baptismum decantabatur²⁴). Cuius ex arte metrica apparebit, Mesomedis aetate a poetis Graecis etiam e solis paroemiaticis carmina composita esse, quem usum cap. IV comprobabit imitatio Romana. Neque vero parvo circuitu opus erit, ut demonstremus, hymni nostri formam metricam e paroemiaco stichice adhibito evasisse. Qua de causa altius repetere mihi liceat.

Anacreonteum versum Mesomedis aetate pervulgatissimum fuisse anthologia Anacreonteorum indicat, quam illis temporibus ortam esse notum est. Anacreonteum et a duabus syllabis brevibus et ab una longa et ab una brevi oriri potest, ita ut habeat hanc formam: — — — —. Formarum similitudine factum est, ut Mesomedis aetate initii varietas ab Anacreonte in paroemiaticum transiret: — — — — —. Ab una syllaba brevi

²⁴) Pap. Amh. edd. Grenfell-Hunt, I 2 (pagg. 23—28).

Mesomedis hymni εἰς Νέμεσον v. 13 incipit: Ζυγὸν μετὰ χεῖρα κροτοῦσα²⁵⁾. Haec est altera ratio, qua paroemiacus per anacreonteum recentiore aetate commutatus est; alteram maiore demum digressionem praemissa cognoscemus.

Inde a Luciani et Mesomedis aetate accentus expiratorius qui vocatur veterem artem metricam paulatim commutare coepit. Ac primum quidem syllaba paenultima complurium versuum illis temporibus pervulgatorum, quae longa erat, accentu efferri coepta est. Quem usum praebet Babrius in choliambis, quorum metrum ultimum illa aetate ex iambo et trochaeo sive spondeo constare putabatur (◡ ◡ ◡)²⁶⁾, postea persaepe Nonnus in hexametris. Idem usus in paroemiis quoque celerrime percrebruit, quod ea monumenta, quae tractavimus, illustrant. In Luciani enim hymno in Podagrae laudem composito e duodecim paroemiis tantummodo sex paenultimam accentu efferunt, e Mesomedis septendecim iam tredecim, ex hymni Naassenorum paroemiis omnes quattuor. Hic usus paenultimam accentu efferendi in versus illos transiit nova arte compositos, quos in duobus hymnis Gregorius Nazianzenus adhibuit²⁷⁾. Versus bipertiti sunt; singulae partes plerumque septenas syllabas continent, quarum paenultima accentu edita est. Neque vero semi-versus desunt, qui de hac regula declinent; quorum plures priorem versuum locum obtinent. Quam rem demonstramus hac tabula:

I. In hymno de virginitate (100 versus):

	plus 7 syll. occur.	paenult. acc. non elata
in parte priore	34ies	35ies
in parte posteriore	7ies	bis

²⁵⁾ Cf. annot. 23. E paroemiaco haec licentia in dimetros anapaesto-iambicos transiit; cf. Dioph. II 8 et hymn. Naass. 11.

²⁶⁾ Mar. Victor. GL VI 81, 12: 'trochaeus pro iambo inducitur', 136, 13 sqq.: 'species trimetri scazontis ut non iambo sexto, sed spondeo pede aut trochaeo . . . terminetur'.

²⁷⁾ Hymnum de virginitate et hymnum vespertinum apparatu critico instructos edidit W. Meyer, Abhdlgn. d. Kgl. Bayr. Ak. d. Wiss., philos.-philol. Kl. 1886, pagg. 402—9. De arte metrica pauca disseruit F. Hanssen, Philol. 44 (1885), pagg. 228—35.

- 4,1 δυσι ῥήμασι μηκέτι λάλει.
 6,2 ζ[ή]τει ζωὴν ἵνα λάβῃ<ς>.
 8,1 θε(ε)ς ἤλυθε πολλὰ κομίσας,
 θανάτο[υ] τριτόπημα τελέσα[ς].
 9,2 εἰπὼν ὅτι νῶτα παρέχω
 ἵνα μὴ θαν[άτ]ω περιπέσῃ<ς>.
 11,3 λουτρὸν [τ]ὸ καθάρσιον ἔχει.
 18,1 σὺ θα[νῶν] ἵν' ἀνάστασιν ἴδῃς,
 σὺ τὸ φῶς ἵν' αἰώνι[ο]ν ἴδῃς,
 σὺ θεὸν] φωτῶν ἵνα λάβῃς.
 19,3 τὸ δὲ πῦρ φοβερὸν παρανόμοις.
 20,1 ὑπὸ τῇ[ν] χάριν ἦλθες ἀκόπως.
 22,2 χριστὸς καὶ στέμμαθ' ἀγίω[ν].

Paroemiacus non 'miurus' est 9, 1.: Ἰησοῦς ὁ παθὼν ἐπὶ τούτοις.
 E paroemiacis non miuris hanc licentiam novimus:

- 10,3 κἄλῃν ζωὴν ἵνα λάβῃς.
 14,2 ξένους κα<ι> μὴ δυν<α>μένους
 ξένιζε τὸ πῦρ ἵνα φύγῃς.
 17,2 ῥοπὴν ἵνα παντὶ παρέχῃ.

Haec nova consuetudo metrica disputationi nostrae finem facit.
 Nova aetas novas leges metricas constituit. Iam illis temporibus,
 quibus hymnus noster compositus est, sensus metricus, ut ita
 dicam, valde labefactatus erat. Quod compluribus rebus pro-
 babo. Saepius longa syllaba brevis locum obtinet:

- 5,1 ἔρχονταί τινες προβατίνοις.
 12,1 μείνας ἐπείράζετ' ἐν ὄρει.
 13,1 νῦν ἔργασαί κληρονομίας.
 20,2 ὑπάκουε πένησιν [αἰ]τουσιν.
 ὑπερηφά]νῳς μηκέτι λάλει.

Interdum non modo paenultima, sed etiam aliarum syllabarum
 brevem quantitatem accentus expiratorius longam reddidit:

- 5,2 ἐν σχήμασιν ἔσωθῇν λ[ύ]κοι.
 7,2 ἦν ἔμαθες ἐλπίδα κράτει.
 16,1 παισὶν δ' [ε]ὐὴγγέλιζε λέγων.
 24,2 ὧν ἔμαθες μηκέτι λάθῃ.

Summa negligentia hi versus constructi sunt:

- 1,3 ἀθά]νατὸν ζωὴν ἵνα λάβῃς.
 2,1 βαρὺν θεσμὸν ἐφῶγες ἀνόμου.
 11,2 λουσάμενός ἐνὶ τύποις.

Quas formas omnes novis formis quas modo tractavimus quasi cogentibus ortas esse nemo non intellegit.

Restat, ut monumenta anapaestica Latina quae supersunt tractemus. Qua re sine dubio nonnullis rebus adhuc obscuris et dubiis plus lucis afferetur, praecipue acatalectarum formarum usui.

Caput IV.

De Romanorum carminibus anapaesticis.

Ex imperii Romani temporibus primis inter monumenta anapaestica quae supersunt notissima sunt Senecae cantica anapaestica, quae constant e monometris formarum $\cup\cup\cup$ — per synaphiam connexis. Quod genus denuo occurrit saeculo quarto, quo Ausonius, et sexto, quo Luxorius et Boethius eo utuntur, arte metrica iam passim labefacta. Paroemiaci κατὰ στίχον adhibiti saeculo secundo occurrunt in Sereni Annianique reliquiis; anno circiter ducentesimo Hosidius in tragoedia illa cui nomen est Medea tria cantica paroemiaticis composuit; eundem usum praebent Ausonius, Prudentius, Martianus Capella, Boethius. Lapidibus incisa duo carmina inventa sunt, quae Buecheler-Riese ediderunt Anthol. Lat. II 2, n. 1523—24; tertium fragmentum Peiper affert in Ausonii editione pag. 56 annot.

Iam singulis formis suum locum concedamus in anapaestorum historia. Ac primum quidem de Senecae anapaestis agendum erit. De quibus quamquam cum alii tum Leo¹⁾ fusius disseruit, tamen neque origo neque natura eorum adhuc satis explicata est. Atque quaeritur imprimis, utrum Seneca in anapaestis componendis Graecos poetas imitatus sit, an ipse sibi usum suum constituerit. Quae res e formis ipsis demonstrari non potest, cum monumenta Graeca, quibus similis compositio exstare videtur, omnia recentiora sint et mutilata; explicatio potius ex usu atque doctrina artis metricae repetenda est, qualem apud Senecae aequales et Graecos et Romanos deprehendimus. — Altera quoque quaestio gravissima adhuc non soluta est, utrum Senecae carmina anapaestica e monometris composita sint an e dimetris an ex hypermetris. Leo cantica illa e dimetris et

¹⁾ De Senecae tragg. observv. critt. (1878), pag. 98 sqq. 'Die Composition der Chorlieder Senecas', Mus. Rhen. 52 A (1897), pagg. 509—18.

monometris constare docuit, nisus Etrusci codicis auctoritate, in quo dimetri continuo decurrerent monometris interrupti, qui, ut in Graecis carminibus paroemiaci, sententiae claudendae inservirent. Neque vero ea re, quod Seneca anapaestos eadem ratione disposuit, qua grammatici Alexandrini parodorum systemata²⁾, satis demonstratur poetam nostrum dimetros composuisse. Erunt certe qui existiment monometros a poeta nostro confectos esse; neque enim uniuscuiusque dimetri metrum prius a posteriore differt, cum in eiusdem dimetri diaeresi ne synaloepha quidem admissa sit, quae apud Graecos in parodorum anapaestis persaepe occurrit. Satis habeo Medae Euripideae locos notare, qui mihi primo obtutu occurrerunt: 101. 102. 105. 117. 118. 163. 174. 1096. 1099. 1109. 1395. 1398. 1405. 1417. Non aliter res se habet de fragmento Berolinensi³⁾:

- a 10 [σώ]ν πάντες, "Ομηρ', αἶνετ' ὃν ὕμνων
φύσιν ἡρώων λογάσιν μερόπων
παραδεξάμενοι μεγαλύνουσιν . . .
b 15 μετὰ παρθενικῶν παίδων ἰαχῆς
μέλος οἰμῶξας' ἱετ' ἐ[π'] ἀκτὰς
[συνμ]υρομένας δεσπότης ἢ πρ[ι]ν
σκήπτρων ἀρχ]ός, . . .

Eandem licentiam Varro⁴⁾ adhibet, cum systemata format:

92,5 altus in obliquo aethere Lunae.
123,3 pectore fluctanti, intonsa coma,
sordida vestitu, ore severo.

Neque vero hac re Senecae compositio qualis fuerit facilius intellegitur; quippe qui ne in asclepiadeis quidem versibus diaeresin per synaloepham mitigari siverit⁵⁾. — Talibus difficultatibus cum iam in ipso Annaeano usu observando occurramus, Graecorum carminum, quae Seneca imitatus est, compositio quae fuerit haud facile intellegas. Quam tum demum perspiciemus, cum fusius explanaverimus, quibus rebus Senecae usus metrorum

²⁾ Cf. cap. II, pag. 33 et annot. 6.

³⁾ Cf. praefat, annot. 1.

⁴⁾ Petronius ed. Buecheler⁴ (1904), pagg. 165—226.

⁵⁾ Velut Herc. fur. 524 sqq.: ο Fortuna viris invida fortibus | quam non aequa bonis praemia dividis. | Eurystheus facili regnet in otio; | Alcmena genitus bella per omnia | monstris exagitet caeliferam manum. Praeterea Med. 93—109, Phaed. 753—60, 764—823, Thy. 122—75, Herc. Oet. 104—72.

anapaesticorum a ratione Graeca differat; nonnulla enim in canticis anapaesticis huius poetae occurrunt, quae nullo modo e Graeco usu sumere potuit, sed ipse sibi, ut poeta Latinus, videtur constituisse.

Primum igitur Senecam in anapaestis componendis Graecorum suae aetatis imitorem fuisse demonstrabo; deinde ea, quae Latini originis in canticis eius videntur esse, exhibebo; tum exemplorum illorum Graecorum rationem, quam amplexus est, illustrabo.

Seneca a Diomede in neotericorum quorundam sive novellorum poetarum numero commemoratur, cuius appellationis rationem G. Schultzius demonstrare conatus est⁶⁾. Qui neotericos sive novos poetas eos fuisse docuit, qui a Caesio Basso usque ad secundi saeculi finem fuissent novasque formas metricas invenire studuissent; quod ad studium illos esse commotos cum Caesii Bassi doctrina illa, qua usi poetae ipsi nova metra excogitare potuissent, tum Senecae exemplo, qui carmina polymetra ad Stoicae artis praecepta composuisset. Sollerter sane haec et acute disputata; quamquam vereor ut vera sint omnia. Senecam primum neotericum fuisse ego quoque concedo; novos poetas nova metra adhibuisse non nego; neque vero quisquam facile mihi persuadebit novos poetas novas has formas omnes ipsos excogitasse. Hoc enim — quod nos quidem scimus — solus Seneca in carminibus polymetris facere ausus est. Quod vero attinet ad reliquas formas a Seneca adhibitae et ad eas, quibus ceteri poetae utebantur, quos inter novos Diomedes alique enumerant, semper quaerendum est, num e Graecis illorum temporum exemplaribus novicia sua sumpserint. Quod argumentis utique confirmare nobis non licet, cum Graecorum versuum recentiora monumenta non multa tradita sint; tamen aliquot saltem metrorum supersunt exempla Graeca, quae cum Latinis istis comparari possunt.

Novos igitur poetas novandi studio paenultimam tetrametri dactylici syllabam brevem reliquisse huiusque usus ipsos auctores fuisse Schultzius dicit, testimonio usus Terentiani vv. 1992sqq.:

nam lyrici quotiens sua volunt
carmina per varios dare sonos,
pluribus illa modis ita novant.

⁶⁾ Herm. XXII (1887), pagg. 260—81.

Sed haec forma illis temporibus etiam apud Graecos pervulgata erat; exemplum est carmen Valentini ab Hippolyto servatum, quod Wilamowitzius tractavit ⁷⁾:

πάντα κρεμάμενα πνεύματι βλέπω,
πάντα δ' ὀχούμενα πνεύματι νοῶ,
σάρκα μὲν ἐκ ψυχῆς κρεμαμένην,
ψυχὴν δ' ἀέρος ἔξ ἐχομένην,
ἀέρα δ' ἔξ αἰθρῆς κρεμαμένην,
ἐκ δὲ βυθοῦ καρποὺς φερομένους,
ἐκ μήτρας δὲ βρέφος φερόμενον.

Habemus trimetrum dactylicum catalecticum in syllabam, cui adiectus est paeon. Alterum exemplum fortasse praebet fragmentum papyri, quod Oxyrhynchi repertum est ⁸⁾. Hanc igitur formam Romani non ipsi invenerunt, sed a Graecis acceperunt; nam quod versus forma probatur, idem iam similitudo argumenti et in Valentini carmine et in versibus a Terentiano allatis docet; carmen enim Valentinianum, quod Θέρος inscriptum fuisse Wilamowitzius coniecit, est de πνεύματος vi omnia procreante; atqui res rusticas Anniani versus illi notissimi tractant Terent. Maur. 2001—4:

quando flagella iugas, ita iuga,
vitis et ulmus uti simul eant:
nam nisi sint paribus fruticibus,
umbra necat teneras Amineas.

Spectant igitur ad agrorum fertilitatem. Denique Graecum huius metri originem fortasse etiam Victorinus testatur, qui tradit a pastoribus Calabris id metrum adhibitum esse; quare a Graecis Calabron appellari ⁹⁾. Unde Graecorum poetarum esse fetum

⁷⁾ Herm. XXXIV (1899), pag. 218 sq.

⁸⁾ Pap. Oxy. I, fgm. 15; cf. Gött. gel. Anz. 1898, pagg. 695—96.

⁹⁾ Haec Victorini de Calabris pastoribus verba mihi non plane digna videntur esse, quibus fidem habeamus. Si enim forma dactylo-paeonica adeo vulgaris erat, ut Calabri pastores cantica ex ea componerent, quo iure Terent. Maur. docuit (v. 1994) poetas hoc metrum 'novasse'? Mihi quidem haec de Calabrio metro doctrina Victoriniana orta videtur esse ex falsa lectione verbi Graeci κόλαβρος, qua voce Athenaeus duobus locis (IV 164 E, XV 697 C) cantica quaedam parva et, ut videtur, lasciva significat. Quibus in componendis cum persaepe metrum dactylo-paeonicum adhiberetur, hoc metrum κολάβριον appellatum esse persuasum habeo. Victorinus autem, aut is grammaticus, quem exscripsit, pro κολάβριον legit καλὰβριον, qua ex falsa lectione falsa doctrina orta

novandae artis studiosorum iudico, quamquam apud ipsos metricos nulla illius exstat memoria.

Aliter res se habet de hexametro miuro, quem scholia Hephaestionea tractant C 205, 3 et 290, 7 exemploque illustrant illo Homérico: 'Τρῶες δ' ἐρρίγησαν, ἐπεὶ (ὅπως 205, 3) ἴδον αἰολὸν ὄφιν', quem et ipsum versum Latine vertit Terentianus v. 1930: 'attoniti Troes viso serpente pavitant'. Hunc versum Latinum nihil ad hexametrum miurum pertinere Schultzius docet. Perturbavit enim iudicium viri docti, ut loco Terentiano quem supra attuli (v. 1994), terminus ille 'novitatis' v. 1922, ex quo a recentioribus poetis Latinis hanc formam novam inventam esse falso conclusit. Quam Romanos e Graeco illius aetatis usu sumpsisse cum Hephaestionis locus docet — nam quod Terentianus, ut Stoicus, hunc versum iambo claudi dicit (v. 1920), nihil valet ad sententiam meam infirmendam —, tum Lucian. Tragod. 312—24, quibus e versibus hexametrum miurum secundo saeculo Christiano versum popularem fuisse apparet¹⁰).

est. Mendosa lectio Latini grammatici quin in falsam Colabri interpretationem Graecam redeat ea de causa non dubito, quod Athen. XIV 631 D; ubi de κολαβρισμῷ agit, καταβρισμός scribit, cum Pollux IV.100 rectam lectionem praebeat. Etiam Graecus igitur auctor mendosam verbi lectionem e falsa rei interpretatione ortam probavit; qua de causa Athenaei contextum mutare — quod fecit Kaibelius Pollucis lectione nixus — nullo modo licet.

¹⁰) Alia quoque observatio demonstrat versus Latinos ad usum Graecum conformatos, non a Stoicis Latinis inventos esse. Latinorum enim versuum verbum postremum nisi bisyllabum est, ultimi pedis accentus vehementissime abhorret a vocis pronuntiatione Latina (verborum enim plus duas syllabas continentium si paenultima brevis est, antepaenultima accentu effertur (—)). Hoc e Terentiani versibus 12 accidit 7, quin etiam versui 1930, quo Graecus ille versus miurus Latine vertitur. Contra Graeci versus semper fere paenultimam syllabam accentu efferunt, quod etiam in fragmento illo Oxyrhynchio (pap. Oxy. I 15) cognoscas, sive hexametri sunt hi versus sive tetrametri (supra annot. 8):

col. I v. 3 sqq.:]ουσι χιόνες
.]ον δ' ὑπερέχειν
.]ν ἥσυχον Ἄρης
.]υς οὔτε νεμέσει
.]ι με νόμοι
.]ᾄσματα λύραι

Qua ex re satis apparet poetas Latinos hos versus non ipsos invenisse, sed a Graecis accepisse, quorum linguae dactylorum leges accommodatae erant.

Quae cum ita sint, novae illae formae, quas metrici Latini commemorant, ex parte quidem versus Graecis illorum temporum révera usitati erant, e quibus Romani, cum carmina veteribus formis pangere non iam satis haberent, nova cantica formabant¹¹⁾. Denique eadem est res de paroemiaco, ex quo illa aetate Graeca carmina stichice composita esse pap. Amh. nos docuit (cap. III, pag. 53). De hoc versu Terent. Maur. vv. 1816—22 haec habet:

atque ille poeta Faliscus,
cum ludicra carmina pangit,
'uva, uva sum, et uva Falerna,
et ter feror et quater anno':
libro quoque dixit eodem
'undae unde colonus eoae
a flumine venit Oronti'.

Poetam Faliscum, si Terent. Maur. 1998sq. cum Aphthon. GL VI 122, 12sq. conferes, Annianum fuisse facile tibi persuadebis. Annianus igitur in eodem libro, quo res rusticas versu illo dactylo-paeonico tractavit, etiam paroemiacum stichice ita adhibuit, ut ex eo solo carmina conficeret. Annianum autem neotericum poetam appellatum esse scimus¹²⁾.

Senecam in neotericorum numero a Diomede commemorari supra diximus (pag. 59). Quam neoterici appellationem Senecae a grammatico etiam propter anapaestorum usum tributam esse choricon illud mihi probare videtur, quod Apocolocyntosi continetur¹³⁾. Hoc carmine, quod ex eisdem formis anapaesticis constat, e quibus chori tragoediarum, mors Claudii imperatoris παραπαρῳδιστὶ deploratur: qua re imitatio tragicorum illorum anapaestorum ridiculissima fit. Atqui v. 56 haec legimus:

vosque poetae lugete novi.

Haec vox sine dubio ad eos poetas spectat, qui illis temporibus mortem virorum clarorum anapaestis celebrabant, atque hos versus ad commiserationem maxime idoneos fuisse e Senecae Troadum carmine commatico illo (v. 67sq.) apparet. Opinor equidem huiusmodi carmina ipsa illa aetate pernotescere coepisse; ipsam enim novitatem causam fuisse, cur a Seneca quasi per

¹¹⁾ De termino illo 'novitatis' quae habeo commemoranda, cap. V absolvam (pag. 84 sq.).

¹²⁾ Cf. G. Schultz, Herm. XXII (1887), pag. 277.

¹³⁾ Petronius ed. Buecheler⁴ (1904), pag. 236sq.

ludibrium adhiberentur, ut fere omnia nova homines ridiculum in modum imitantes irridere solent. Eundem in modum novis formis Euripideis Aristophanem, dimetris anapaesto-iambicis Lucianum in Tragodopodagra usum esse intelleximus. Ut igitur Annianus eiusque aequales alterius saeculi poetae, qui Graecam anapaestorum artem imitarentur, novelli vel neoterici audiebant ita Seneca, cum ipse quoque Graecos in hoc artis loco sequeretur, novi poetae nomen tulit.

Ut summam faciam: testimoniis quae attuli Senecam poetas Graecos suae aetatis imitari comprobasse mihi videor. Si tamen est, ut animo cuidam religiosiori scrupellos reliquerim, eos cap. V me exempturum esse spero. Venio nunc a Seneca anxio Graecorum imitatore ad Senecam in arte Graeca metrorum novatorem. Differt enim ratio huius poetae a Graecis ea re, quod apud eum forma adonea vim quandam occupat, quam apud Graecos nunquam obtinere potuit.

Quinque formas monometrorum legitimas Seneca adhibet: — — — — et — — — —¹⁴⁾. Quas poetae Graeci, prout versuum ratio vel verborum quantitates ferebant, adhibere ita solebant, ut singulis anapaestorum formis diversitatem sententiae nullam subicerent. Ita etiam adoneum non nisi variandi causa anapaestis immiscuerunt, id quod Diomedes testari videtur, qui postquam GL I 511, 24 Sen. Med. 301 attulit, ita pergit: *admisceat huic propter gratiam varietatis dimeter herous. nam tale est 'qui freta primus' quale 'terrui urbem'*. Recte hic Senecam protulit testem; nam etiam Senecam hoc variandi studio incitatum adoneum inter anapaestos posuisse certum est; at idem poeta saepissime aliis causis adductus est, ut simplicium anapaestorum ordinem adoneo interrumpere. Quae causae ex arte metrica linguae Latinae propria ortae erant. Romani enim in arte metrica verborum accentuationem observare nunquam destiterant, ut quae antiquissimis temporibus quasi norma versuum componendorum eis esset¹⁵⁾. Graecorum ars metrica ab Ennii aetate apud Romanos exulta minuere quidem vim vetustioris valuit, non delere. Cuius rei praeter legem brevium

¹⁴⁾ Ter admisit formam — — — —, Herc. fur. 1063, Herc. Oet. 186, 1883, semel Octaviae auctor v. 646; eandem licentiam admisit inter Graecos Clem. Alex. v. 51 πνεύματι ὑποσέφῃ. Qua re id, quod de formis legitimis supra diximus (cap. II, pag. 31 et annot. 13), non redarguitur.

¹⁵⁾ Cf. Norden, Antike Kunstprosa I 156 sqq.

breviantium quae dicitur verborum adornatio in hexametro observata luculentissimum testimonium est. Quamvis enim qualitas syllabarum et quantitas in primis quattuor pedibus dissentiant, concinunt in ultimis duobus, qui adoneum formant¹⁶). Contra in adoneis inter anapaestos receptis ictui versus cum vocis accentu discordiam, qua maior cogitari vix potest, oriri necesse est. Nam apud Romanos et verborum et versuum accentus expiratoriae naturae sunt, unde fit, ut iuxta positi inter se oppugnent et alter alterius vim quasi infringere studeat. Apud Graecos, ut qui diversis illis accentibus utantur — nempe sermonis chromatico quem dicunt, versuum expiratorio — collisio duorum accentuum paris naturae fieri omnino non potest. Quare adoneus Graecis insertus anapaestis nihil insoliti nec duri habebat; in re metrica Latina idem inter anapaestos admissus miram quandam vim vel etiam violentiam auribus atque sensui adfert. Maxime igitur idoneus hic adoneus erat, quo poetae uterentur et ad describendam animi commotionem et ad aures legentium ipsa metri insolentia perfringendas et pelliciendas. Observantibus nobis hanc singularem linguae Latinae condicionem non mirum videri potest, quod praeter Graecum illum adoneorum usum, qui variandae dictioni inservit, alius apud Senecam invenitur isque duplex, prout adonei anapaestis aut mediis immiscentur aut exeuntibus subiciuntur. Atque de immixtis illis adoneis haec praedicare licet: eis locis, quibus res magnae tractantur, quibus animos audientium permoveri poeta volebat, adonei occurrunt iterati; praecipue ad rem gravem quandam aut flebilem aut terribilem describendam adhibentur¹⁷). Alia autem virtus eorum adoneorum qui clausulae locum tenent videtur esse; ita enim clausulam adoneam Seneca adornavit, ut ea longo ordini metrorum vere anapaesticorum addita aut totius sententiae finem indicet aut partem sententiae

¹⁶) Cf. Corssen, Aussprache, Vokalismus und Betonung d. lat. Sprache (1870) II, pag. 969 sqq., et Gleditsch, Metrik d. Griechen und Römer (1901), pag. 287.

¹⁷) Non ignoro et Graecos poetas dactylos inter anapaestos saepe rei alicuius gravioris extollendae causa adhibuisse, quod praecipue Euripides facere solebat, recentioribus temporibus velut Porphyrius in versibus illis quos infra afferam (pag. 75) ἵστ' αὖτ' ἐν γὰρ sqq. Sed hic usus adventicius erat ut ita dicam, neque cum industria quaerebatur. Quod attinet ad Plantum, dactylos admittit, ut fors fert, quibus nullam vim παθητικῶν subicit.

urat serpens flamma medullas.
ignis fulvo clusus in auro
latet obscurus, quem mihi caeli
qui furta luit viscere feto
dedit et docuit condere vires
arte, Prometheus.

Agam. 64: non sic Libycis syrtibus
aequor
furit alternos volvere fluctus,
non Euxini turget ab imis
commota vadis unda nivali
vicina polo,

Thy. 926: magnum, ex alto
culmine lapsum stabilem in plano
figere gressum; magnum, ingenti
strage malorum pressum fracti
pondera regni non inflexa
cervice pati . . .

Herc. Oet. 658: coniunx modico
nupta marito
non disposito clara monili
gestat pelagi dona rubentis,
nec gemmiferas detrahit aures
lapis Eoa lectus in unda,

Eandem compositionem reperias Herc. fur. 185, 1079, Med. 798, Thy. 806, 838, Herc. Oet. 693, 1157; quam saeculo quarto Boethius stichice imitatus est (cf. infra pag. 75).

Non pluribus exemplis opus est, quibus demonstretur differentiam magnam intercedere inter adonei usum Graecum et Annaeanum, quae etiam eis locis persaepe elucet, quibus adoneus Graeco illo munere variandi fungitur, id quod exempla quae postrema attulimus docuerunt. Haec vero differentia fluxit e diversa arte metrica Graeca et Latina, inservit autem adoneus Annaeanus praeter Graecam illam metrorum variationem conformationi sententiarum et affectuum descriptioni. Quare Senecam nova adoneorum ratione usum etiam in singulorum metrorum sive monometrorum compositione plura novasse nemo mirabitur. Et Seneca in adornanda synaphia quamquam Graecorum se sectatorem esse minime dissimulat, tamen a severa Graecorum ratione recessit, cum in fine adoneorum liberiores et syllabae ancipitis et hiatus usum sibi concederet.

Seneca¹⁹⁾ 82^{ies} synaphiam neglexit; 34^{ies} syllabam ancipitem admisit, 34^{ies} hiatum, syllabam ancipitem una cum hiatu 14^{ies}.

Ac primum quidem eos locos tractemus, quibus exstat syllaba anceps. Quae in fine comprehensionis occurrit 20^{ies}, in levioribus sententiarum incisis 8^{ies}, in media sententia 6^{ies}. Quo in usu quid Graecis debeat exemplis, quid ipse novarit Seneca si quaerimus, adonei ratio illa adhibendi Annaeana duplex, quam supra cognovimus, nobis respicienda est. In sententiarum fine et in levioribus incisis Seneca post formas vere anapae-

¹⁹⁾ Octaviam postea (pag. 71) tractabo.

sticas (— — —) ultimam syllabam brevem reliquit 10^{ies} 20); qua ex re intellegitur etiam in exemplaribus Graecis syllabam ancipitem in fine comprehensionum admissam esse. Qui usus quod apud poetam Latinum saepius post adoneum occurrit (18^{ies} 21), nemo mirabitur, qui adoneum saepissime apud Senecam clausulae munere fungi intellexerit. — In media autem sententia syllabam ancipitem Seneca post formas anapaesticas nunquam tulit, sed nisi post adoneum non admisit²²⁾. Quod sine dubio non ita esset, si etiam Graecis exemplaribus hic usus proprius fuisset. Hic dicat quispiam Senecam, ut adoneo in media sententia admisso Graecorum usum secutus sit, qui variandi gratia eum ceteris formis immiscuerint, ita etiam syllabae ancipitis in media sententia admissae licentia Graecorum sectatorem fuisse. Hanc argumentationem equidem refello. Ut enim vim illam παθητικήν, quam poeta Latinus adoneis dederat, a finibus comprehensionum in medias sententias transtulit, ubi nulli rei inserviebant nisi variationi (cf. supra pag. 68), ita syllabam ancipitem, qua vis adonei etiam augebatur, una cum adoneo transtulit in medias sententias. Ea igitur re Seneca novavit, quod syllabam ancipitem post adoneos etiam in mediis comprehensionibus admisit. Hanc nostram argumentationem veram esse eis locis probatur, quibus syllaba anceps una cum hiato admissa est. Quae licentia in fine sententiarum occurrit post adoneum septies, post — — — quater²³⁾, in levioribus incisis modo Agam. 395 post adoneum, in media sententia Agam. 79 et Herc. Oet. 1989 post adoneos.

Hiatum quoque nisi in sententiarum incisis apud Graecos poetas non adhibitum esse certum reddit Senecae imitatio, qui eum in fine comprehensionis aut in levioribus incisis admisit

²⁰⁾ In sententiarum fine Herc. fur. 1134; Tro. 131, 720; Phaed. 30, 43; Thy. 881; Herc. Oet. 1913, 1918. In levioribus incisis Tro. 724; Thy. 832.

²¹⁾ In sententiarum fine Tro. 78, 103, 141, 731; Med. 372; Oed. 158; Agam. 347; Phaed. 347, 988; Thy. 868, 877, 878. In levioribus incisis Herc. fur. 1056; Oed. 186; Agam. 88, 368; Herc. Oet. 678, 1211.

²²⁾ Herc. fur. 170; Agam. 85, 104, 398; Herc. Oet. 594, 1281. — Herc. Oet. 181, ubi post veros anapaestos syllaba anceps exstat: 'pariter cuncta | deflere iuvat' sine dubio corruptus est; probo Richteri coniecturam: 'pariter cuncta <a> deflere iuvat'.

²³⁾ Post adoneum Herc. fur. 158, 1081; Tro. 95, 97; Agam. 646, 843, 859. Post ceteras formas Med. 832; Phaed. 1143; Agam. 61; Herc. Oet. 177.

32^{ies 24)}, in media sententia modo Thy. 948 et Herc. Oet. 598. Quam novitatem qua de causa tam raro adhibuerit si quaeras, iterum adonei vis παθητική, qua Annaeus hanc formam exornavit, respicienda est. Cum enim syllaba anceps vim adonei augeret, ita ut saepius eam adhibere poeta non sine causa studeret, hiatu aures audientium non vehementer percellebantur. Itaque in hiatus usu Graecam legem sequi Seneca satis habuit, nihil novi excogitavit, sed duobus illis locis casu magis quam industria synaphiam laesit, quod etiam ea re verisimile redditur, quod altero loco (Herc. Oet. 598) etiam post formam non adoneam hiatus admisit.

Seneca igitur synaphiae neglegendae licentiam, quam Graeci modo in fine comprehensionis et nonnunquam in levioribus sententiarum incisis admiserunt, una cum adonei violentia, quam ipse huic formae dederat, a fine comprehensionum in medias sententias transtulit. Hanc Annaeanam novitatem Octaviae auctor magna voluptate suscepit. Cum enim Seneca ipse ex 82 locis modo decies in media comprehensione synaphiam neglexerit (14^{o/o}), Octaviae auctor e 51 locis 13^{ies} eandem licentiam praebet (34^{o/o})²⁵⁾. Sed nunquam poeta in media sententia syllabam ancipitem tulit post formam non adoneam²⁶⁾, qua re in legem a Graecis ipsis de synaphia constitutam sine causa peccavisset²⁷⁾.

²⁴⁾ In fine comprehensionis post adoneum Herc. fur. 168, 171, 1095; Phaed. 34, 53, 80, 350; Agam. 381, 652; Thy. 820; Herc. Oet. 210, 1891. Post — — — — Tro. 115, 706, 728; Med. 827; Phaed. 8, 337; Oed. 986; Thy. 958; Herc. Oet. 1878. In levioribus incisis post adoneum Tro. 108; Med. 342, 828, 965; Agam. 327; Thy. 849; Herc. Oet. 1924. Post ceteras formas Herc. fur. 1113; Med. 348; Agam. 68; Herc. Oet. 222.

²⁵⁾ Syllabam ancipitem notavi in fine comprehensionis post adoneum 71, 309, 330, 777, 806, post — — — — 316, 319, 662, 675, 907; in levioribus incisis post adoneum 28, 62, 331, 655, 768, 809, 955, post — — — — 67, 204. Syllaba anceps una cum hiatu occurrit in fine comprehensionis post adoneum 17, 334, 370, 668, post — — — — 4, 323; in levioribus incisis modo post adoneum 936, 976. Hiatus admissus est in fine comprehensionis post adoneum 88, 97, 685, post — — — — 658, 813, 969, 978; in levioribus incisis post adoneum 21, 206, post — — — — 687, 778. In media sententia syllaba anceps occurrit octies (26, 94, 306, 320, 342, 899, 965, 979), syllaba anceps una cum hiatu bis (336, 362), hiatus post adoneum bis (16, 897), post — — — — 374.

²⁶⁾ De v. 374, quo hiatus post puros anapaestos in media sententia exstat, cf. quod de Herc. Oet. 598 supra diximus.

²⁷⁾ Non me fugit etiam inter singulas fabulas, quae Annaeanae traduntur, magnam differentiam rationis anapaestica cantica conficiendi

Iam a Seneca Graecorum imitatore et novatore Latino nos convertamus ad ipsa exemplaria Graeca, quibus quales leges de synaphia constitutae fuerint ex usu Annaeano cognovimus. Ac primum quidem difficillimam illam quaestionem expediamus, utrum poetae Graeci, quos Seneca imitabatur, monometros stichice per synaphiam connexuerint, an dimetros, quibus interdum monometros inseruerint, quod de Seneca docuit Leo (cf. supra annot. 1), an hypermetra formaverit. Mihi quidem res in aperto videtur esse et ea, quae cap. III de anapaesticis recentiorum temporum formis intelleximus, respicienti, et ea, quae de adonei usu Annaeano modo disseruimus, memoria tenenti. Monometros stichicos, quippe quos primus composuerit Clemens Alexandrinus (supra pag. 49 sq.), Senecae exemplaria non adhibuerunt. Sed ne dimetros quidem poetas Graecos confecisse verisimile est; quod si fecissent, nullo modo Latinus ille usus adonei, quo ut clausula haec forma comprehensiones terminabat, oriri potuisset. Saepe enim adoneus, ubi clausulae sine dubio munere fungitur, priorem dimetri locum tenet²⁸⁾; clausulam autem in medio versu adhiberi posse si quis putat, insanit. Itaque nemini dubium erit, quin poetae Graeci, quos Seneca imitabatur, hypermetra composuerint e metris anapaesticis formarum $\cup\cup\cup\cup$. Quod qui persuasum habebit, intellet et quo modo lex illa Graeca oriri potuerit, quae syllabam ancipitem hiatumve nisi in fine complexionum adhiberi vetabat, et usus adonei Annaeanus, quo haec forma ut clausula finem comprehensionis significabat.

Duae restant res, quibus peractis totam huius formae anapaesticae naturam notam habebimus. Inquirendum enim est, num Graeca huius usus monumenta exstent, et unde poetae Graeci, quos Seneca imitatus est, novam rationem compositionis hypermetricae sumpserint investigandum.

Graecum hypermetrorum anapaesticorum monumentum unicum superest, et ipsum quoque recentioris aetatis mala imitatione corruptum. Julianus enim in Caesarum convivio²⁹⁾ cantilenam composuit, cuius exemplum erat canticum, quo praeco intercedere. Praecipue Agamemno, Thyestes, Hercules Oetaeus et adonei usum Annaeanum et synaphiae neglegentiam multo frequentiore praebent et perfectiorem, quam ceterae tragoediae. Qua de re hoc loco fusius disserere longum est, praesertim cum non spectet ad Graecum usum intellegendum.

²⁸⁾ Velut Herc. fur. 1088; Phaed. 344; Agam. 643; Thy. 928.

²⁹⁾ Julianus rec. Hertlein 1875/6, pag. 409—411.

ludorum gymniconum initium renuntiare solebat. Hoc canticum iam secundo saeculo exstitisse Pseudo-Lucianus in *Demonactis vita*³⁰⁾ testatur, qui *Demonactem* morientem haec facit pronuntiantem:

λήγει μὲν ἀγῶν τῶν καλλίστων
ἀθλων ταμίας, καιρός τε καλεῖ
μηκέτι μέλλειν.

Hoc carmen paroemiaco caruisse Juliani imitatio verisimile reddit, quamquam hic synaphia saepius falso loco admissa usui Clementiano monometros componendi appropinquavit; v. 17—18 enim bis syllaba anceps occurrit in media sententia:

ἴτ', ἐς ἀντίπαλον
ἵστασθε κρίσιν,
οἷς τε φρόνησιν . . .;

v. 10. eadem licentia admissa est:

οἱ πρὶν βασιλεῖς ἔθνεα πολλὰ
δουλωσάμενοι . . .

Hic usus syllabae ancipitis sine dubio licentia est recentiorum temporum; ei poetae Graeci, quos Seneca sequebatur, nisi in fine complexionum synaphiam non neglexerunt; quam legem etiam Clemens Alexandrinus observavit, qui cum vv. 11—25 monometros stichice componeret, tamen neque syllabam ancipitem admisit neque hiatum, sed legem hypermetris constitutam in monometrica compositione servavit³¹⁾.

Iam investigemus, unde Graeci poetae, quos Seneca imitatus est, novam rationem anapaestos componendi sumpserint. Hac in re Fridericus Leo nobis auxilio venit, qui *Mus. Rhen.* vol. 52^A (1897), pagg. 509—518 alia ratione atque ego demonstravit Senecam suae aetatis poetas Graecos imitatum esse. Comparat enim Senecae artem cantica conficiendi cum monodiis Euripideis, quorum compositionem tragicos poetas Graecos iam aetate Alexandrina imitados esse ex fragmento Grenfelliano et e Plautinis canticis cognitum est. Eandem artem Seneca adhibuit, ita ut hunc poetam Graecos poetas tragicos suae aetatis imitari apertum fiat. Quod de polymetris carminibus prima lectione manifestum est. Quorum usus anapaestorum, velut

³⁰⁾ Lucianus ed. Jacobitz 1877, vol. II, pag. 206.

³¹⁾ V. 6, ubi synaphia neglecta est, sententiae pars terminatur: τοὺς σοὺς ἀφελεῖς | παῖδας ἀχειρῶν, | αἰνεῖν ἀγίως . . . Χριστόν.

Phaed. 1123sq., simillimus est ei, quem in Euripidis monodiis observavimus, nisi quod anapaesti apud Senecam frequentiores adhibentur. Talia autem polymetra tum etiam apud Graecos nota fuisse 'Ara' Besantini et fragmentum Ptolemaënsē (pag. 45) certum reddunt. Graeci igitur poetae primo saeculo Christiano sine dubio hypermetra anapaestica, quae usque ad id tempus aut parciore aut frequentiora inter alienas formas lyricas adhibuerant, tum separaverunt et carmina ex eis solis composuerunt. Secundo saeculo dimeter ille diaeresi carens inter monometros receptus est, qua re hypermetra e dimetris et monometris orta sunt, quorum monumentum praestantissimum hymnus ille Philostratus εἰς Θέτιν praebet. Clemens autem primum hypermetra e monometris composita mutavit in monometros per synaphiam connexos, tum, synaphia sublata, e versibus monometricis carmina pangere suae aetatis poetas docuit.

Haec sunt, quae de hypermetris anapaesticis dicenda habeo. Adiciam nonnullorum monumentorum Graecorum et Latinorum tractationem, quorum ars metrica adhuc dubia erat. Fragmentum hymni εἰς Δία ab Aristide 47, 30 traditum utrum ex hypermetris constiterit an systemata formaverit paroemiaco absoluta³²⁾, dubium est, cum perpauca modo supersint:

Δία τὸν πάντων ὕπατον κλήζω . . .
πολύ γὰρ πολύ μοι τὸ μέσον βίτου
μέλπειν τε θεοὺς ἐν τ' εὐφροσύναις
ἦτορ λαίβειν ὑπὸ παιδονόμῳ
τοιῶδε . . .³³⁾

Porphyrii³⁴⁾ duo fragmenta hymni εἰς Ἀπόλλωνα utrum ex hypermetris constiterint an e monometris Synesianis valde dubites, cum synaphia persaepe corrupta sit. Equidem hymnum ex hypermetris compositum, synaphiam, ut in Juliani cantilena,

³²⁾ Neque enim illa aetate systemata formari desita sunt. Super sunt duo fragmenta hymni in Apollinem (Porphyrius ed. Nauck, pag. 61 et in librorum de philosophia ex oraculis haurienda fragmentis ed. G. Wolff, pag. 159), quae parodorum anapaestos imitari verisimile est, quamquam et hiatus semel occurrit in ipso systemate, neque omnia systemata — vixdum hac voce tales compositiones signare nobis licet — paroemiaco conclusa fuisse videntur. Sed hanc rem singularem iam in fragmento Berolinensi supra (pag. 29) observavimus.

³³⁾ τοιῶδ' ὑπὸ π. codd., traiecit Wilamowitzius.

³⁴⁾ Librorum de philosophia ex oraculis haurienda fragmenta ed. G. Wolff, pag. 125.

non iam diligenter observatam fuisse opinor, quod illa aetate, cum monometri in usu essent, facile fieri potuit:

ὦ μέγα πᾶσιν χάρμα βροτοῖσιν
ἀπὸ σῶν ἱερῶν ματέρος ἄγνᾶς
προθορῶν τοκετῶν . . .
ἀλλ' ὅτε Λατῶ
ὠδὶς ἱερὰ λάζετο πᾶσαν,
ὀροθυνομένων διδύμων τοκετῶν
ἐνδοθι σηκῶν, ἴστατο μὲν γὰ,
ἴστατο δ' ἄήρ, πᾶγνυτο νᾶσος,
πᾶγνυτο κῦμα·
ἀνὰ δ' ἐξέθορες μάντι Λυκωρεῦ,
τοξότα Φοῖβε,
κατὰ χρησμολάων, βασιλεῦ, τριπόδων. —

Quod attinet ad monumenta Latina, iam commemoravimus (supra pag. 69) Boethii³⁵) imitationem stichicam membrorum dimetricorum formae $\sim - \sim - | - \sim -$, quae iterata saepissime Seneca adhibuit. Sed Boethius persaepe — id quod neque Seneca-umquam admisit neque metrici scriptores probabant — ultimam syllabam metri prioris dissolvit, antecedentes aut longas formavit, aut primum quoque pedem dactylicum construxit, ita ut tetrametros dactylicos edidisse videatur: I 5, 16. 33. III 2, 11. 19. IV 6, 19. 26. V 3, 6. 13. 26. Raro in eodem metro dactylus anapaestum sequitur: III 2, 10. IV 6, 29. Uno loco (IV 6, 20) etiam posterius metrum in duas syllabas breves exit. — Apud Ausonium et Luxorium adonei frequentia tanta est tamque molesta, ut natura eius singularis, quam apud Senecam observavimus, plane evanuerit. Nam neque iam sententias claudit, neque argumento augendo inservit. Synaphia — quod praecipue apud Ausonium observavi — non iam certis locis certisque de causis soluta est, sed ubique, et post adoneum et post alias formas. Qua re fortasse monometrorum usum stichicum poetae imitari studebant. In altero carmine Ausonii (pag. 67 Peiper) quini monometri quasi strophas formant; alterum (pagg. 54 – 56) simillimum est Synesii hymnis. Non diligentior in anapaestorum compositione Luxorius est, qui, ut Boethius, in quantitatem syllabarum nonnunquam peccavit, velut Anthol. Lat. I 1, 322, 3: 'coniugis castae' et 357, 8: 'cui dedit plures'. Corruptae labentisque artis indicium etiam

³⁵) Boethius de consolatione philosophiae rec. R. Peiper (1871).

formarum paucitas est; nam praeter adoneum una forma — — — — — occurrit, semel (322, 4) — — — — —. — Magna illa adonei frequentia quibus de causis tum orta sit, facile intellegitur. Adoneos enim poetae Latini multo facilius formare poterant, quam monometros vere anapaesticos, quippe in quibus difficillima diaereseos post singula metra observatio esset. Iam Varroni anapaesti difficultatem parabant, quod spondei plurimi anapaestorum loco adhibiti demonstrant; sed cum Plautum secutus ubique pro anapaesto dactylum ponere Varro sibi concederet, res facilius perficiebatur. Monometros anapaesticos summa arte constructos primus atque solus e Romanis Seneca composuit; quem seriores, praeter Octaviae auctorem, nullo modo adaequabant. Contra dactyli facilius formabantur, quam anapaesti; quod hexametrorum usus Romanos docuerat; itaque, cum ultimam monometri syllabam longam dissolvere ex Senecae temporibus non iam liceret, adoneum adhibuerunt, qui syllabam ancipitem ubique ferebat, monometros anapaesticos raro formaverunt, sed, cum anapaestos adhibere volebant, paroemiacos praeferebant, qui diaeresi carebant et, cum hexametri usitatissimi pars essent, facillime formabantur.

Pauca adiciamus de hoc paroemiaco, ex quo carmina a poetis Graecis composita esse collectionis Amherstianae papyrus testatur. Quod quo tempore factum sit apparet ex imitatione Romana³⁶). A Sereno enim poeta Latino paroemiacum stichice adhibitum esse Diomedes testis est (GL I 514, 6—8). Hunc poetam medio fere saeculo secundo vixisse ex Terentiano Mauro verisimile fit. Hic enim grammaticus, quem sub finem saeculi secundi de re metrica scripsisse G. Schultzius l. c. docuit, Serenum 'nuper' carmina composuisse dicit v. 1891. Eadem igitur aetate, qua Lucianus et Mesomedes carmina dimetris anapaesto-iambicis et paroemiacis componebant, etiam e solis paroemiacis Graeci poetae cantilenas conficiebant.

³⁶) Cf. supra pag. 57. Romani paroemiacos multo liberius formabant, quam Graeci. Hi enim spondeos nisi in primo pede rarissime ferebant. Romani autem spondeos in primis duobus pedibus semper admittebant; tertium pedem purum relinquebant praeter Anthol. Lat. 1524, 1. Solus Prudentius ipsam Graecam elegantiam imitatus est in hymno ad exsequias defuncti (pag. 58 sqq. Dressel); qui nisi primo pede spondeos non recepit. Uno loco occurrit 'Ερασμονίδη Χαρίλαε', in Hosidii Medaeae v. 35: 'quid, o pulcherrima coniunx'. Eiusdem tragoediae duo versus, id quod grammaticorum praeceptis repugnat, alterum pedem dactylice formaverunt, 42: 'felix heu nimium felix' et 295: 'armatam facibus matrem'.

Hic paroemiaci usus stichicus mihi initium videtur esse studii illius stichicarum formarum anapaesticarum, quo poetas Graecos inde a medio saeculo altero Christiani aevi inflammatos esse cap. III vidimus. Paroemiacorum usum poetae e Tyrtaeo et Cratino ceperunt, quorum carmina tum nota fuisse Dio Chrysostomus testatur, qui or. II pag. 92 R Tyrtaei versus affert, et Hephaestio, qui 27, 3 C Cratini usum commemorat. Aliae quoque formae lyricorum veterum illa aetate denuo in usum venerunt, ut Anacreonteum et Hipponacteum (cf. pag. 53 sq.). Sed non modo e poetis lyricis, sed etiam e tragoediarum cantilenis poetae formas singulares sumebant stichiceque adhibebant, quod de forma illa dactylo-paeonica iam Wilamowitzius observavit Herm. XXXIV (1899), pag. 218 sq.; Sophocles enim ea usus est Oed. Col. 216—223, ego eam repperi Eur. Andr. 137. Praecipue autem anapaesticas formas poetae e tragoediarum partibus lyricis ceperunt, ad quas paroemiaci observatio Euripidei eos duxit. Quem cum ab Euripide populari modo, id est non clausulae munere fungentem, in canticis adhibitum, quin etiam, ut apud Tyrtaeum et Cratinum, iteratum viderent, alias formas, quae aut anapaestos continebant aut anapaestis similes erant, in eisdem canticis adhibitas invenirent, stichice eas, ut paroemiacum, componere constituerunt. Ita Luciani et Mesomedis usus ille ortus est, quem cap. III explanavimus.

Iam apparet, quantum intersit inter poetarum studia saeculi secundi et eorum poetarum, quos Seneca imitatus est. Ei enim poetae Graeci, qui Neronis temporibus anapaestica carmina pangebant, ex suae aetatis canticis polymetricis, in quibus et alia metra et anapaesti inerant, hypermetra anapaestica segregaverunt carminaque solis hypermetris construxerunt (supra pag. 74). At secundi saeculi poetae stichicas formas anapaesticas e vetustissimorum poetarum thesauro deprompterunt; quae quo rariores occurrebant, eo libentius adhibebantur. Hoc studium sine dubio ortum est ex antiquitatis amore illo, quo saeculo secundo cum Hadriani aequales tum Hadrianum ipsum flagrasse scimus⁸⁷⁾. Tamen saeculi primi et secundi poetas cognatione quadam inter se coniunctos fuisse cap. V intellegemus.

⁸⁷⁾ Illa aetate etiam threneticos quos vocamus anapaestos poetae hymnorum imitandos sibi proposuerunt, quod apparet ex Mesomedis versibus, qui antecedunt hymnum in Solem: εὐφαιμέτω πᾶς αἰθήρ κ. τ. λ. Eadem forma exstat in hymno in Attin composito, quem tradit Hippolytus (cf. Lyrici Graeci III⁴, pagg. 685—6): Ἀττίν κλήσω τὸν Πείης κ. τ. λ.

Iam ea colligamus, quae recentiorum temporum scriptores metrici de anapaestis dixerunt, qua re universa studia metrica poetarum et Graecorum et Latinorum, qui tum erant, plane aperta fient.

Caput V.

Metrici scriptores recentiorum temporum Alexandrini et Stoici quid de anapaestis docuerint.

Recentioris aetatis enchiridia metrica, quibus solis purae doctrinae metricae vestigia nobis traduntur, novorum temporum commutationes non paucas praebent; quippe quae, ubi Alexandrinam disciplinam reddunt, leges veteres atque bonas non modo non integras, sed etiam depravatas praebeant, ubi Stoicorum praecepta exhibent, in recentiorum poetarum studia metrica nonnunquam respiciant. Quas commutationes et novationes hoc capite tractabimus. Qua in re cum de auctoribus quaerere supervacaneum sit, de scriptoribus metricis ipsis, quo modo inter se cohaereant et quid alter alteri debeat, ut cap. II non disputabo, praesertim cum novi nihil addere possim. Satis habebo, ubi scriptorum metricorum verba afferre cogar, nomini grammaticorum, si fieri poterit, quo quisque ex fonte hauriat, uncis inclusum adicere.

Quibus rebus praepositis iam ad ipsam doctrinam metricam nos convertamus, quatenus ad anapaestorum condendorum rationem spectat. Ac primum quidem, ut capite altero, de Alexandrinis agam, tum de Stoicis.

Lex illa, qua in priore tantummodo metri anapaestici parte dactylo locus concessus est (pag. 31), quamquam a poetis observatur, tamen apud scriptores metricos recentiorum temporum oblivione obruta est. Nulla enim eius commemoratio apud metricos ex Alexandrina schola pendentes, qui quidem ad nos pervenerunt, exstat. Quod iure mireris, cum scholio illo Hephæstioneo (pag. 131, 20 sqq. C, vide cap. II, pag. 31) probetur legem istam re vera ab Alexandrinis fuisse constitutam, idemque ex enumeratione formarum, quae pro anapaestis adhibentur, colligi possit; quam integram servaverunt hi loci: schol. Heph. 275, 15—18 C (= Heliodorus): τὸ δὲ ἀναπαιστικὸν . . . κατὰ πᾶσαν χώραν δέχεται ἀδιαφόρως σπονδείον καὶ ἀνάπαιστον, σπανίως δὲ προκελευσματικόν, παρὰ δὲ τοῖς δραματοποιοῖς [καὶ ἱαμβόν] καὶ δάκτυλον, et fgm. Bob. GL VI 624, 23 sq. (Juba = Heliodorus): *anapaesticum metrum constat anapaesto et spondio indifferenter, et solutione anapaesti, proceleumatico pede et dactylo*. Utramque

lectionem ad eundem fontem redire verbum ἀδιαφόρως 'indifferententer' testatur. Verba καὶ ἴαμβον, quae etiam in contextu Hephaestioneo exstant, a Juba non lecta esse ex fragmento Bobiensi apparet. Itaque ne Heliodorum quidem ea scripsisse existimo. Quae qua re in contextum inciderint Trichae (= schol. Heph. = Heliod.) testimonio explicatur, qui 381, 19 C καὶ ἴαμβον non praebet, pergunt autem: τὸ δὲ Αἰολικὸν ἀναπαιστικόν, ὅπερ ἴαμβον δέχεται ἓνα ἐν τῇ ἀρχῇ. Haec verba cum scholiasta Hephaestioneus omitteret, tamen adiecta iambi voce idem exprimere conatus est; at cum falso loco additamentum insereret, sententiam non modo obscuravit, sed corripuit. — Hi porro auctores quamquam verbum ἀδιαφόρως omittunt, tamen in cetera doctrina cum locis allatis consentiunt: Heph. 24, 13—15 C: τὸ δὲ ἀναπαιστικὸν κατὰ πᾶσαν χώραν δέχεται σπονδαῖον ἀναπαιστον, σπανίως δὲ καὶ προκελευματικόν, παρὰ δὲ τοῖς δραματοποιοῖς καὶ δάκτυλον. Trich. 381, 16—19 C (= schol. Heph. = Heliod.): καὶ τὸ μὲν αὐτοῦ ἐστὶ τὸ καθαρὸν ἀναπαιστικόν, ὅπερ κατὰ πᾶσαν χώραν ἀναπαιστον δέχεται καὶ σπονδαῖον, σπανίως δὲ καὶ προκελευσματικόν, . . . καὶ δάκτυλον. Omnibus igitur locis indifferententer anapaestos et spondeos adhiberi docetur, raro proceleumaticum occurrere, apud poetas scaenicos etiam dactylum. Sed ea lex, qua doctrina Alexandrinorum de dactylo inter anapaestos admissio fusius explicabatur, quae excepit regulam de anapaestorum formis, apud recentiores metricos Alexandrinos nusquam exstat. Quam praebet Diomedes, qui GL I 504, 32 ita pergit (cf. cap. II, pag. 31): *sed dactylum nunquam recipit nisi in dextris pedibus* e. q. s. De quibus iam capite altero fusius egimus. — Plane oblivione obruta est lex de formarum diversitate apud Fortunatianum, qui haec docet (GL VI 285, 19—21): *recipit pedes, suum, scilicet anapaestum, dactylum et spondeum, raro et proceleumaticum: hos omnes omnibus in locis*. Denique ut omnia, quae de anapaestis dicta sunt, exhauriam, afferam Mallium Theodorum, qui GL VI 596, 1 sqq. omnino aliam doctrinam praebet; docet enim dactylum plane repulsandum esse, spondeum nunquam nisi primo loco adhibendum; qua in re sine dubio ad eas formas catalecticas spectabat, quae inde a medio saeculo secundo adhiberi coeptae sunt.

Haec de dactylis; venio ad legem de digessione anapaestorum, quae et ipsa recentioribus temporibus mutata est. Alexandrina enim aetate anapaestos semper κατὰ μέτρον digestos fuisse

supra vidimus (pag. 32). Atque ad hanc doctrinam etiam Aristidis Quintiliani hic locus respicit (I 23, pag. 32, 20—23 ed. Jahn): τὰ μὲν (scil. τῶν πρωτοτύπων) καθ' ἓνα βαίνεται πόδα καὶ προχωρεῖ σύνεγγυς κὼ χρόνων . . . , τὰ δὲ κατὰ διποδίαν ἢ συζυγίαν καὶ προχωρεῖ ἕως ἁ χρόνων ἢ ὀλίγῃ πλειόνων. Aliud docet Mar. Victor. GL VI 75, 26 sq.: *percutitur vero versus anapaesticus praecipue per dipodiam, interdum et per singulos pedes*. Quibus condicionibus anapaesti per singulos pedes, quibus per dipodiam percutiendi sint, nemo auctor tradit, quamquam Victorinus talia fere verbis suis addere debuit: "Si dactylus inter formas anapaesticas occurrit, anapaestici versus semper ad metrum percutiendi sunt, cum aliter χαυνότης illa vitari non possit" (cf. supra pag. 31). Hoc enim solummodo docebant, versus anapaesticos ad pedem percussos ἀπλοῦς appellari, versus ad metrum digestos συνθέτους; quod apparet ex Aristidis verbis, quae sequuntur ea quae modo descripsi (pag. 32, 23): τινὲς τὰ ὑπερβαίνοντα τὸ προειρημένον τῶν χρόνων πλήθος διαιροῦντες εἰς δύο σύνθετα προσηγόρευσαν. Itaque de anapaestis ipsis ita res se habet, ut legimus apud Aristidem pag. 34, 2—4: καὶ ὅτε μὲν ἐστὶν ἀπλοῦν (scil. τὸ ἀναπαιστικόν), καθ' ἓνα πόδα γίνεται, ὅτε δὲ σύνθετον, . . . κατὰ συζυγίαν ἢ διποδίαν. Cum novicia hac doctrina optime congruit Plotius Sacerdos, qui versus anapaesticos maxime varios enumerat satisque inepte interpretatur. Discernit versus simplices et duplices; illi κατὰ πόδα, hi κατὰ μέτρον digeruntur; illi solos anapaestos, hi etiam dactylos praebent (GL VI 531, 25 sqq.):

531, 25: dim. catal.: corruptus, sed dactylos continens.

532, 3: dim. acatal.: —υ|—||υ—|υ—;

iam tibi Mars in genibus recubans.

7: dim. dipygn. hypercat.: —υ|—||—υ|—υ||;

tu fueras formose puer fueras.

10: trim. acatal. simpl.: υ—|υ—|—;

Lacedaemona pastor flens.

13: dim. acatal. simpl.: υ—|υ—;

tribuit mihi lex.

25: tetram. acat. plen. archig.: υ—|υ—|υ—|υ—;

Chaos et Phlegethon loca nocte silent.

533, 5: tetram. brachyc. aristoph. dupl.: —υ|—||υ—|—||υ—
|υ—||υ—|υ—;

quidve dolens sic Veneris natus calamos calidos tibi mittit.

- 9: tetram. hypercat. diodor. simpl.: ∪∪-|∪∪-|∪∪-|∪∪-|∪;
Lalagen coleres specie rationis.
- 14: tetram. miur. simpl.: ∪∪-|∪∪-|∪∪-|∪-;
lapides mare turgidum eluens.
- 26: pentam. anap. catal. simpl.: ∪∪-|∪∪-|∪∪-|∪∪-|∪∪;
tuba terribilem sonitum procul aere dat.
- 30: tetram. brachycat. lacon. dupl.: -∪∪|-||∪∪-|-||∪∪-
 |∪∪-||-;

quidve dolens sic Veneris natus calamos calidos armas.

Vetustissima illa lex de digessione anapaestorum certe temporibus progredientibus ita conversa est, ut digessio anapaestorum κατὰ πόδα alteri percussioni vel praeferretur. Quod apparet ex Tricha, qui dicit anapaesticum metrum 'etiam' κατὰ διποδίαν percuti (382, 29 et 32 C), et praecipue ex Mallio Theodoro, qui GL VI 596 versus anapaesticos affert, quos omnes per singulos pedes percutit; velut v. 12: ... *ab hexametro ordimur. huius exemplum: 'alte superemicat Aetna poloque propinquat'. V. 23: versus pentameter anapaesticus colobos fit ita: 'tuba terribilis procul aere canoro'*. Quod cum facit, causam nobis aperit, cur dactylos omnino e metris anapaesticis exsulare iusserit (cf. supra pag. 79).

Tertio loco de diaeresi dicendum, quae est omnium verorum anapaestorum propria; sed verbis parcere licet, cum de ea legem unus Victorinus integram praebeat (cf. GL VI 77, 2 sqq.; supra cap. II, pag. 32). Atilius Fortunatianus quidem, qui ipse quoque diaeresin commemorat, haec docet GL VI 285, 15 sqq.: *huic* (scil. anapaestico metro) *naturale catholicum est partes orationis singulis pedibus terminare: hic enim versus optimus est, secundus ab optimo ille, qui συζυγίας parte orationis finit*. Sed mea sententia Atilius, quem de dactylica forma doctrinam plane depravasse modo vidimus (pag. 79), legem de diaeresi cum ea de anapaestorum digessione, qualis recentioribus temporibus erat constituta, confudit. Scriptores metrici, ut intelleximus, Atilii temporibus docebant anapaestos per singulos pedes percuti, interdum et per dipodias. Verbo 'percutere' Latini scriptores Graecum διαπεῖν vertebant, quod non idem est, quod 'per diaeresin seiungere'. Fortunatianus autem, omni sensu metrico expers, falso de diaeresi sermonem esse arbitratus est, cum haec fortasse legeret: διαπεῖται δὲ τὸ ἀναπαιστικὸν κατὰ πόδα, ἐνίοτε δὲ καὶ (cf. Trich. 382, 29. 32) κατὰ συζυγίαν.

Iam ad formas catalecticas accedamus. Paroemiacus, trimeter anapaesticus catalecticus, aristophaneum, quae a veteribus poetis Graecis persaepe adhibita erant, in melioribus libris metricis, qui supersunt, multis exemplis illustrantur. Ab Hephaestione autem non solum paroemiacus, sed etiam enoplius ille qui vocatur Ἐρασμονίδη Χαρίλαε catalecticis formis anapaesticis addictus est (pag. 27, 7—12 C). Quod a prioribus scriptoribus metricis non factum esse his de causis persuasum habeo. Alexandrini, ut vidimus cap. II, formas quasdam lyricas anapaestis similes pro anapaesticis versibus catalecticis habebant ea sola condicione, ut primus pes purus anapaestus esset (pag. 35). Maxima igitur diligentia primi pedis naturam respiciebant. Itaque Alexandrini, quamquam paroemiacum a longa syllaba incipientem pro anapaestico versu habuisse credendi sunt, tamen versum ab iambo incipientem certe nullo modo inter anapaesticos numerabant. Quod facillime fieri potuit secundo saeculo Christiano. Tum enim poetas ipsos, num paroemiaci primus pes iambus esset, nihil curasse cap. III vidimus (pag. 53). Hanc licentiam apud poetas recentiores ex usu anacreonteï ortam esse suspicari sumus, quod et a duabus syllabis brevibus, et ab una longa, et ab una brevi incipere poterat (— — — — —). Recentioris aetatis usus liberior etiam apud Hephaestionem elucet; qui non modo enoplium, ut modo dixi, inter versus anapaesticos commemorat, sed etiam (14, 9—13 C) telesilleum ἄδ' Ἀρτεμῖς, ὦ κόραι, quamquam a longa syllaba incipit, versum anapaesticum appellat, cum alio loco (35, 10—11 C) recte dimetrum ionicum agnoscat. — Trichas plura exempla formarum catalecticarum affert, quae ex Heliodoro non sumpta esse quantitas syllabarum saepe neglecta indicat; quamquam dubium esse non potest, quin inter artes deperditas fuerint, quae tales formas respicerent; alioquin enim Trichas de iis dixisse credendus non est. — Alter procedat Plotius Sacerdos, qui permultos versus anapaesticos ratione ineptissima deducit (GL VI 531, 25 sqq.; cf. supra pag. 80 sq.); cuius stultitia imprimis ea re apparet, quod formarum catalecticarum exemplis, quae ipse sibi finxit, dactyli continentur vel in metrorum pede posteriore, qui neque in tragoediis neque in recentiorum temporum monumentis admissi sunt. Affert autem tres terminos Graecos, quibus variae formae versuum non integrorum significantur: κολουρός, μειουρός, καταληκτικός; Mallius Theodorus (GL VI 596, 19) quartum addit: κολουρός. Denominatio autem versuum secundum

Sacerdotem ad ultimi pedis conformationem fit, prout una vel duae, vel longa vel breves syllabae omissae sunt (GL VI 533, 18—23). Supponamus exempli causa dimetri anapaestici figuram; erit igitur dimeter anapaesticus

κολουρός: ∪—∪—∪—∪[∪—];

κολοβός: ∪—∪—∪—[∪]—;

μειουρός: ∪—∪—∪—[∪]—;

καταληκτικός: ∪—∪—∪—∪[—].

Tali e doctrina quid proficias? Verba sunt, non quaestiones metricae. Id unum mentione dignum videtur, quod eam formam, quam anapaesto-iambicam in tragoedia Graeca appellabamus, Graeci, si ultima syllaba longa erat, miuram nuncupabant, si brevis, catalecticam. Quam distinctionem iam ab Alexandrinis constitutam esse non puto, cum Hephaestio pag. 14, 4—13 C telesilleum, quod in longam syllabam exit, non miurum, ut Sacerdos, sed hypercatalectum appellet. Praeterea Hephaestio ipse tradit dimetrum, quem colurum Sacerdos dicit, ab Alexandrinis καταληκτικὸν εἰς συλλαβὴν appellatum esse. Itaque dubium non est, quin recentioribus demum temporibus, cum ignorantiam artis dissimulare viri docti studebant, plura nomina iisdem rebus constituta sint.

Haec de Alexandrinis; iam ad Stoicos nos convertamus. Quorum de anapaestis annotationes recentiores eis rebus ab Alexandrinis differunt, quod neque ullam disciplinae corruptionem praebent, et ad poetarum suae aetatis studia respiciunt. Itaque eorum tractatione nonnulla, quae capitibus antecedentibus dubia relinquere coacti sumus, dilucidiora factum iri spes est.

Quamquam non desunt difficultates. Cum enim Alexandrina disciplina permultis tractatibus et Graecis et Latinis exstet, Stoicorum recentiorum praecepta metrica paucissima eaque tantummodo Latina nobis servata sunt, quamquam fragmento Oxyrhynchio invento¹⁾ iam constat non defuisse Graecos recentioribus temporibus, qui artem metricam ad Stoicam rationem tractarent. Latini autem scriptores metrici, qui supersunt, eis locis, quos cap. IV attuli, Latinos tantummodo poetas suorum temporum commemorant, nunquam Graecos. Itaque, si e praeceptis metricis Stoicorum recentiorum aliquid novi de Graecis illius aetatis poetis, quos Latini imitabantur, cognoscere

¹⁾ Pap. Oxy. II, fgm. 220. Nachr. d. Gött. Ges. d. Wiss., phil.-hist. Kl., 1899, pag. 495 sqq.

studemus, alii loci afferendi sunt, quibus grammatici Latini de Graecorum ipsorum studiis metricis aliquid tradunt.

Et exstant duo loci, quibus Graecorum poetarum recentiorum studia optime illustrantur. Quorum alterum reperias apud Diomedem, qui GL I 504, 35 sq. haec docet: *hoc metrum catalexin²⁾ facit aut in ionicò ἀπὸ μείζονος aut ἀπὸ ἐλάσσονος aut in molosso * aut in paeone quarto aut in choriambō*. Haec verba sine dubio e Graeca lingua in Latinam translata sunt; versus enim, quos Diomedes commemorat, magna ex parte a poetis Latinis omnino non formatos esse scimus: dimeter anapaesto-paeonicus et anapaesto-iambicus in cantilena Niloplotarum quae vocatur nobis occurrit; versus in ionicum ἀπὸ μείζονος desinens certe dimeter est anapaesto-iambicus, quem et ipsum Latini poetae nunquam adhibuerunt, Graeci recentioris aetatis saepissime. — De his auctoribus Graecis metra anapaestica varie claudere studentibus etiam Marius Victorinus agit GL VI 75, 16 sqq.: *nonnulli in ultima huius (scil. metri anapaestici) sede ionicum minorem recipiunt ea ratione, qua in fine metrum omne varie claudatur; dehinc quod etiam ab auctoribus studio novitatis quaedam adiciantur et detrahantur contra, quam ratio veteris disciplinae permittit*. Haec verba de ipsis poetis Graecis recentiorum temporum aliquid nos praecipere sinunt. Doctrinam esse Stoicam nemo non videt; sed id quoque ex his verbis apparet, ipsos poetas Graecos, quorum carmina anapaestica cap. III tractavimus, versus suos ad Stoicam rationem digessisse atque composuisse. Tradit enim hic grammaticus poetas 'studio novitatis quaedam adiecisse et detraxisse' contra, quam ratio veteris disciplinae permiserit, nonnullosque ionicum minorem recipere 'ea ratione, qua in fine metrum omne varie claudatur', quam rationem Stoicam esse supra vidimus (cap. II, pag. 38). Sed quaerendum est, quo iure hi poetae Stoici novas formas se composuisse autumaverint, cum eas ex antiquis exemplis sumerent. Quod qua ratione gloriati sint ex eis intellegitur, quae apud Terentianum Maurum de hexametro miuro dicta sunt, ex quo illis temporibus carmina composita esse scimus (v. 1920 sqq.): *dactylīci finem versus si cludat iambus, hoc est pro longa brevis ut paenultima fiat, auribus acciderit novitas inopina meleos*. Poetae

²⁾ De καταλήξεως appellatione, quam a Stoicorum disciplina alienam dicas, cf. Leo, Ein metrisches Fragment aus Oxyrhynchos, Nachr. d. Gött. Ges. d. Wiss., phil.-hist. Kl. 1899, pag. 504.

huius aetatis ex antiquis poetis formas singulares sumebant, quarum 'novitatem' admirabantur. 'Novae' igitur hae formae non ea de causa appellabantur, quod usque ad id tempus nondum adhibitae fuerant, sed quod earum compositio vulgaribus legibus metricis repugnabat. Idem docet Victorinus verbis quae modo attulimus: . . . *quaedam adiciantur et detrahantur contra, quam ratio veteris disciplinae permittit*. Recentioris aetatis poetae id unum novi addiderunt, quod ex eis formis, quae antea dispersae modo et rarae occurrerant, integra carmina conficiebant. Ita enim verba illa interpretanda esse mihi videntur, quibus Victorinus dimetrum anapaesticum diaeresi carentem commemorat (GL VI 77, 2 sqq.): *anapaesticum melos binis pedibus amat sensum includere . . . contra Pacuvius novare propositum volens noluit intra binos pedes, ut superius, finire sensum, sed secundum Euripidem dactylicum metrum, quod appellatur, induxit*. Euripides enim diaeresi neglecta novum aliquid induxit, sed raro adhibuit; Pacuvius hunc usum imitatus est; Graeci contra poetae secundi saeculi Christiani ex hoc versu tota carmina conficiebant.

Videmus igitur principatus Romani aetate studia illa denuo viguisse, quae aetatis Alexandrinae initio floruerant, cum poetae quidam, ut Glyco et Simias, aliquas formas e carminibus lyricis delibabant stichiceque adhibebant, qua re nomen suum immortalitati tradebant. Is autem usus, qualis primis saeculis Christianis instituebatur, propterea Stoicus agnoscendus est, quod eae formae praeferebantur, quae aliqua re inaudita — quam 'novitatem' appellabant Stoici Latini — legentium oculos in se convertebant. Hac de causa dimetros diaeresi carentes poetae construebant, qui usus verorum anapaestorum naturae vehementissime repugnabat; eadem de causa iam Senecae aetate hypermetra paroemiaco absoluta componere ausi sunt, quod antea ab ipsis Stoicorum praeceptis abhorruerat, cum Varro docuisset, metra nisi pedem alienum pro clausula reciperent, carmen confici non posse (GL I 512, 38—513, 3). Sed id ipsum Graeci ut novum admirabantur, quod nemo usque ad id tempus poetis licere putaverat. — Usum inauditum etiam in eis formis adamabant, in quibus clausula singularis, ut paeon, metrum anapaesticum sequebatur, praecipue autem in eo versu, quem brachycatalectum Alexandrini vocabant. Hanc formam Stoici, ut qui catalexin vulgo non agnoscerent, sine dubio ita digerebant, ut metro anapaestico unum anapaestum adiectum esse

dicerent³⁾. Haec quoque compositio antiquiori Stoicorum usui repugnauerat, cum alienos pedes metris adiciendos esse Stoici docuissent, in forma brachycatalecta anapaestus metrum anapaesticum clauderet. — Diaeresin quoque Stoici sine dubio 'novitatis' causa in catalecticas formas ex integris transtulerunt. Clemens autem hoc usu Stoicam doctrinam gravius exprimere voluit, cum demonstraret, quam varie metra anapaestica claudere Stoicis poetis liceret⁴⁾.

Sed novus usus poetas Stoicos etiam eam cupiditatem explere docuit, quae ut novas formas ipsi excogitarent (Caes. Bass. GL VI 271, 25) eos impellebat. Formam enim in Achillis hymno (cap. III, pag. 51) inventam, quae constat ex uno anapaesto et iambo, et hexapodiam et pentapodiam in Naassenorum hymno (pag. 51) adhibitam poetae ipsi sibi construxerunt, exemplo usi dimetro anapaesto-iambico. Postremus quoque versus in Niloplotarum quae vocatur cantilena, qui constat ex anapaestico monometro et choriambō (πελάγους καὶ Νείλου γονίμου), a Stoicis

³⁾ Haec Stoica digressio neminem fugit in Clementis hymni vv. 1—3 (pag. 48).

⁴⁾ Non silentio praetereundum puto, quo modo Marius Victorinus etiam Callimachum ea molientem inducit, quae moliri secundi saeculi Christiani poetas cognovimus, nempe ut metra anapaestica varie clauderent; haec enim de archebuleo dicit GL VI 75, 20 sqq., postquam de Stoica ratione metra varie claudendi disseruit: . . . *et iambus in clausula invenitur, et appellatur archebulium. at si trisyllabo sui dumtaxat generis terminetur, adaeque archebulium, sed integrum: nam prius, in quo iambus, ἀπόκροτον dicitur*. Haec verba ad Callimachum spectare inde apparet, quod ab hoc poeta metrum Archebuleum praecipue adhibitum esse scimus (cap. I, annot. 42). Eodem igitur studio novandi Callimachum inflammatum esse Victorinus docet, quo aevi Christiani poetas Graecos et Latinos arsisse ipsi cognovimus. Idem anonymus audet Oxyrhynchius, qui (Pap. Oxy. II 220, col. XI) Κρηναϊκόν commemorat, de quo egimus cap. I, annot. 42. Confirmatur igitur metricorum scriptorum testimoniis, iam multo antequam ei metrici scriptores, quos Stoicos vocare solemus, leges metricas constituere coeperunt, quibus multa nova excogitari posse autumabant (Caes. Bass. GL VI 271, 25), fuisse qui novis formis operam darent. Qui quales leges metricas secuti sint omnino nescimus; de anapaestis id opinari licet, digressionem κατὰ πόδα iam poetis Callimachi aetate viventibus non ignotam fuisse, teste Simia, qui in 'Ovo' suo, cuius versus nonnullos attuli cap. I (pag. 27 sq.), anapaestorum singulos pedes numeravit (cf. Wilamowitz, Textg. d. gr. Bukoliker, Philol. Unters. XVIII, pag. 250). Quam digressionem in recentioribus demum tractatibus metricis Alexandrinis denuo occurrere supra vidimus (pag. 80 sq.).

metra varie claudere studentibus recens formatus videtur esse⁵⁾. Quid dicam de paroemiaco miuro, cuius ad inventionem tempora ipsa quasi maxime idonea erant? Cum enim non modo inde a saeculo quarto, sed iam antea⁶⁾ versuum syllaba paenultima accentu efferri soleret, facillime dimetri anapaesto-paeonici (◡◡◡◡◡|◡◡◡◡) digressio anapaestica orta est, cum versum e tribus anapaestis et syllaba (◡◡◡,◡◡◡,◡◡◡,—) constare Stoici docerent.

Constat igitur primo saeculo Christiano et secundo Graecos poetas e polymetricis carminibus anapaesticas formas singulares sumpsisse Stoiceque digessisse et composuisse. Ex Romanis autem qui hos secuti sunt, ut Caesaris aetate imitatores Graecorum Latini, novi sive novelli sive neoterici vocabantur. Iam apparet poetas primi saeculi et secundi, quamvis aliis rebus inter se differant, ea tamen re coniunctos esse, quod utrique Stoicam disciplinam sequebantur, cum 'novitate', ut ait Terentianus, 'ducti', 'contra, quam ratio veteris disciplinae permittebat', anapaestica carmina pangerent.

Praeter ea, quae hoc opusculo tractavimus carmina, recentioribus temporibus etiam alia cantica anapaestica componebantur, quae Graeco nomine σκώμματα appellemus. Anapaestis enim et dominos odiosos exprobrationibus obruere homines solebant et inter mensas et pocula amicos per iocum illudere. Talia cantica a scriptoribus semper appellantur ἀνάπαιστα. Philo adv. Flacc. 537 Μ ψευδεῖς ῥήσεις δι' ἀναπαιστών commemorat, quibus cives

⁵⁾ Illis temporibus vere non defuisse, qui novas formas metricas Stoica ratione componere studerent, praecipue intellegitur ex fragmento Oxyrhynchio, quod nobis tractatum metricum Stoica ratione confectum tradit. Cuius auctor, qui primo circiter saeculo Christiano exeunte vixit, commentariolo metrico amicum aliquem novos versus componendi artem docere sibi proposuerat (Leo, Nachr. d. Gött. Ges. d. Wiss., phil.-hist. Kl. 1899, pag. 506). Alterum testem iam supra protulimus, cum Victorini verborum illorum de poetis nova arte anapaestos claudentibus mentionem feci (pag. 84). Victorinum Athonii vestigiis insistere constat; Athonius a Theomnesto quodam sive Thacomnesto doctrinam suam artis metricae Stoice tractandae repetivit (G. Schultz, Quibus auctoribus Aphthonius usus est, Vratisl. 1885). Theomnestus autem medio saeculo secundo vixit, i. e. eodem tempore, quo Lucianus et Mesomedes novas formas anapaesticas induxerunt. Quas novationes quo modo scriptores metrici silentio praeterire poterant? De quibus quae Theomnestus dixit, Victoriniano loco quem attuli exstare existimo.

⁶⁾ Vide Valentini carmen supra pag. 60, praeterea cap. III, pag. 54 sq. et cap. IV, annot. 10.

Alexandrini in Flaccum praefectum Aegypto a Tiberio Caesare invecti sint. Lucianus conviv. 18 scurram inducit convivas dictis suis delectantem: καὶ ἀνάπαιστα συγκροτῶν διεξήλθε . . . καὶ τέλος ἐπέσκωπτεν ἐς τοὺς παρόντας. Anapaestis scurra ad illudendos convivas usus videtur esse. Alciphr. opp. III 7 (ed. Schepers) convivae ipsi delectantur παρὰ μέρος ἀλλήλοις ἐπι-ραπίζοντες καὶ ἀνάπαιστα εὐκροτα ἐπιλέγοντες αὐτοσκωμμάτων ἀλυκῶν καὶ αὐτοχαρίτων ἀστεϊσμῶν αἰμυλίας γέμοντα. Tales igitur versus primo saeculo Christiano et secundo populares erant. Quorum forma qualis fuerit si quaerimus, auxilio venit Plutarchus, qui Hermippi comici ἀνάπαιστα affert in Periclem composita (Pericl. 33): ἐπεφύετο δὲ καὶ Κλέων ἤδη διὰ τῆς πρὸς ἐκείνον ὀργῆς τῶν πολιτῶν πορευόμενος ἐπὶ τὴν δημαγωγίαν, ὡς τὰν ἀπαιστα ταῦτα δηλοῖ ποιήσαντος Ἑρμίππου:

βασιλεῦ σατύρων, τί ποτ' οὐκ ἐθέλεις

δόρυ βαστάζειν, ἀλλὰ λόγους μὲν

περὶ τοῦ πολέμου δεινοὺς παρέχει,

ψυχὴν δὲ Τέλητος ὑπέστης;

κάτχειριδίου δ' ἀκόνη σκληρᾷ

παραθηγομένης βρύχεις κοπίδος,

δηχθεῖς αἰθωνι Κλέωνι.

Qui versus quamquam multo ante principatus Romani temporibus composita sunt, tamen, cum eodem nomine (ἀνάπαιστα) signentur, quo reliqui scriptores recentiora carmina appellaverunt, mihi sufficiunt ad formam posteriorum canticorum intellegendam. Erant igitur systemata anapaestica paroemiaco conclusa etiam primis saeculis Christianis apud vulgum usitatissima. Idem iam supra nos docuerunt duo fragmenta hymni εἰς Ἀπόλλωνα, quem confecit Porphyrius (cap. IV, annot. 32). Ea una re, si Porphyrii fragmentis fidem habere licet, recentiora systemata a vetustioribus differebant, quod paroemiacus liberior adhibebatur, cum vel in media sententia poneretur, in fine deesset. Hic usus, quem aliqua ex parte iam aetate Alexandrina viguisse e fragmento Berolinensi supra cognovimus (pag. 29), sine dubio valde amplificatus est, postquam poetae Stoici hypermetra paroemiaco absoluta pangere coeperant. Haec enim novitas, cum anapaesti, quod modo vidimus, Christiano saeculo primo metrum popolare esse non desiissent, procul dubio celerrime pervulgata est. Quod testatur ἐναγώνιος ille quem Ps.-Lucianus (Demonactis vita 65) vocat πούς, quo praecones initium et exitum ludorum

gymnicorum nuntiare solebant (ἄρχαι μὲν ἄγων e. q. s.; cf. supra pag. 73). Haec enim cantilena ante Neronis aetatem, ut σκώμματα illa, paroemiacis non caruisse existimanda est, dum nova anapaestos pangendi ratio usum vetustiore repulit. In conviviis quoque, ut in quibus anapaesti semper iactati essent, novae formae audientium animos delectabant, quod cognovimus e dimetris anapaesto-paeonicis, quos Niloplotarum cantilenam appellavit Wilamowitzius (cap. III, annot. 9). Praecipue vero hymnis novae formae anapaesticae secundo saeculo omnes in vulgus elatae sunt, unde saeculo tertio in vetustissimos hymnos Christianos transierunt.

[The page contains extremely faint, illegible text, likely bleed-through from the reverse side.]

Vita.

Natus sum Augustus Raabe Argentorati in urbe Alsatica pridie Non. Sept. anni MDCCCLXXXVI patre Alberto, matre Caecilia e gente Marks. Fidem profiteor evangelicam. Autumno anni MDCCCXCII in ordinem discipulorum Gymnasii Protestantici Argentoratensis receptus sum. Aetate anni MCMV maturitatis testimonio ornatus, a. d. XV Kal. Nov. universitatis Wilhelmae Argentinensis civis factus sum philologiaeque studiis me dedidi. Docuerunt me viri doctissimi Baeumker, Henning, Keil, Klotz, Martin, Neumann, Reitzenstein, Ziegler. Proseminario philologico interfui per quattuor semestria; tum Keilii Reitzensteiniique benignitate in seminarium philologicum receptus per unum annum sodalis eius fui ordinarius. Praeterea interfui exercitationibus epigraphicis et historicis, quibus Keil et Neumann, et seminariis germanicis, quibus Henning et Martin, et philosophicis, quibus Baeumker et Ziegler praeerant. Vere anni MCMIX dissertatio mea, quae inscribebatur 'Systemata anapaestica a poetis Graecis quo modo formata, exculta, mutata sint explicetur', ab amplissimo philosophorum ordine praemio exornata est; cui hoc opusculum est superstructum. Viris illustrissimis qui me docuerunt omnibus, praecipue Keilio et Reitzensteinio, pio gratoque animo semper deditus ero. Maximam vero gratiam debeo Brunoni Keil, qui quam benigne consilio suo semper me adiuverit verbis exprimere nequeo.

The first of these is the fact that the
 Government has been unable to secure
 the necessary funds to carry out its
 policy of non-interference in the
 internal affairs of the country.
 The second is the fact that the
 Government has been unable to secure
 the necessary funds to carry out its
 policy of non-interference in the
 internal affairs of the country.
 The third is the fact that the
 Government has been unable to secure
 the necessary funds to carry out its
 policy of non-interference in the
 internal affairs of the country.